

MECLİS-i MEŞÂYİH DEFTERLERİ

6

PROJE YÜRÜTÜCÜSÜ

HASAN KAMİL YILMAZ

EDİTÖRLER

HASAN KAMİL YILMAZ

AYHAN IŞIK

MELİHA AYDINLI



Türkiye Diyanet Vakfı Yayınları Yayın No. 1567
İSAM Yayınları 277
Başvuru Eserleri Dizisi 55
© Her hakkı mahfuzdur.

MECLİS-i MEŞÂYİH DEFTERLERİ 6. Cilt

Proje yürütücüsü Hasan Kamil Yılmaz
Editör Hasan Kamil Yılmaz, Ayhan Işık, Meliha Aydın
Yayın danışmanı İsmail Kara, Bilgin Aydın



TDV İslam Araştırmaları Merkezi (İSAM)
tarafından yayına hazırlanmıştır.
İcadiye-Bağlarbaşı Cad. 38 Üsküdar / İstanbul
Tel. 0216. 474 08 50
www.isam.org.tr yayin@isam.org.tr

Yayın yöneticisi Yaşar Çolak
Yayın editörü Mustafa Demiray
Proje koordinasyon Arzu Güldöşüren
Çeviri yazı ve özet Ayhan Işık, Meliha Aydın
Mukabele Esra Yıldız, Beşir Şen, Ömer Karadağ, Meliha Aydın
Özetlerin redaksiyonu Rabia Aydın
İmla İnayet Bebek
Grafik uygulama Ender Boztürk
Kapak tasarım Hasan Hüseyin Can

Bu eser
TDV İslam Araştırmaları Merkezi'nin (İSAM)
Meclis-i Meşâyih Defterleri Projesi
kapsamında yayımlanmıştır.

Bu kitap
İSAM Yönetim Kurulu'nun
29.08.2025 tarihli ve 2025/07 sayılı kararıyla basılmıştır.
Birinci Basım: İstanbul, Eylül 2025
ISBN 978-625-428-799-2 (Tk.)
978-625-428-805-0 (6. Cilt)



Basım, Yayın ve Dağıtım
TDV Yayın Matbaacılık ve Tic. İşl.
Ostim OSB Mahallesi, 1256 Cadde, No. 11
Yenimahalle / Ankara
Tel. 0312. 354 91 31 Faks. 0312. 354 91 32
bilgi@tdv.com.tr
Sertifika No. 48058

Meclis-i Meşâyih defterleri / ed. Hasan Kamil Yılmaz, Ayhan Işık, Meliha Aydın. -
İstanbul ; Ankara : İslam Araştırmaları Merkezi (İSAM) ; Türkiye Diyanet Vakfı, 2025.
6. c. (626 s.) ; 28 cm. - (Türkiye Diyanet Vakfı Yayınları ; 1567. İSAM Yayınları ; 277.
Başvuru Eserleri Dizisi ; 55)
ISBN 978-625-428-799-2 (Tk.) 978-625-428-805-0 (6. Cilt)

MECLİS - i MEŞÂYİH
DEFTERLERİ

1737
Numaralı
Müzekkire ve Derkenâr
Defteri

باب توی محمل شریخ

1

[illegible]

1737 NUMARALI MÜZEKKİRE VE DERKENÂR DEFTERİ

IST_MFT_MSH_DFT02_01737_0001_0001¹

Harbe iştirak edememiş olan Dersaadet'teki şeyhlerin topladıkları iki bin üç yüz kırk sekiz kuruluşun Müdâfaa-yi Milliye Cemiyeti Sandığına teslimi ve para veren şeyhlerin isimlerinin gazetelerde ilanı.

Bâb-ı Fetvâ Meclis-i Meşâyih									
Târih-i Tesvîd		Müsevvid	Evrak Odası Numarası	Husûsî Numarası	Takım		Umûmî	Târih-i Tebyîz	
Arabî	Rumî							Arabî	Rumî
Fî 19 Rebî'ülâhir sene [1]333 [6 Mart 1915]	Fî 21 Şubat sene [1]330	-	-	-	-	-	-	-	-
Müdâfa'a-i Milliye Cem'iyeti Riyâset-i aliyyesine İstîtâ'at-i bedeniyyesi olmayıp da bi'l-fi'il harbe iştirâk edemeyen Dersaadet'teki meşâyihin nakden mu'âvenette bulunmaları için Meclis-i dâ'iyânemizce vukû' bulan ihtârât üzerine melfûf pusulada müfredâtı gösterildiği üzere birince def'a olarak iki bin üç yüz kırk sekiz guruh cem' ve derc edilmiş ve bunun Müdâfa'a-i Milliye Cem'iyetine tevdi' ve teslimini makâm-ı celîl-i Fetvâ-penâhî'den irâde buyurularak meblağ-ı mezbûr cem'iyet sandığına teslim olunmak üzere takdîm kılınmış olmağla bi'l-kabûl makbûz senedinin isbâline ve tâziyâne-i gayret ve himmet olmak üzere de mezkûr pusuladaki esâmînin evrâk-ı havâdisle i'lânına himem-i aliyyeleri masrûf buyurulmak bâbında emr ü irâde efendim hazretlerindir. Mehmed Gülşen, Es'ad									

IST_MFT_MSH_DFT02_01737_0001_0002²

Evkaftan muhassas maaşının devamı talebiyle bir şeyhin verdiği dilekçenin, Evkaf Nezâretine gönderilmesi.

Fî 8 Rebî'ülâhir sene [1]333 / Fî 10 Şubat sene [1]330 / - / - / - / - / - / Fî 8 Rebî'ülâhir sene [1]333 [23 Şubat 1915] / Fî 10 Şubat sene [1]330

El-yevm münhal dergâh olmadığı ve metn-i arzuhâlde evkâftan muhassas ma'âşının devâm-ı i'tâsı istid'â olunduğu cihetle işbu arzuhâlin hasbe't-ta'alluk Evkâf-ı Hümayûn Nezâret-i celîlesine irsâli menût-ı re'y-i âlî-i hazret-i Fetvâ-penâhîleridir ol bâbda emr ü fermân hazret-i veliyyü'l-emrindir.

Fî 8 Rebî'ülâhir sene 1333 ve fî 10 Şubat sene [1]330

Mehmed Gülşen, Es'ad

¹ Tabloda bulunan başlıklar, diğer kararlarda tekrar edilmeden bu bilgi sırasına göre verilmiştir.

² Defterlerde atlanan bazı kararlar, ilgili kararın devamı niteliğinde metnin içinde geçmektedir ya da orijinalinde bulunmadığı için aslına bağlı kalınarak verilmemiştir.

IST_MFT_MSH_DFT02_01737_0001_0003

Cihangir Dergâhı şeyhi Eşref Efendi'nin Meclis-i Meşâyihe çağrılması.

Fî 26 Rebî'ülâhir sene [1]333 / Fî 28 Şubat sene [1]330 / - / - / - / - / Fî 26 Rebî'ülâhir sene [1]333 [13 Mart 1915] / Fî 28 Şubat sene [1]330

Cihangir Dergâh-ı şerifi Şeyhi Reşâdetlü Eşref Efendi'ye

Reşâdetlü Efendim

Bazı husûsâtın müzâkeresi zımnında önümüzdeki Salı günü Meclis'e gelmeleri mercûdur efendim.

Fî 28 Şubat sene [1]330

Es'ad

Yazıla

IST_MFT_MSH_DFT02_01737_0001_0004-7_A³

Çarşamba'da İsmet Efendi Dergâhı şeyhi Ahmed Nimetullah Efendi'nin görevinden azledilerek yerine Hafız Mustafa Hâki Efendi'nin tayin edilmesi ve Şeyh İsmet Efendi'nin oğlu Zâhid Efendi'ye dergâh tahsisatından aylık yüz elli kuruş ödenmesine karar verilmesi.

- / - / - / - / - / - / - / - / - / -

[0007_A]

Çarşamba civârında kâin meşâyih-i tarikat-i Hâlidîyye'den merhûm İsmet Efendi Dergâhı postnişini Ahmed Nimetullah Efendi Evkâf'tan ta'âmiye nâmıyla muhassas meblağı ahz eylediği hâlde kat'iyen it'âm-ı ta'âm etmediği ve dergâha hiçbir sûretle münâsebeti olmayan bir Hristiyanı ikâme eylediği anlaşıp bu ise meşîhatin uhdesinden ref'ini mûcib ahvâlden idiğinden ve dergâh-ı mezkûr vakfının vakfiyesinde dergâh-ı mezkûra şeyh olacak zâtın vâkıf-ı müşârun-ileyh Şeyh İsmet Efendi'nin hulefâsından ve hulefâ-yı hulefâsından ve bulunamadığı takdîrde hulefâ-yı Hâlidîyye'den bi'l-imtihân ehliyeti sâbit olmakla beraber intihâb-ı dervîşân ile ta'yini meşrû bulundugundan bahsile cihet-i mezkûrenin mûmâ-ileyh uhdesinden ref'le yerine ber-müceb-i şart-ı vâkıf münâsib bir zâtın tayini ve dergâh-ı mezkûrun müessisi bulunan Şeyh İsmet Efendi merhûmun oğlu olup gâyet perîşân bir hâlde muztar kalan Zâhid Efendi'nin de dergâhta ikâmesi Evkâf-ı Hümayûn Nezâret-i celîlesinden bi'l-vürûd Meclis-i dâ'iyânemize havâle buyurulan 24 Kânûn-ı sâni sene [1]330 târihli tezkirede iş'âr olunmuştur vâkıf-ı müşârun-ileyhin hulefâsından ve hulefâ-yı hulefâsından mevcûd kimesne olmaması mülâbesesiyle şerâit-i vakfiyye dâiresinde müntahab bir zâtın nasbı lâzım gelmiş ve hulefâ-yı Hâlidîyye'den olup müntesibîn-i tarîk taraflarından meşîhat-i mezkûreye intihâb olunan Seyyid Şeyh Hacı Hâfız Mustafa Hâki Efendi Meclis-i dâ'iyânemizce de bi'l-imtihân isbât-ı kudret-i ilmiye eylemesine binâen meşîhat-i mezkûreye ta'yini münâsib görülmüş olmağla nezd-i sâmî-i Cenâb-ı Fervâ-penâhîlerinde dahi rehîn-i tasvîb olduğu hâlde zikr olunan meşîhat cihetinin [s. 004] mûmâ-ileyh Hâfız Mustafa Hâki Efendi'ye tevcihi ve mûmâ-ileyh Zâhid Efendi'nin

3 6. pozdaki konu, 4. poz ile alakalı olduğundan peş peşe verilmiş ve farklılığı ifade etmek için 7_A olarak gösterilmiştir.

IST_MFT_MSH_DFT02_01737_0001_0008

Dilekçe veren hanımın müracaatı üzerine, ilgili dergâh şeyhi Abdullah Efendi'nin Meclis-i Meşâyihe çağrılarak gereken tenbihatın yapılması.

- / - / - / İstid'â 3107 / 101 / - / - / 78 / Fî 25 S. sene [1]333 [12 Ocak 1915] / Fî 30 Kânûn-ı evvel sene [1]330

Müsted'iyiye-i mûmâ-ileyhânın vukû' bulan mürâca'atı üzerine dergâh-ı mezkûr şeyhi Abdullah Efendi Meclis'e celb ile tenbîhât-ı lâzime îfâ edilmiş olmağla işbu arzuhâlin Evrâk İdâresi'nde hıfzı tensîb kılındı ol bâbda.

Mehmed Gülşen, Es'ad

IST_MFT_MSH_DFT02_01737_0001_0009

Merdiven köyünde Şahkulu Dergâhı meşihati için Nakşibendî hulefâsından talip olanların belirtilen günde Meclis-i Meşâyihe müracaat etmeleri gerektiğinin gazetelerde ilanı.

- / - / - / - / - / - / - / 81 / Fî 25 Safer sene [1]333 [12 Ocak 1915] / Fî 30 Kânûn-ı evvel sene [1]330

Meşihati inhilâl eden Merdiven karyesinde Şahkulu Dergâhına hulefâ-yı Nakşiyiye'den bi'l-imtihân tâlib olanların Kânûn-ı sâni'nin üçüncü Cumartesi günü Meclis-i Meşâyihe mürâca'at eylemeleri husûsunun evrâk-ı havâdisle i'lânı zımnında işbu müzekkire-i dâ'iyânemizin Matbû'ât-ı Dâhiliye Müdüriyyeti'ne irsâli menû-tı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0010

Karagümrük'te Nureddin Cerrâhî Dergâhı'nın yarım hisse meşihatine mutasarrıf Nimetullah Efendi'nin vefatı üzerine, cihetin Fahreddin Efendi'ye tevcihiyle dergâh tahsisatının kendisine verilmesi.

- / - / - / - / - / - / - / 82 / Fî 29 S. sene [1]333 [16 Ocak 1915] / Fî 30 Kânûn-ı sâni sene [1]330

Karagümrük civârında vâki' Nureddin-i Cerrâhî hazretleri dergâh-ı şerifinin nısf hisse meşihat cihetinin müteveffâ Nimetullah Efendi mahlûlünden müstereki Fahreddin Efendi'ye tevcihi için Meclisce mazbatası tanzîm ve i'tâ kılınmış olduğundan ve dergâh-ı mezkûr el-yevm ma'mûr ve küşâde ve âyîn-i tarikat-i aliyye icrâ ve it'âm-ı fukarâ edilmekte bulunduğu muhassasâtının mûmâ-ileyh Fahreddin Efendi'ye verilmesi zımnında işbu müzekkire İstanbul Vilâyeti Evkâf Müdüriyyeti'ne i'tâ kılındı.

Mehmed Gülşen, Es'ad

IST_MFT_MSH_DFT02_01737_0001_0011

Konya ve diğer yerlerden gönüllü olarak orduya katılacak olan Mevlevîlere gereken kolaylığın gösterilmesinin gazetelerde ilanı.

- / - / - / - / - / - / - / 84 / Fî 1 Rebî'ülevvel sene [1]333 [17 Ocak 1915] / Fî 3 Kânûn-ı sâni sene [1]330

Meclis-i Meşâyihce küşâd edilen deftere gönüllü olarak kaydedilmek arzusunda bulunanlardan yedlerinde vesîkaları olanlar hakkında yapılacak mu'ameleyi müstefsir sebk eden iş'âra cevâben Harbiye Nezâret-i celîlesinden gelen 30 Kânûn-ı evvel sene [1]330 târihli tezkirede gerek Konya'da ve gerek mahâll-i sâirede bulunan Mevlevîlerden gönüllü kaydolunarak teşkîl olunacak taburlara iltihâk edecekler hakkında teshîlât-ı mukteziye irâesi icâb edenlere 12 Kânûn-ı evvel sene [1]330 târihinde telgrafla tebliğ edildiği ve ma'a-mâfih teşkîlât-ı mezkûrunun me'zûnen hânesinde bulunan ve henüz silah altına alınmamış olan mükellef ve gayr-i mükellef efrâddan icrâsı icâb edip bunun silah altına alınmış olanlara teşmîl edilmemesi lâzım geleceği iş'âr olunmağla alâkadârınca ma'lûm olmak üzere evrâk-ı havâdisle i'lân-ı keyfiyyet zımnında işbu müzekkirenin Matbû'ât İdâresi'ne irsâli menût-ı emr ü irâde-i aliyye-i Cenâb-ı Fetvâ-penâhileridir ol bâbda

IST_MFT_MSH_DFT02_01737_0001_0012

Üsküdar Merdivenköy'deki Şahkulu Zaviyesi postnişini Ahmed Baba'nın meşihatten azledilmesi üzerine, yerine Abdullah Efendi'nin tayini.

- / - / - / - / - / - / - / - / - / -

Bihî

Mazbata

Üsküdar'a tâbi' Nerdüban karyesinde kâin Şahkulu Zâviyesi postnişini Ahmed Baba'nın harekât-ı gayr-i meşrû'ası tahkîkât-ı vâkı'a ile tebeyyün eylediğine binâen mûmâ-ileyhin azliyle zâviyye-i mezkûre meşihati mukaddemâ türbedârlığa bi't-tahvîl tarik-i Nakşibendî usûlü icrâ eylemek üzere türbedârlık nâmıyla tevcîh olunageldiği beyânıyla zâviye-i mezkûre müntesiblerini irşâd ve terbiye edecek bir Nakşibendî şeyhinin intihâbı Şûrâ-yı Evkâf'tan tanzîm ve takdîm olunup Meclis-i dâ'iyânemize havâle buyurulan ve bu bâbdaki mu'âmelât-ı câriyeyi hâvî evrâk ile birleştiren müzekkirede beyân olunmuş meşâyih-i Nakşibendiyye'den olup dergâh-ı mezkûr meşihatini taleb ve istid'âda bulunan Şeyh Abdullah Efendi mesbûku'l-imtihan [ve] erbâb-ı fazl u kemâlden olmasıyla dergâh-ı mezkûra intihâb ve ta'yini münâsib görülmüş olmağla nezd-i âlî-i Cenâb-ı Fetvâ-penâhilerinde dahi rehîn-i tensîb olduğu hâlde dergâh-ı mezkûra mûmâ-ileyh Şeyh Abdullah Efendi'nin ta'yini husûsuna müsâ'ade-i celîle-i Meşihat-penâhileri şâyân buyurulmak bâbında.

Fî 17 Rebî'ülevvel sene [1]333 ve fî 20 Kânûn-ı sâni sene [1]330 [2 Şubat 1915]

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0013

İsmet Efendi Dergâhı şeyhinin meşihat görevinden azledilmesi ancak diğer görevi olan Gazi Sultan Abdülmecid Han Türbesi'ndeki hatm-i hâcegân vazifesinin devamına karar verilmesi.

- / - / - / - / - / - / - / - / - / -

İsmet Efendi Dergâhı hakkında Şûrâ-yı Evkâf kararıyla Evkâf-ı Hümayûn Nezâret-i celîlesinden gelen ve makâm-ı celîl-i Meşihat-penâhîden havâle buyurulmuş olan tezkirede dergâhın muhassasâtı istîfâ edildiği hâlde it'âm-ı ta'âm olunmamasından ve dergâhta münâsebeti olmayan

bir Hıristiyan ikâme edilmesinden ve esbâb-ı sâireden nâşî hizmet-i meşîhat uhdenizden ref edildiği ve cennet-mekân Sultân Abdülmecid Hân-ı Gâzî hazretleri türbe-i şerîfesindeki hatm-i hâcegân ciheti ise ba'demâ bilâ-tekâsül ifâ kılınmak şartıyla uhdenizde ibkâ olunduğu iş'âr ve mezkûr hatm-i hâcegân hizmetinin ale'd-devâm ifâsı için tarafınıza tebligât-ı lâzime icrâsı ilâveten izbâr kılınmış olmağla ol vech ile tebliğ-i keyfiyyete müsâberet kılındı efendim.

Mehmed Gülşen, Es'ad

Gurre-i Rebî'ülâhir sene 1333 ve fî 3 Şubat sene 1330 [16 Şubat 1915]

IST_MFT_MSH_DFT02_01737_0001_0014

Karagümrük'te Şeyh Nüreddin Cerrâhî Dergâhı'nın Nimetullah Efendi'den boşalan yarım hisse meşîhat cihetinin, diğer yarım hisse sahibi Fahreddin Efendi'ye tevcihi.

- / - / - / - / - / - / - / 13 / Fî 22 S. sene [1]333 [9 Ocak 1915] / Fî 27 Kânûn-ı evvel sene [1]330 Şeyh Nureddin-i Cerrâhî -kuddise sırruhu'l-âlî- hazretlerinin Karagümrük'te kâin dergâh-ı şerîfinin Nimetullah Efendi'den münhal nısf hisse meşîhat cihetinin Şeyh Râşid Efendi niyâbetiyle müteveffânın sagîr mahdûmuna tevcihi hakkında sebk eden iş'âr üzerine Şûrâ-yı Evkâf kararıyla Evkâf-ı Hümâyûn Nezâret-i celîlesinden bi'l-vürûd Meclis-i dâ'iyânemize havale buyurulan 29 Teşrîn-i sâni sene [1]330 tarihli tezkirede Tevcih-i Cihât Nizâm-nâmesi'nin on dokuzuncu maddesinde aslî cihet vâhid olduğu hâlde dört veya sâir tarikle hisas-ı adîdeye ayrılmış olan cihâtın hissedârlarından birinin vefâtında ehliyetli evlâdı bulunsa bile hissesinin hissedârlardan en ziyâde ehil olana ilâveten tevcih olunacağı musarraha olduğu ve şu kayd-ı nizâmînin vakıftaki illet ve hikmete nazaran ihmâl ve iskâtı kâbil olmayıp tatbîki her hâlde zarûrî bir emr-i kânûnî bulunduğu beyânıyla mâdde-i mezkûre mücebine müteveffâ-yı mûmâ-ileyh Nimetullah Efendi'den münhal nısf hisse meşîhatın evvelce nısf-ı diğeri uhdesine müvecceh bulunmasına göre tahakkuk-ı ehliyeti tabî'î bulunan mûmâ-ileyh Fahreddin Efendi'ye tevcihi iş'âr olunmuş ve sagîr-i mezbûr ile vâlide ve ceddesini dergâhta iskân ve ikâme eyleyeceğine dâir mûmâ-ileyh Fahreddin Efendi sened dahi i'tâ eylemiş olduğundan ol vechile hisse-i münhal-ı mezkûrenin de uhdesindeki hisseye ilhâken mûmâ-ileyh Fahreddin Efendi'ye tevcih ve yedine berât-ı âlî i'tâsı zımnında işbu mazbata-i dâ'iyânemizin Evkâf-ı Hümâyûn Nezâret-i celîlesine irsâli menût-ı re'y-i âlî-i Fetva-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0015

Konya'da Mevlânâ Celâleddin Rûmî Dergâhı poştınışını Çelebi Efendi tarafından oluşturacak gönüllü taburuna katılmak isteyen şeyh ve dervişlerden askerlik çağına gelenler hakkında nasıl muamele yapılacağıнын Harbiye Nezâretine sorulması.

- / - / - / - / - / - / - / 78 / Fî 18 Safer sene [1]333 [5 Ocak 1915] / Fî 23 Kânûn-ı evvel sene [1]330 Konya'da defin-i hâk-ı rahmet-nâk Hazret-i Mevlânâ Celâleddin -kuddise sırruhu'l-mübîn- Âsitânesi poştınışını reşâdetlü Çelebi Efendi hazretleri tarafından vukû' bulan teşebbüs üzerine tensib-i sâmi-i Cenâb-ı Meşîhat-penâhî ile turuk-ı aliyye meşâyih ve mensûbîn taraflarından teşkilâtına ibtidâr kılınan gönüllü taburuna iltihâk arzusunda bulunan ve yedlerinde vesîka olan erbâb-ı esnân hakkında kayıd mu'amelesi icrâ edilip edilmemesi husûsuna dâir tereddüd

hâsıl olduğundan ne yolda ifâ-yı mu'âmele edilmesinin iş'ârı zımında işbu müzekkire-i dâ'iyânemizin mazrûfen Harbiye Nezâret-i celîlesine irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0016

Münhal bir vazife olduğunda imtihana sadece bir kişi başvurduğu durumda imtihana gerek olup olmadığının sorulması.

- / - / - / - / - / - / - / 79 / Fî 18 S. sene [1]333 [5 Ocak 1915] / Fî 23 Kânûn-ı evvel sene [1]330 Münhal bir cihet vukû'unda mesbûku'l-imtihân olanlardan yalnız bir zât cihet-i mezkûreye tâlib olduğu takdîrde müsâbakaya mahal olmadığı gibi be-tekrâr imtihân olmasının lâzım gelip gelmeyeceği nizâm-nâme-i cedîdede musarrah olmamasına mebnî bu bâbda ne yolda mu'âmele olunmasının emr-i iş'ârı menût-ı re'y-i âlî-i Fetvâ-penâhîleri olmağın.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0017

Meşihat vekâletine başka bir talip çıkmadığından ilgili dergâhın vekâletine Sâlih Efendi'nin tayini.

- / - / - / - / - / - / - / 77 / Fî 11 Safer sene [1]333 [29 Aralık 1914] / Fî 16 Kânûn-ı evvel sene [1]330

Evkâf-ı Hümâyûn Nezâret-i celîlesinin merbût 14 Kânûn-ı evvel sene [1]330 târihli [tezkire-sinde] meşîhati niyâbeten Meclis-i dâ'iyânemizce intihâb edilen erbâb-ı ehliyetten Şeyh Sâlih Efendi'den mâ'adâ tâlib zuhûr etmemiş olmasına mebnî arz-ı sâbık vechile icrâsı zımında key-fiyyetin cevâben nezâret-i müşârun-ileyhâya izbârı menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0018

Okmeydanı Dergâhı meşihatine tayinini talep eden Seyyid Sâbit Efendi'nin arzuhalinin Evkaf Nezâretine gönderilmesi.

- / - / - / - / - / - / - / 76 / Fî 11 Safer sene [1]333 [29 Aralık 1914] / Fî 16 Kânûn-ı evvel sene [1]330

Seyyid Sabit mührüyle takdîm olunup havâle buyurulan arzuhâlde elli seneden beri mesbûku'l-hizme bulunduğu bahs ile münhal olan Okmeydanı Dergâhı meşihatinin uhdesine tevcihi istirhâm olunmuş ise de evrâk-ı merbûta mündericâtından ve mülgâ Mahkeme-i Teftîşin bu bâbdaki i'lâmı sûretinden dahi anlaşılacağı üzere dergâh-ı mezkûr meşîhati âyîn-i tarikat-i aliyye icrâ olunur meşihatlerden olmadığı cihetle tevcihâtı öteden beri Evkâf-ı Hümâyûn Hazînesince bi'l-istizân şeref-müte'allık buyurulan irâde-i seniyye-i hazret-i Hilâfet-penâhî ile icrâ edilmekte olduğu ve hattâ şeyh-i sâbık müteveffâ Mutî Efendi'ye de bu yolda tevcih edilmiş idiği cihetle sevâbık ve emsâli vech ile Hazîne-i Evkâf-ı Hümâyûnca iktizâsı ifâ olunmak üzere bu husûs

hakkındaki evrâkın takımıyla mazrûfen Evkâf-ı Hümâyûn Nezâret-i celîlesine irsâli menût-ı rey'-i âlî-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0019

Bahsi geçen dergâh meşîhati boş olmadığından, verilen arzuhalin Evrak İdaresine gönderilmesi.

- / - / - / İstid'â 3036 / 95 / - / - / 77 / Fî 11 Safer sene [1]333 [29 Aralık 1914] / Fî 16 Kânûn-ı evvel sene [1]330

İşbu arzuhâlde mahkî dergâh-ı şerîfin meşîhati münhal olmadığı cihetle mürâca'atında cevâb îtâsıyla battâlâda hıfzı zımında arzuhâl-i mezkûrun Evrâk Kalemine havâlesi menût-ı emr ü irâde-i aliyye-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0020

Humus Mahkeme-i Şer'iyye memurlarından bir kişinin, müstahıkkın-i ilmiyeden maaş tahsisi talebine dair dilekçesinin Me'mûrîn Müdüriyetine havalesi.

- / - / - / İstid'â 3009 / 94 / - / - / 76 / Fî 8 Safer sene [1]333 [26 Aralık 1914] / Fî 13 Kânûn-ı evvel sene [1]330

İşbu istid'ânâmede mahlûl dergâh hakkında vukû' bulan mürâca'atlarına karşı cevâb verilmediğinden ve kendisi Humus Sancağı Mahkeme-i şer'iyyesi me'mûrîninden olduğundan bahsile hidemât-ı mesbûkasına ve kesret-i âilesine binâen müstahıkkın-i ilmiyyeden münâsib mikdâr ma'âş tahsisi istirhâm olunmağla ve fi'l-hakîka hâlen dahi münhal dergâh bulunmamağla ma'âş hakkında îcâbı icrâ buyurulmak üzere işbu arzuhâl Me'mûrîn Müdüriyyet-i aliyyesine tevdi' kılındı.

Mehmed Gülşen, Es'ad

IST_MFT_MSH_DFT02_01737_0001_0021

Belirtilen vakitte Bayezid Camii'nde toplanmaları gerektiğinin bütün tekke şeyhlerine tebliği.

- / - / - / - / - / - / - / 75 / Fî 5 Safer sene [1]333 [23 Aralık 1914] / Fî 10 Kânûn-ı evvel sene [1]330

Taraf-ı âlî-i Meşîhat-penâhî'den telakkî olunan emr-i âlînin bi'l-cümle meşâyih-i kirâma tebliği iktizâ eylediğinden o vech ile icrâ-yı tebliğât olunmak üzere merkeziniz dâhilinde bulunan bi'l-cümle tekâyâ meşâyih-i kirâmının Kânûn-ı evvelin on altıncı Salı günü sâ'at beş raddele-rinde behemehâl Bâyezid Câmî-i şerîfinde ictimâ'ları husûsunun ta'mîmen tebliği mercûdur efendim.

IST_MFT_MSH_DFT02_01737_0001_0022

Bebek'te Kayalar Camii imamet, hitabet ve meşihat cihetlerinin mutasarrıfı Ali Efendi hakkındaki rapor gereğince; meşihat vazifesi hakkında daha sonra muamele yapılmak üzere, imamet ve hitabet hakkında gereken muamelenin yapılması için evrakların Evkaf Nezâretine gönderilmesi.

- / - / - / - / - / - / - / 74 / Fî 4 Safer sene [1]333 [22 Aralık 1914] / Fî 9 Kânûn-ı evvel sene [1]330
Bebek'te kâin Kayalar Câmî-i şerîfi imâmet ve hitâbet ve meşihat cihetleri mutasarrıfı Ali Efendi hakkında icrâ kılınan tahkîkâtı hâvî Müfettiş Osman Bey tarafından verilip ma'a'l-müteferri'ât merbûtan takdîm kılınan rapor mündericâtına nazaran muhdes olan meşihat ciheti hakkında ba'dehû mu'âmele-i lâzime îfâ olunmak üzere evvelemirde imâmet ve hitâbet hakkında Hazine-i Evkâf-ı Hümâyûnca lâzimü'l-icrâ mu'amelenin îfâsıyla neticesinin inbâsı zımnında işbu evrâkın mazrûfen Evkâf-ı Hümâyûn Nezâret-i celîlesine irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0023

Sultanahmet'te Kabasakal'da Sinanağa Mahallesi'nde Hâce Fatma Hanım Dergâhı'nın vakfiyesiyle meşihat ve tevliyet kayıtlarının Evkaf Nezâretinden istenmesi.

- / - / - / - / - / - / - / 73 / Fî 4 Safer sene [1]333 [22 Aralık 1914] / Fî 9 Kânûn-ı evvel sene [1]330
Meclis-i dâ'iyânemize havâle buyurulan Evkâf-ı Hümâyûn Nezâret-i celîlesinin 6 Kânûn-ı evvel sene [1]330 târih ve 76005/109 numaralı tezkiresinde mahkî Sultân Ahmed Hân-ı Evvel hazretleri câmî-i şerîfi civârında Kabasakal'da Sinanağa Mahallesi'nde kâin Hâce Fatıma Hanım Dergâhının vakfiyesiyle meşihat ve tevliyet kayıtlarının bi'l-ihrac Meclis'e isbâli husûsunun cevâben nezâret-i müşâr-un-ileyhâya izbârı menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0024

Belirtilen vakitte Meclise gelmesi için Şehremini Denizabdal'daki Uşşâkî Dergâhı şeyhine yapılan tebliğ.

- / - / - / - / - / - / - / 92 / - / Fî 29 Teşrîn-i sâni sene [1]330 [12 Aralık 1914]

Şehremini Civarında Denizabdal'da Uşşâkî Dergâhı Şeyhine

Bazı husûsun müzâkeresi zımnında Kânûn-ı evvel'in birinci Salı günü ba'de'z-zuhr behemehâl Meclis-i Meşâyih'e gelmeniz zımnında işbu tezkire tarafınıza irsâl kılındı.

Yazıla

IST_MFT_MSH_DFT02_01737_0001_0025

Meclis-i Meşâyih maiyetinde görevli Evkaf Müdürlüğü müfettişi Osman Bey'e, tüm tarikat mensuplarınca görevinde gereken kolaylığın gösterilmesine dair tebligat.

- / - / - / - / - / - / - / 93 / - / Fî 29 Teşrîn-i sâni sene [1]330 [12 Aralık 1914]

Bi'l-cümle Mensûbîn-i Turuk-ı aliyeye

İşbu müzekkirenin hâmilî Osman Bey Meclis-i Meşâyih ma'iyetine me'mûr Evkâf Müdiriyeti müfettişi olduğundan her nerede olursa olsun mürâca'atı hâlinde kendisine kânûn dâiresinde teshîlâtta bulunulması tavsiye olunur.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0026

Üsküdar Merdivenköy'de Şahkulu Zaviyesi postnişini Ahmed Baba ile dergâhta kalanların uygunsuz hareketlerine dair nasıl bir işlem yapıldığının Şûrâ-yı Evkaftan sorulması.

- / - / - / - / - / - / - / 72 / Fî 23 Muharrem sene [1]333 [11 Aralık 1914] / Fî 29 Teşrîn-i sâni sene [1]330

Üsküdar'da Nerdüban karyesinde kâin Şahkulu Sultân Dergâhı postnişini Ahmed Baba ile dergâh-ı mezkûrda bulunanların muhâlif-i şer' ve tarîk ahvâl ile me'lûf oldukları bu bâbda zâbıta ma'rifetiyle icrâ kılınan tahkîkât neticesinde tebeyyün etmesi üzerine icrâ-yı icâbını hâvî Meclis-i dâ'iyânemizden tanzîm ve takdîm kılınıp Evkâf-ı Hümâyûn Nezâret-i celîlesine havâle buyurulan müzekkire ve merbûtâtı üzerine şimdiye kadar ne yolda mu'amele cereyân eylediğine dâir bir gûne iş'âr vukû' bulmadığından netice-i hâsılanın beyânı zımnında işbu müzekkire-i dâ'iyânemizin mazrûfen Şûrâ-yı Evkâf Riyâset-i aliyyesine irsâl buyurulması menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0027

Ürgüp'te Şeyh Turasan-ı Velî Zaviyesi'nin meşihat mutasarrıflarından vefat eden Emrullah ve Şeyh Safi efendilerin hisselerinin, diğer müşterekleri olan kardeşleri Mehmed Arif Efendi'nin hissesine ilave edilmesi.

- / - / - / Hülâsa 3376 / 85 / 1 / - / 70 / Fî 19 Muharrem sene [1]333 [7 Aralık 1914] / Fî 25 Teşrîn-i sâni sene [1]330

Ürgüp kazasında kâin Şeyh Turasan-ı Velî Zâviyesinde Sultân Alâeddin zevcesi Hunad Hatun Vakfından almak üzere şehri on akçe vazîfe ile ber-vech-i meşrûtiyet sülûs hisse şeyh-i zâviye ci-hetine bâ-berât-ı âlî mutasarrıf iken vefât eden Emrullah ve müştereki evlâd-ı vâkıftan bilâ-veled vefât eden Şeyh Safi efendilerden münhal kalan hissenin li-ebeveyn er karındaşı Mehmed Arif'e tevcihi vâkıfe-i mûmâ-ileyhânın vakfiyesinde Turasan-ı Velî evlâd ve evlâd-ı evlâd-ı evlâdının batnen ba'de batnin ve neslen ba'de neslin eslahına meşrûta ve te'âmül-i kadîm dahi o sûretle câri olduğundan münhal olan hisseteyn-i mezkûreteynin biraderleri mûmâ-ileyh Mehmed Arif Efendi'ye tevcihi İncesu Kazası Niyâbet-i şer'iyyesinin fî 25 Cumâdelûlâ sene [1]329 târihli i'lâmıyla Kayseriye Mutasarrıflığı'nın mazbatasında beyân edilmiş ve ahîren bu bâbda cereyân

eden muhâbere üzerine mûmâ-ileyh Mehmed Arif Efendi'nin derece-i kifâyeti ve tarîkat-i aliyyeden me'zûniyeti tebeyyün etmiş ve zâviye-i mezkûre vezâifini ifâyâ iktidârı i'lâm-ı şer'î mündericâtından müstebân olmağla mu'âmele-i câriye Tevcîh-i Cihât Nizâmnâme-i Cedîdi'nin mer'iiyeti ahkâmından mukaddem olup nizâmnâme-i atîk mücebince müteveffâ-yı mûmâ-ileyhimâ Emrullah ve Şeyh Safi efendiler mahlûlünden hisseteyn-i mezkûreteynin mûmâ-ileyh Mehmed Arif Efendi'ye tevcihi tensib edilerek o vechile mu'âmele-i lâzimesinin icrâsı zımnında işbu evrâkın takımıyla mazrûfen Evkâf-ı Hümâyûn Nezâret-i celîlesine irsâl buyurulması menût-ı re'y-i sâmi-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0028

Meclis-i Meşâyihi müfettişliğine tayin edilmiş olan Necmeddin Efendi'nin askere alınması sebebiyle yerine, İstanbul Evkaf müfettişlerinden Osman Bey'in tayini.

- / - / - / - / - / - / - / 69 / Fî 16 Muharrem sene [1]333 [4 Aralık 1914] / Fî 22 Teşrîn-i sâni sene [1]330

Tekâyâ ve zevâyânın murâkabe ve emr-i teftîşi zımnında Meclis-i dâ'iyânemiz ma'iiyetine mukaddemâ ta'yîn kılınmış olan Müfettiş Necmeddin Efendi dâ'ileri bu kere hâl-i harb dolayısıyla askere alınmış ve tahkîkât ve teftîşât-ı lâzimenin muntazaman ifâsı zımnında müstakillen bir müfettişe ihtiyâc derkâr bulunmuş olduğundan mu'âmelât-ı teftîşiyede iktidârı müşâhid olan İstanbul Vilâyeti Evkâf müfettişlerinden Osman Bey'in Meclis-i Meşâyihi müfettişliğine ta'yini husûsuna lûtf u müsâ'ade-i celîle-i Cenâb-ı Fetvâ-penâhîleri şâyân buyurulmak bâbında.

Mehmed Abdülbaki, Mehmed Gülşen, Es'ad

Meclis-i Meşâyihi'ten tanzîm ve makâm-ı âlî-i Meşihat-penâhî'ye takdîm kılınan fî 16 Muharrem sene [1]333 ve fî 22 Teşrîn-i sâni sene [1]330 târihli müzekkirenin sûretidir.

(Aynen)

Zîrine taraf-ı âlî-i hazret-i Fetvâ-penâhîden keşide buyurulan işâret-i aliyyenin sûretidir.

Meclis-i Meşâyihi'ten gösterilecek lüzûm üzerine dahi tahkîkât ve teftîşât-ı mukteziyenin icrâsına müsâra'at edilmek üzere Osman Bey'e

Fî 16 M. Sene [1]333

IST_MFT_MSH_DFT02_01737_0001_0029

Beşikçizâde Dergâhı'nın tayinat pusulaların mühürlenmemesine bir sebep varsa, bildirilmesine dair dergâhın şeyh vekiline yapılan tebligat.

- / - / - / - / - / - / - / 91 / Fî 16 Muharrem sene [1]333 [4 Aralık 1914] / Fî 22 Teşrîn-i sâni sene [1]330

Evkâf-ı Hümâyûn Nezâret-i celîlesince icrâ kılınan tahkîkât neticesinde vekîli bulundukları Beşikçizâde Dergâhının eyyâm-ı mahsûsasında küşâd ve ifâ-yı vazîfe edilmediği müfettiş tarafından tanzîm ve Meclis'e havâle olunan rapor mündericâtından anlaşılmış ve dergâh-ı mezkûr lahm mu'ayyenât pusulalarının taraf-ı âlîlerinden temhîr edilmediği de ber-vech-i istihbâr kılınmış olmağla ve Dergâh-ı şerîf-i mezkûrda âyîn-i tarîkin ta'til ve terhîl bi't-tabî' nezd-i vâlâlarında

da rehîn-i cevâz olamayacağı derkâr bulunmağla bi-hasebi'l-vekâle icrâ-yı âyîn-i şerîfe himmetle beraber şâyed bu bâbda ve ta'yînât-ı lahmiye pusallalarının adem-i temhîrinde bir sebep ve ma'zeret var ise keyfiyyetin iş'âr buyurulması mercûdur.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0030

Üsküdar Vâlîde Dergâhı'nın medreseye dönüştürülmesi sebebiyle, tarikat âyini icrasının aksamaması için Vâlîde Camii'ndeki iki hücrenin tekke şeyhi Mahmud Efendi'ye tahsisi.

- / - / - / İstid'â 2846 / - / - / - / 75 / Fî 16 Muharrem sene [1]333 [4 Aralık 1914] / Fî 22 Teşrîn-i sâni sene [1]330

Teşkilât-ı cedîde münâsebetiyle Üsküdar'da kâin Vâlîde Dergâh-ı şerîfi bu kere medrese i'dâdına idhâl edildiğinden bahs ile dergâh-ı mezkûr civârında Vâlîde Câmi'-i şerîfinde eyyâm-ı mahsûsasında âyîn-i tarikat-i aliyyenin icrâsı ve rûz-ı mezkûrda kable'z-zikr ihvân-ı dîn ve tarîkin ictimâ'ı için hucûrât-ı hankâhtan ikisinin tahsîsine müsâ'ade i'tâsı istihâmını hâvî Şeyh Mahmud Efendi tarafından tanzim kılınan istid'â üzerine keyfiyyet lede't-tezekkür esâsen her gece câmi'-i şerîf derûnunda usûl-i tarîkin ifâsı te'âmül olduğu gibi mukayyed vakfiyesinde dahi "ve ye'izü fî'l-câmi'î's-şerîf fî'l-eyyâmî's-şerîfeti ve'l-leyâlî'l-mübâreketi li-cemâ'ati'l-müslimîn ve ta'lîhim mâ-yentefî'üne fî emri ma'âşihim ve fî emri'd-dîn" deyü mastûr bulunmasından anlaşıldığına nazaran dergâh-ı münîf-i mezbûrda postnişîn bulunanların câmi'-i şerîf-i mezkûrda dahi vazîfedâr oldukları tebeyyün eylemesine ve âyîn-i bihîn-i tarikat-i aliyyenin ta'tili mine'l-cümle da'avât-ı mefrûza te'âlî-i dîn ü devletin tehmiili gayr-i câiz bulunmasına binâen mûmâ-ileyh şeyh efendiye dergâh-ı mezkûr hucûrâtından iki hücrenin teslimiyle beraber eyyâm-ı mahsûsasında câmi'-i şerîf-i mezkûrda ifâ-yı vazîfe eylemesi makrûn-ı müsâ'ade-i veliyyü'n-ni'amîleri olduğu takdîrde icrâ-yı icâbı menût-ı re'y-i âlî-i Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0031

Kasımpaşa İbâdullah Mahallesi'nde Doğramacı Ahmed Efendi Dergâhı şeyhi Mehmed Cemâl Efendi'nin vefatı üzerine, yerine Şeyh Sâlih Efendi'nin niyâbetinde müteveffanın oğlu Sâdık Efendi'nin tayini.

- / - / - / 2764 - 2334 / 83 - 68 / 6058 / - / 12 / Fî 12 Muharrem sene [1]333 [30 Kasım 1914] / Fî 18 Teşrîn-i sâni sene [1]330

Kasımpaşa'da İbâdullâh Mahallesi'nde kâin tarikat-i aliyye-i Kâdiriyye'den Doğramacı Ahmed Efendi Dergâhı meşihat cihetine bâ-berât-ı âlî mutasarrıf olan Şeyh Cemâl Efendi sağır mahdûmu Sâdık Efendi'yi terk ile vukû'-ı vefâtına mebnî münhal olan cihet-i mezkûrenin bi'n-niyâbe uhdesine tevcihi Sâdık Efendi tarafından vâki' olan istid'â üzerine bu bâbda Evkâf-ı Hümayûn Kuyûd-i Kadîme-i Vakfiyye Müdüriyyeti'nden muhrec kayıdda dergâh-ı mezkûrun meşihat ciheti fî 6 Rebî'ülâhir sene [1]310 târihinde Mehmed Cemâl Efendi'ye tevcih olunduğunu mübeyyin berât-ı âlî i'tâ kılındığı ve bir güne muhassasâtı ve mukayyed vakfiyesi olmadığı gösterilmiş ve müsted'î Sâdık Efendi el-yevm hadîsü's-sin bulunmasına binâen hizmet-i meşihati bizzât ifâya kesb-i iktidâr edinceye kadar hizmet-i mezkûrenin bi'l-vekâle tevcihi

muktezî bulunmuş ve bu misilli muhassasâtı olmayan tekâyâ meşîhatlerinin sulehâdan bir zâta ihâlesi Tevcîh-i Cihât Nizâmnâmesi'nin kırk altıncı maddesi ahkâmından olup tarikat-i aliyye-i mezkûre hulefâsından ve sagîr-i mezbûrun akrabâsından bulunan Şeyh Sâlih Efendi hüsn-i sîret ashâbından olup meşâyih-i mu'teberenin intihâbıyla sagîr-i mûmâ-ileyh bizzât ifâ-yı hizmete kesb-i iktidâr edinceye kadar mûmâ-ileyh Şeyh Sâlih Efendi tarafından ber-vech-i hasbî bi'l-vekâle ifâ-yı hizmet olunmak üzere meşîhat-i mezkûrenin müteveffâ-yı mûmâ-ileyh mahlûlünden mûmâ-ileyh Sâdık Efendi uhdesine tevcihi zımnında işbu mazbata-i dâ'iyânemizin takımıyla Evkâf-ı Hümâyûn Nezâret-i celîlesine irsâli menût-ı re'y-i sâmi-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0032

Meclis-i Meşâyihin ihtiyaç duyduğu kırtasiye malzemelerinin Levazım memurluğundan istenmesi.

- / - / - / - / - / - / - / 90 / Fî 12 Muharrem sene [1]333 [30 Kasım 1914] / Fî 18 Teşrîn-i sâni sene [1]330

Müzekkirelik küçük kâğıd	50 aded
Zarf	2 kutu
Mektûb kâğıdı	1 deste
Mektûb zarfı	2 kutu
Mürekkebi	0,5 kıyye
Zınbalı defter	4

Bâlâda esâmîsi muharrer altı kalem levâzım-ı kırtâsiyyeye Meclisce lüzûm görüldüğünü mübey-yin işbu müzekkire Levâzım Me'mûrluğuna tevdi' kılındı.

Yazıla

IST_MFT_MSH_DFT02_01737_0001_0033

Eğrikapı'da Kolancı Emin Efendi Dergâhı şeyhi Nûri Efendi'nin vefatıyla dergâh faaliyetlerinin durduğu ve dergâhın bazı eşyalarının da damadı eskici esnafından Ömer Ağa tarafından satıldığı yönündeki şikâyetin tahkiki.

- / - / - / - / - / - / - / 68 / Fî 9 Muharrem sene [1]333 [27 Kasım 1914] / Fî 15 Teşrîn-i sâni sene [1]330

Eğrikapı hâricinde Kolancı Emin Efendi Dergâhı şeyhi Nûri Efendi'nin vukû'-ı vefâtıyla dergâh-ı mezkûr el-yevm mahlûl ve mu'attal olup bazı aksâmı da müteveffâ-yı mûmâ-ileyhin damadı eskici esnafından Ömer Ağa tarafından fûrûht edilmekte olduğu istihbâr kılındığından bu hâl ise hukûk-ı vakfın ziyâ'ını bâdî olacağından mezkûr dergâh hakkında bi'l-etrâf tahkikât-ı lâzime icrâsıyla neticesinin bâ-rapor Meclis-i dâ'iyânemize irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0034

Üsküdar'da Rifâî, Bebek'te Kayalar, Silivrikapı'da Kürkcü, Davutpaşa'da Beşikçizâde dergâhlarında; şeriat ve tarikata aykırı durumların olduğu yönündeki iddiaların tahkiki.

- / - / - / - / - / - / - / - / 67 / Fî 5 Muharrem sene [1]333 [23 Kasım 1914] / Fî 11 Teşrîn-i sâni sene [1]330

Üsküdar'da Âsitâne-i Rifâ'î, Bebek'te Kayalar, Silivrikapısı civârında Kürkcü, Davutpaşa'da Beşikçizâde dergâhlarında muhâlif-i şerî'at ve tarikat bazı ahvâl vukû'a geldiği istihbâr kılınıldığından mezkûr dergâhlar hakkında bi'l-etrâf tahkîkât-ı lâzime icrâsıyla neticesinin bâ-rapor Meclis-i dâ'iyânemize irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0035

Arzuhalde bahsedilen dergâhın meşihatine ait deruhte kayıtlarının Evkaf Nezâretinden istenmesi.

- / - / - / İstid'â 2764 / - / Fî 4 Teşrîn-i sâni sene [1]330 / - / 74 / Fî 3 Muharrem sene [1]333 [21 Kasım 1914] / Fî 8 Teşrîn-i sâni sene [1]330

Ba'dehû icâbı teemmül olunmak üzere evveleminde dergâh-ı mezkûr der'uhde kayıtlarıyla vakfiyesi varsa meşihate âid fıkrasının bi'l-ihrac Meclis'e isbali zımnında işbu arzuhâlin mazrûfen Evkâf-ı Hümayûn Kuyûd-ı Kadîme-i Vakfiyye Müdiriyyeti'ne irsâl buyurulması menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0036

Boşta bir Rifâî dergâhı olmadığından ilgili arzuhalin Evrak İdaresine gönderilmesi.

- / - / - / İstid'â 2649 / 80 / Fî 27 Teşrîn-i sâni sene [1]330 / - / 74 / Fî 28 Zilhicce sene [1]332 [17 Kasım 1914] / Fî 4 Teşrîn-i sâni sene [1]330

Şimdilik münhal Rifâ'î Dergâhı olmadığından müsted'îye tefhîmiyle işbu arzuhâlin Evrak İdaresi'nde hıfzı tezekkür kılınmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0037

Üsküdar Merdivenköy Şahkulu Sultan Zaviyesi postnişini Ahmed Baba ve beraberindekilerin dergâhta içki içme gibi sû-i halleri görüldüğünden; şeyhin görevden azledilerek yeni bir şeyh tayinine kadar dergâhın kapatılması.

- / - / - / - / - / - / - / - / 66 / Fî 21 Z. sene [1]332 [10 Kasım 1914] / Fî 28 Teşrîn-i evvel sene [1]330

Üsküdar'da Nerdüban karyesinde kâin Şahkulu Sultân Zâviyesi postnişini Ahmed Baba ile dergâh-ı mezkûrda bulunanlardan bazılarının işrete inhimâk gibi sû-i halleri istihbâr kılınıldığından bahis ile fi'l-hakîka mûmâ-ileyhimin bu gibi ahvâl ile me'lûf olup olmadıklarının etrâfiyla bi't-tahkîk neticesinin inbâsı hakkında Meclis-i dâ'iyânemiz ifâdesiyle sebk eden iş'âr-ı

âlî-i Cenâb-ı Fetvâ-penâhîleri üzerine bu bâbda zâbıta ma'rifetiyle icrâ kılınan tahkîkâtı havâ tanzîm ve Üsküdar Mutasarrıflığı'ndan mazrûfen huzûr-ı âlî-i Meşihat-penâhîlerine takdîm kılınıp Meclis-i dâ'iyânemize havâle buyurulan evrâk-ı tahkîkiyyede dergâh-ı mezkûr postnişini Ahmed Baba ile dergâhta müstahdem iken el-yevm asker olan Hacı Ahmed Nûri ve Meydancı İbrâhîm Babaların ve dergâhta bulunanların cümlesi dergâh dâhilinde müskirât isti'mâl eyledikleri ve işretle son derecede me'lûf bulundukları öteden beri meşhûd olup bu cihet, edilen tahkîkâtla da te'yîd edildiği ve bu hâlde mezkûr köy ahâlisinin umûmen ma'lûmâtı olduğu ve hattâ dört beş mâh mukaddem dergâha külliyetli mikdârda müskirât getirileceği Sahrâ-yı cedîd mevkî'ine ihbâr edilmesi üzerine bi't-tarassud bir fıçı derûnunda elli kıyye kadar rakı dergâha idhâl edileceği sırada müsâdere olunduğu ve şu sûretle de dergâh derûnunda işret isti'mâlî sâbit olduğu ve dergâhtakilerin her birinin yatakları başucuna şişeler ve tenekelerde müskirât bulundurulduğu karye-i mezkûre ahâlisince ma'lûm ve mütevâtir idiği gösterilmiştir bu gibi dînen ve şer'an merdûd ve makdûh ahvâl ile me'lûf bulunanların bi't-tabi' turuk-ı aliyye ile hiçbir vechile münâsebeti olmayıp bunların dergâhta iskânları da kat'iiyen tecvîz edilemeyeceğinden muvâfık-ı emr ü irâde-i aliyye-i Meşihat-penâhîleri olduğu hâlde mûmâ-ileyh Ahmed Baba uhdesindeki cihâtın ref'iyle turuk-ı sûfiyyeye sâlik ve sâlih bir zât intihâb ve i'zâm edilinceye değin şeyh-i merkûm ile sâir sükkânın ihrâcıyla dergâh-ı mezkûrun sedd ü bendi zımnında dâire-i müte'allıkasına evâmîr-i lâzime i'tâsı husûsuna müsâ'ade-i aliyye-i Fetvâ-penâhîleri şâyân buyurulmak bâbında.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0038

Eyüp'te Vezir İzzet Paşa Dergâhı meşihatine Abdullah Efendi tayin edildiğinden dergâhın tahsisatının kendisine verilmesi.

- / - / - / - / - / - / - / 64 / Fî 18 Z. sene [1]332 [7 Kasım 1914] / Fî 25 Teşrîn-i evvel sene [1]330

Tahsisât-ı Hayriyye Müdiriyyeti'ne

Civâr-ı Hazret-i Hâlid'de kâin Vezîr İzzet Paşa Dergâh-ı şerîfi meşihat ciheti fî 10 Şevvâl sene [1]332 târih ve 9 numaralı Meclis-i Meşâyih mazbatası mücebince Şeyh Abdullah Efendi uhdesine tevcîh edilmiş olduğundan dergâh-ı mezkûr mu'ayyenât ve muhassasâtının ba'demâ mûmâ-ileyh Şeyh Abdullah Efendi nâmına verilmesi zımnında işbu ilmühaber i'tâ kılındı.

Mehmed Abdülbaki, Mehmed Gülşen

IST_MFT_MSH_DFT02_01737_0001_0039

Altı ay izin verilen dergâh şeyhinin yerine, Hacı Ahmed Efendi'nin vekâleten tayini.

- / - / - / İstid'â 2377 / 73 / Fî 19 Eylül sene [1]330 / - / 73 / Fî 14 Zilhicce sene [1]332 [3 Kasım 1914] / Fî 21 Teşrîn-i evvel sene [1]330

Müsted'i-i mûmâ-ileyhe altı mâh müddet me'zûniyet i'tâ ve Hacı Ahmed Efendi'nin dergâh-ı mezkûrda ifâ-yı vekâleti Meclisce tensîb edilmiş olduğundan işbu evrâkın hıfzı tezekkür kılındı ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0040

Boşta bir dergâh olmadığından, meşihat tevcihi talebiyle verilen arzuhalin Evrak İdaresine gönderilmesi.

- / - / - / İstid'â 2593 / 76 / Fî 6 Teşrîn-i evvel sene [1]330 / - / 72 / Fî 14 Zilhicce sene [1]332 [3 Kasım 1914] / Fî 21 Teşrîn-i evvel sene [1]330

Şimdilik münhal dergâh olmadığından müsted'îye tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0041

Davutpaşa İskelesi'nde Kadem-i Şerif Dergâhı şeyhi Bedreddin Efendi'nin vefatı üzerine; yerine biraderi Selâhaddin Efendi tayin edildiğinden dergâh tayinatının kendisine verilmesi.

- / - / - / - / - / - / - / - / 63 / - / Fî 14 Teşrîn-i evvel sene [1]330 [27 Ekim 1914]

Davutpaşa İskelesi civârında kâin Kadem-i Şerif Dergâh-ı şerîfi şeyhi Bedreddin Efendi'nin vukû'-ı vefâtına mebnî münhal olan meşihat ciheti müteveffâ-yı mûmâ-ileyhin biraderi Salahaddin Efendi uhdesine tevcih olunup yedine berât-ı âlî de i'tâ edildiğinden ve dergâh-ı mezkûr, şeyh-i mûmâ-ileyhin vefâtından beri küşâde ve derûnunda âyîn-i tarikat-i aliyye icrâ ve it'âm-ı fukarâ ifâ edilmekte ve bâlâdaki mühür mûmâ-ileyh Şeyh Salahaddin Efendi'nin tatbîk mührü olduğundan mu'ayyenâtın i'tâsı zımında işbu ilmühaber i'tâ kılındı.

Es'ad

IST_MFT_MSH_DFT02_01737_0001_0042

Verilen arzuhalin aidiyeti cihetiyle Evkaf Nezâretine gönderilmesi.

- / - / - / İstid'â 2549 / 75 / - / - / - / 71 / Fî 4 Zilhicce sene [1]332 [24 Ekim 1914] / Fî 11 Teşrîn-i evvel sene [1]330

İşbu arzuhâlin âidiyeti cihetiyle mazrûfen Evkâf-ı Hümâyûn Nezâret-i celîlesine irsâli menûr-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0043

Edirnekapı'da Halil Nizâmeddin Efendi Dergâhı'na, Hazîne-i Hâssadan tahsisli kurbanlığın verilmesi için ilmühaber.

- / - / - / - / - / - / - / - / 63 / Fî 4 Zilhicce sene [1]332 [24 Ekim 1914] / Fî 11 Teşrîn-i evvel sene [1]330

Edirnekapısı civârında kâin Halil Nizâmeddin Efendi Dergâhına Hazîne-i Hâssa-i şâhânedan beher sene îd-i adhâda i'tâsı mu'tâd olan ağnamın i'tâsı zımında işbu ilmühaber i'tâ kılındı.

Es'ad

IST_MFT_MSH_DFT02_01737_0001_0044

Gönderilen müzekkirede bahsedilen Edhem imzalı varakaya rastlanmadığının bildirilmesi.

- / - / - / - / - / - / - / 62 / - / Fî 11 Teşrîn-i evvel sene [1]330 [24 Ekim 1914]

İşbu müzekkire zahrına muharrer derkenârda beyân olunduğu üzere taharriyat-ı lâzime bi'l-icrâ istenilen Edhem imzâlı varakaya destres olunamadığının beyânına ibtidâr kılındı efendim.

Yazıla

IST_MFT_MSH_DFT02_01737_0001_0045

Babalarının vefatıyla meşihat vazifesine tayin edilen şeyh oğullarının tezkire-i

Osmaniyyelerinin belirtilen günde Meclis-i Meşâyih'e göndermeleri gerektiğinin tebliği.

- / - / - / - / - / - / - / 65 ilâ 79 / Fî 3 Muharrem sene [1]333 [21 Kasım 1914] / Fî 8 Teşrîn-i evvel sene [1]330

Merkeziniz dâhilinde pederlerinin vukû'-ı vefâtıyla meşihat ciheti uhdelerine bi'n-niyâbe tevcih olunmuş olan şeyhzâdelerin târih-i tevcihleri ile tezkire-i Osmâniyye sûretlerinin şehr-i hâl-i Rûmî'nin on beşinci Cumartesi günü behemehâl Meclis-i Meşâyih'e irsâli mütemennâdır.

Mehmed Abdülbaki, Es'ad

IST_MFT_MSH_DFT02_01737_0001_0046

Üsküdar Merdivenköy'de Şahkulu Sultan Zaviyesi postnişini Hacı Ahmed Baba ile dergâhta ikamet eden bazı kişilerin içki içtikleri ihbarının tahkiki.

- / - / - / - / - / - / - / 65 / Fî 26 Zilkade sene [1]332 [16 Ekim 1914] / Fî 4 Teşrîn-i evvel sene [1]330

Üsküdar'a tâbi Nerdüban karyesinde kâin Şahkulu Sultân Zâviyesi postnişini Hacı Ahmed Baba ile dergâh-ı mezkûr sükkânından bazılarının işrete inhimâk gibi sû'-i ahvâl-i istihbâr kılındığından fi'l-hakika mûmâ-ileyhimin bu gibi ahvâl ile me'lûf olup olmadıklarının etrâfiyla bi't-tahkik neticesinin inbâsı Üsküdar Mutasarrıflığına tezkire-i aliyye şeref-tastîri menût-ı re'y-i âlî-i Cenâb-ı Fetvâ-penâhileri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0047

Karagümrük'te Şeyh Nûreddin Cerrâhî Dergâhı'nın Nimetullah Efendi'den boşalan yarım hisse meşihat cihetinin, Otakçılar'da Sertarikzâde Dergâhı postnişini Şeyh Râşid Efendi vekâletiyle müteveffanın küçük oğlu Gâlib Efendi'ye tevcihi.

- / - / - / - / - / - / - / 11 / Fî 22 Zilkâ'de sene [1]332 [12 Ekim 1914] / Fî 30 Eylûl sene [1]330

Karagümrük civârında medfûn Hazret-i Pîr Nureddin-i Cerrâhî Dergâh-ı şerîfi meşihatının nısf hissesine mutasarrıf olan Nimetullah Efendi sagîr mahdûmu Gâlib Efendi'yi terkle vefât etmesine mebnî münhal olan hisse-i mezkûrenin sagîr-i mûmâ-ileyhe tevcihi müteveffânın zevcesi ve sagîrin vâlidesi Sıdika imzâsıyla takdîm olunup havâle buyurulan arzuhâlde istidâ olunmuş ve bi'l-havâle Evkâf-ı Hümayûn Kuyûd-ı Kadîme-i Vakfiyye Müdîriyyeti'nden muhrec

kayıdda dergâh-ı mezkûrun meşihat ciheti fi 6 Zilkâ'de sene [1]238 târihiyle pîr-i müşârun-ileyh hulefâsından es-Seyyid eş-Şeyh Abdülaziz Efendi'nin uhdesinde iken vefâtıyla mahlûlünden fi 7 Zilkâ'de sene [1]270 târihinde oğulları es-Seyyid eş-Şeyh Yahya Gâlib ve Mehmed Rızaeddin efendilere ve ahîren mûmâ-ileyh Yahya Gâlib Efendi'nin kasr-ı yedinden hissesi fi 7 Şa'bân sene [1]316 târihinde kebîr mahdûmu İsmâil Nimetullah Efendi'ye ve mûmâ-ileyh Mehmed Rızaeddin Efendi'nin vukû'-ı vefâtıyla mahlûlünden fi 10 Kânûn-ı sâni sene [1]329 târihinde kebîr mahdûmu Mehmed Fahreddin Efendi'ye tevcih olunduğu gösterilmiş ve mûmâ-ileyh Mehmed Fahreddin Efendi tarafından verilen arzuhâlde ammizâdesi müteveffâ Nimetullah Efendi'den mahlûl hissenin uhdesindeki nısf hisseye ilhâken kendisine tevcihi istid'â olunduğu hâlde ahîran Meclis-i dâ'iyânemize mürâca'atla hisse-i mezkûreden istinkâf eylediğini ve ammizâdesi müteveffâ Nimetullah Efendi'nin sagîr mahdûmuna tevcihine rızâ-dâde bulunduğunu şifâhen beyân ve ifâde eylemiş olmağla şu hâlde sagîr-i mûmâ-ileyhin sinn-i rüşde vusûlüyle kesb-i iktidârına kadar sagîrin ta'lîm ve terbiyesine bakmak ve bi'n-niyâbe hizmetini ifâ etmek üzere Otakçılar'da kâin Sertarîkzâde Dergâh-ı şerîfi postnişini olup esâsen Nureddin-i Cerrâhî Dergâhının sertarîk hizmetinde bulunan ve erbâb-ı fazl ü kemâlden olarak mesbûku'l-imtihân olan Şeyh Râşid Efendi'nin vekil ta'yini tensib edilmiş olduğundan öteden beri te'âmülen ve müştereken tevcih olunduğu vech ile mûmâ-ileyh Şeyh Râşid Efendi'nin tevkiliyle nısf hisse-i meşihatın Nimetullah Efendi mahlûlünden sagîr mahdûmu mûmâ-ileyh Gâlib Efendi uhdesine tevcihiyle yedine berât-ı âlî i'tâsı zımnında işbu mazbata-i dâ'iyânemizin Evkâf-ı Hümâyûn Nezâret-i celîlesine irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0048

Üsküdar'da Vâlide Sultan Dergâhı postnişininin Meclis-i Meşâyihe çağrılması.

- / - / - / - / - / - / - / 61 / - / Fî 30 Eylül sene [1]330 [12 Ekim 1914]

Üsküdar'da Vâlide Dergâhı Postnişinine

Bazı husûsun müzâkeresi zımnında Teşrîn-i evvelin dördüncü Cumartesi günü Meclis-i Meşâyihe teşrîf buyurmaları mütemennâdır efendim.

Yazıla

IST_MFT_MSH_DFT02_01737_0001_0049

Aksaray Horhor'da Hindîler Dergâhı muhassasatının ne şekilde sarf edileceğine dair vakfiyesinde kayıt varsa onun, yoksa bu muhassasatın verilmesi için düzenlenmiş olan ilmühaber suretinin Evkaf Nezâretinden istenmesi.

- / - / - / - / - / - / - / 64 / Fî 22 Za. sene [1]332 [12 Ekim 1914] / Fî 30 Eylül sene [1]330

Aksaray kurbünde Horhor'da kâin Hindîler Dergâhının muhassasât-ı nakdiyye ve ayniyyesine ve bunun fukarâya keyfiyyet-i sarfına dâir vakfiyede şart ve sarâhat var ise onun ve yok ise bu gibi muhassasât ale'l-ekser ilmühaberle mu'ayyen ve muhassas olmasıyla bu bâbdaki ilmühabe-rin bi'l-istinsâh irsâli zımnında işbu müzekkirenin mazrûfen Kuyûd-ı Kadîme Müdiriyyeti'ne irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0050

Eyüp'te Hatuniye diğer ismiyle Hoca Hüsâm Efendi, Sultanahmet'te Şehid Mehmed Paşa, Hırka-i Saadet civarında Muabbir Hasan Efendi ve Balat'ta Kesmekaya dergâhları postnişinleri hakkında tahkikat yapılması.

- / - / - / - / - / - / - / 62 / Fî 19 Zilka'de sene [1]332 [9 Ekim 1914] / Fî 27 Eylöl sene [1]330
Hazret-i Hâlid civârında Hatuniye nâm-ı diğer Hoca Hüsâm Efendi, Sultânahmed civârında Şehîd Mehmed Paşa ve Hırka-i Saâdet civârında Mu'abbir Hasan Efendi ve Balat'ta Kesmekaya Dergâh-ı şerîfleri postnişinleri efendilerin bir takım ahvâl-i nâ-becâyâ tasaddîleri şüyü' bulmuş olduğundan bu bâbda tahkîkât-ı amîka icrâsıyla neticesinin bâ-rapor serî'an Meclis'e inbâsı menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0051

Memleketine giden Musullu Şeyh Hafız Osman Efendi'nin vefat ettiği haberinin doğru olup olmadığının Musul Kadılığından sorulması.

- / - / - / - / - / - / - / 63 / Fî 19 Za. sene [1]332 [9 Ekim 1914] / Fî 27 Eylöl sene [1]330
Vukû' bulan istihbârâta nazaran li-ecli's-sıla memleketine azîmet eden Musullu Şeyh Hâfız Osman Efendi'nin vefâtı istihbâr kılındığından mahallince tahkîkât-ı serî'a icrâsıyla iş'ârı husûsunun Musul Kâdılığı'na bâ-telgraf izbârı menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0052

Hindîler Dergâhı şeyhinin Meclis-i Meşâyihe çağırılması.

- / - / - / - / - / - / - / 60 / - / Fî 27 Eylöl sene [1]330 [10 Ekim 1914]

Hindîler Dergâhı Şeyhine

Dergâhınızın vakfiyesiyle meşihat berâtını bi'l-istishâb Eylöl'ün otuzuncu Salı günü Meclis-i Meşâyi'h'e gelmeniz zımında işbu tezkire terkîm kılındı.

Yazıla

IST_MFT_MSH_DFT02_01737_0001_0053

Memleketi Trabzon'a gidecek olan Fındıklı Dergâhı şeyhi Mehmed Kâmil Efendi'nin yerine, Cihangir Dergâhı şeyhi Eşref Efendi'nin vekâlet etmesi.

- / - / - / - / - / - / - / 61 / Fî 15 Zilka'de sene [1]332 [5 Ekim 1914] / Fî 23 Eylöl sene [1]330
Li-maslahatin bir ay müddetle memleketi olan Trabzon'a azîmet edeceğinden bahisle yerine Cihangir Dergâhı şeyhi Eşref Efendi'nin bi't-tevkîl me'zûniyet i'tâsı hakkında Fındıklı Dergâhı şeyhi Mehmed Kâmil Efendi tarafından verilen müzekkire üzerine o vech ile mûmâ-ileyh Eşref Efendi tarafından vekâleten icrâ-yı âyîn olunmak ve bir gûne terk ve terâhiye meydan verilme-mek üzere mûmâ-ileyh Şeyh Kâmil Efendi'nin bir mâh müddetle terhîsi Meclisce tensîb edilmiş olmağla işbu vesîka tanzîm ve i'tâ kılındı.

Mehmed Gülşen, Es'ad

IST_MFT_MSH_DFT02_01737_0001_0054

Meşihatının tevcihi talep edilen dergâhın; öncelikli olarak Evkâf-ı Hümâyûn Nezâretince vakfiyesi, meşihati ve hayratının tescil muamelesinin yapılması.

- / - / - / Kırmızı 677 / 66 / - / - / 70 / Fî 15 Zilka'de sene [1]332 [5 Ekim 1914] / Fî 23 Eylül sene [1]330

İcrâ-yı tevcihi mahallinden iş'âr olunan dergâhın Hazîne-i Evkâf-ı Hümâyûnca vakfiyesi ve meşihati ve hayratı mukayyed ve müseccel olmadığı Kuyûd-ı Kadîme Kaleminin bâlâdaki derkenârında beyân olunmasına nazaran tevcih mu'amelesinin şimdiden ifâsına mahal olmayıp evveleminde meşihat-i mezkûrenin tevcihine lüzûm olduğu tahakkuk ettikten ve evrâk-ı matviyye miyânındaki vakfiye dahi kayıd ve ihticâca sâlih olup da usûlü dâiresinde kayıd ve tescil olunduktan sonra tevcih mu'amelesi ifâ edilebileceğinden o vech ile emr-i kayd ve tescilin ve mu'amelât-ı lâzime-i sâirenin idâre-i müte'allikasınca ifâsından sonra i'ade edilmek üzere işbu evrâkın mazrûfen Evkâf-ı Hümâyûn Nezâret-i celîlesine irsâli menût-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0055

Horhor'da Hindîler Tekkesi şeyhinin, Hintli misafirlerini dergâha kabul etmediği yönündeki şikâyetlerin tahkiki.

- / - / - / - / - / - / - / 60 / Fî 15 Zilka'de sene [1]332 [15 Ekim 1914] / Fî 23 Eylül sene [1]330

Cihân-ı İslâm nâmıyla münteşir gazetede Horhor'da Hindîler Tekkesi şeyhi tarafından dergâh-ı mezkûre gelen Hind misâfirlerinin it'âm-ı ta'âmlarına bakılmayıp iskânlarına da müsâ'ade edilmediği münderic bulunmuş ve şeyh-i mûmâ-ileyh celb ve icticvâb olunduktan dergâhta birkaç misâfir sâkin bulunduğu ve bazılarının dergâha adem-i kabûlü esbâbı da yedlerinde tezkire-i Osmâniyye veya pasaport gibi evrâk-ı resmiyye bulunmamasından inbi'âs eylediği ifâde olunmuş olmağla bu bâbda dergâh-ı mezkûrun bulunduğu mahalle mu'teberân-ı ahâlîsinden vesâire lâzım gelenlerden müfettiş vâsıtasıyla tahkîkât-ı mükemmele icrâ ve şeyh-i mûmâ-ileyhin sıdk-ı ifâdesine kanâ'at mevcûd olup olmadığının bâ-rapor Meclis'e inbâsı zımında işbu müzekkire Ders Vekâlet-i aliyyesine tevdi' kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0056

Üsküdar Balaban Dergâhı şeyhi Nûri Efendi'ye sağlık sorunları sebebiyle, Kastamonu'ya gitmesi için beş ay izin verilmesi ve yerine bu sure zarfında Hacı Ahmed Efendi'nin vekil tayin edilmesi.

- / - / - / - / - / - / - / 59 / Fî 15 Zilka'de sene [1]332 [5 Ekim 1914] / Fî 23 Eylül sene [1]330

Ârıza-i vücûdiyyesine mebnî yerine Hacı Ahmed Efendi'yi bi't-tevkîl berâ-yı tebdîl-i havâ bir sene müddetle Kastamonu'ya azîmet ve avdetine müsâ'ade i'tâ olunması Üsküdar'da Balaban Dergâhı şeyhi Nûri Efendi tarafından verilen arzuhâlde istid'â olunmuş ve bu bâbdaki raporda dahi mûmâ-ileyhin ârıza-i vücûdiyyesi beyân ve tasdik edilmiş olup ancak istenilen bir sene

müddet şâyân-ı istiksâr olduğundan dergâh-ı mezkûrun mesdûdiyetine mahal kalmayıp eyyâm-ı mahsûsasında âyîn-i tarikat-i aliyye icrâ ve da'avât-ı hayriyye îfâ olunmak üzere beş mâh müddetle mûmâ-ileyhin azîmetine müsâ'ade edilmiş ve şeyh-i mûmâ-ileyhin avdetine kadar Hacı Ahmed Efendi'nin vekâleti Meclisce tensîb olunmuş olmağla işbu vesîka vekîl-i mûmâ-ileyh yedine i'tâ kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0057

Tekkelerde şeyhlerin bizzat kendileri veya belirledikleri kişilerin, haftanın belli günlerinde vaaz etmeleri ve ders vermeleri için tekke merkezlerine yapılan tebligat.

- / - / - / - / - / - / - / 43 ilâ 56 - 57 - 58 / Fî 12 Zilka'de sene [1]332 [2 Ekim 1914] / Fî 20 Eylül sene [1]330

Neşr ü ifâza-i irfân maksadıyla müesses olan tekâyâ ve zevâyâ-yı şerîfe mensûbîn ve mütereddidînin tenvîr-i efkâr-ı maddiye ve ma'neviyelerine bir kat daha hâdim olmak üzere icrâ-yı âyîn-i şerîfe mahsûs olan eyyâmda zât-ı reşâdetleri veyâhûd tarafınızdan münâsib bir zât intihâbıyla bir mikdâr va'az ve ders takrîri mûcib-i fevâid ve muhassehat-ı azîme olacağı derkâr bulunmuş ve keyfiyyet nezd-i âlî-i Cenâb-ı Fetvâ-penâhî'de dahi rehîn-i tensîb ve tasvîb olmuş olmağla o vec-hile icrâ-yı iktizâsına himmetle beraber merkeziniz dâhilindeki tekâyâ meşâyihinden münâsib olan zevâtâ dahi icrâ-yı tebligât olunması ve neticesinin inbâsı zımında işbu tezkire-i muhibbî terkîm kılındı efendim.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0058

Askere alınan Koska'da Abdüsselâm Dergâhı şeyhi Arif Hikmet Efendi'nin yerine, Şeyh Alaeddin Efendi'nin vekâleten tayini.

- / - / - / - / - / - / - / 42 / Fî 5 Zilka'de sene [1]332 [25 Eylül 1914] / Fî 13 Eylül sene [1]330
Dersâdet'teki tekâyâ ve zevâyâ meşâyihinden taht-ı silâha alınanlar var ise hizmetleri terk ve ta'tile uğramamak maksadıyla yerlerine münâsib birer vekîl intihâbıyla Meclis'e i'zâmı hakkında tekâyâ merâkizine ta'mîmen sebk eden iş'ara cevâben Müştakzâde Dergâh-ı şerîfi postnişîni Şeyh Ahmed Efendi tarafından gelen fî 2 Eylül sene [1]330 târihli tezkirede Koska'da kâin Abdüsselâm Dergâhı şeyhi Arif Hikmet Efendi seferberlik dolayısıyla askere alınmasına binâen mûmâ-ileyhin avdetine kadar zikr olunan Abdüsselâm Dergâh-ı şerîfinde vekâleten icrâ-yı âyîn etmek üzere Şeyh Alaeddin Efendi intihâb kılındığı iş'ar olunmuş ve o vech ile mûmâ-ileyh Alaeddin Efendi'nin vekâleti Meclisce tensîb edilmiş olmağla mûmâ-ileyh yedine işbu vesîkâ i'tâ kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0059

Selimiye Dergâhı meşihatine tayin talebi ile verilen dilekçenin, meşihat boş olmadığından Evrak İdaresine gönderilmesi.

- / - / - / İstid'â 2331 / 69 / - / - / 68 / Fî 5 Zilka'de sene [1]332 [25 Eylül 1914] / Fî 13 Eylül sene [1]330

Derûn-ı istid'âda mahkî Selimiye Dergâh-ı şerîfi meşîhati münhal olmadığından kendisinin mürâca'atında müsted'îye tefhîmiyle işbu arzuhâlin Evrâk İdâresi'nde hıfzı tezekkür kılınmış olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0060

Bir dergâhın meşihatine tayini teklif edilen Selâhaddin Efendi'nin tayininin uygun bulunması.

- / - / - / Kırmızı 831 / 70 / - / - / 69 / Fî 5 Zilka'de sene [1]332 [25 Eylül 1914] / Fî 13 Eylül sene [1]330

Evrâk-ı matviyye miyânındaki mazbata-i dâ'iyânemizde uhdesine tevcihi arz ve inhâ olunan Salahaddin Efendi müteveffânın biraderi olup sâhib-i salâh ve iktidâr idiğinden ve cihet-i mezkûre öteden beri mûmâ-ileyhin ecdâdı uhdelinde tedâvül edegelmış olup tedâvül-i vâki' dahi te'âmül-i şer'î hükmünü almış olduğundan ve ma'a-hâzâ başka tâlib de bulunmadığından cihet-i münhalle-i mezkûrenin mûmâ-ileyhe tevcihi için işbu evrâkın mazrûfen Evkâf-ı Hümayûn Nezâret-i celîlesine irsâli menût-ı re'y-i âlî olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0061

Bahsedilen dergâhın deruhte kaydıyla meşihatine ait vakfiye kaydının Evkaf Nezâretinden istenmesi.

- / - / - / Kırmızı 677 / 66 / 4 / - / - / 67 / Fî 27 Şevvâl sene [1]332 [18 Eylül 1914] / Fî 6 Eylül sene [1]330

Bu bâbdaki der'uhde kaydının ve evrâk-ı matviyye miyânındaki vakfiye Hazîne-i Evkâfca mukayyed olup olmadığı ve mukayyed olmayıp da hazînece başka vakfiye var ise meşihat hakkındaki şürûtunun inbâsı zımnında işbu evrâkın takımıyla mazrûfen Evkâf-ı Hümayûn Nezâret-i celîlesine irsâli menût-ı emr ü irâde-i aliyye-i Cenâb-ı Meşîhat-penâhileridir ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0062

Tekke merkezlerine bağlı dergâhların isim listelerinin ilgili merkezlere gönderilmesi ve Selimiye Dergâhı'nın müstakil tekke merkezi kabul edilmesinin tebliği.

- / - / - / - / - / - / - / - / 34 - 35 - 36 - 37 / Fî 1 Zilka'de sene [1]332 [21 Eylül 1914] / Fî 9 Eylül sene [1]330

*Selimiye'ye yazılacak tezkire

Dergâh-ı âlîleri müstakillen merkez ittihâz olunmuş olmağla o vechile ifâ-yı mu'âmele olunması refâtârında terkîm-i tezkireye ibtidâr kılındı.

El-yevm mevcûd olan tekâyâ merâkizinin kesreti mu'âmelât-ı câriyeyi işgâl etmekte olmasıyla mu'âmelâtca husûl-i suhûlet ve intizâm maksadıyla Meclisce a'dâd-ı merâkizin taklîlen icrâ kılınan tertîbatı sırasında* dergâh-ı şerîf ma'a mülhakât dergâh-ı âlîlerine rabt ve ilhâk kılınmış

ve ba'demâ inde'l-lüzûm dergâh-ı âlîlerine mürâcâ'at olunması husûsu dergâh-ı mezkûr şeyhi efendiye de teblîğ ve izbâr ve merkezine merbût tekâyânın esâmîsini mübeyyin yeniden tanzîm olunan pusula leffen tesyâr olunmuş olmağla mezkûr pusula mücebince tekâyâ-yı mezkûreye icrâ-yı teblîğât olunması bâbında terkîm-i tezkireye ibtidâr kılındı efendim.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0063

Bir dergâhın şeyhine, Hazret-i Hüdâyî Dergâhı'na bağlandıklarına dair yapılan tebligat.

- / - / - / - / - / - / - / 38 - 39 - 40 / Fî 1 Zilka'de sene [1]332 [21 Eylül 1914] / Fî 9 Eylül sene [1]330

“Dergâhınıza merbût bulunan tekâyâ ve zevâyânın mu'âmelâtının ba'demâ Hazret-i Pîr Hüdâî -kuddise sırruhu'l-âlî- Hânkâh-ı şerîfi merkez ittihâz kılınmış olduğundan lüzûmu hâlinde şim-diye kadar dergâh-ı âlîleri ve gerek merbûtu bulunan tekâyâ meşâyihinin min-ba'd merâkiz ittihâz olunan Hânkâh-ı Hazret-i Pîr'e mürâcâ'at eylemeleri lüzûmunun hüsn-i sûretle kendilerine tefhîmi ile yedinizde bulunan merkez mührünün isti'mâl edilmemesi lüzûmu zımında işbu tezkire-i muhibbî terkîm kılındı.”

Mehmed Abdülbaki, Mehmed Gülşen, Es'ad

El-yevm mevcûd olan tekâyâ merâkizinin kesreti mu'âmelât-ı câriyeyi işkâl etmekte olmasıyla mu'âmelâtca husûl-i suhûlet ve intizâm maksadıyla Meclisce a'dâd-ı merâkizin taklîlen icrâ kılınan tertîbâtı sırasında dergâh-ı âlîleri dahi esâsen merbûtiyet-i ma'neviyesi cihetiyle Âsitâne-i Hazret-i Pîr Hüdâî -kuddise sırruhu'l-âlîye- rabt ve ilhâk edilmiş olmağla ba'demâ inde'l-lüzûm âsitâne-i hazret-i pîre mürâcâ'at olunması beyânıyla terkîm-i tezkireye ibtidâr kılındı efendim.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0064

Askere giden Emîrgân Dergâhı şeyhi Ahmed Muhyiddin Efendi'nin yerine, Şeyh Said Efendi'nin vekâlet etmesi.

- / - / - / - / - / - / - / 41 / Fî 1 Zilka'de sene [1]332 [21 Eylül 1914] / Fî 9 Eylül sene [1]330

Dersâdet'teki tekâyâ ve zevâyâ meşâyihinden taht-ı silâha alınanlar var ise hizmetleri terk ve ta'tile uğramamak maksadıyla yerlerine münâsib birer vekîl intihâbıyla Meclis'e i'zâmı hakkında tekâyâ merâkizine ta'mîmen sebk eden iş'ara cevâben Durmuş Dede Dergâh-ı şerîfi postnişîni Eşref Efendi tarafından gelen 6 Eylül sene [1]330 târihli tezkirede Mîrgûn Dergâhı şeyhi Ahmed Muhyiddin Efendi seferberlik dolayısıyla askere alınmasına binâen kendisinin inzîmâm-ı re'y ve muvâfakatiyle vekâlete şeyh Said Efendi intihâb ve i'zâm edildiği beyân olunmuş ve o vechile mûmâ-ileyhin icrâ-yı vekâleti Meclisce münâsib görülmüş olmağla mûmâ-ileyh Şeyh Muhyiddin Efendi'nin avdetine kadar zikrolunan Mîrgûn Dergâh-ı şerîfinde vekâleten icrâ-yı âyîn etmek üzere mûmâ-ileyh Şeyh Said Efendi yedine işbu vesîka i'tâ kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0065

Askere giden tekke şeyhlerinin yerlerine münasip bir vekil seçilerek Meclise gönderilmesine dair, tekke merkezi şeyhlerine yapılan tebligat.

- / - / - / - / - / - / - / 77 İla 95 / Fî 24 Şevvâl sene [1]332 [15 Eylül 1914] / Fî 2 Eylül sene [1]330
Merkeziniz dâhilindeki tekâyâ meşâyihinden askere gidenler var ise avdetlerine değin sulehâdan münâsib bir vekilin bi'l-intihâb serî'an Meclis'e i'zâmı zımında terkîm-i tezkireye ibtidâr kılını efendim.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0066

Davutpaşa İskeleyi civarında Bâyezîd-i Cedîd Mahallesi'nde Kadem-i Şerîf Dergâhı şeyhi Bedreddin Efendi'nin vefatı üzerine, yerine biraderi Selâhaddin Efendi'nin tayini.

- / - / - / İstid'â 2155 / 64 / Fî 25 Ağustos sene [1]330 / - / 10 / Fî 24 Şevvâl sene [1]332 [15 Eylül 1914] / Fî 2 Eylül sene [1]330

Davutpaşa İskeleyi civârında Bâyezîd-i Cedîd Mahallesi'nde kâin tarîkat-i aliyye-i Sa'diyye'den Kadem-i Şerîf Dergâh-ı şerîfinin biraderi müteveffâ Şeyh Bedreddin Efendi'den münhal olan meşîhat cihetinin uhdesine tevcîhi Salahaddin Efendi tarafından takdîm olunup havâle buyurulan arzuhâlde istid'â olunması üzerine lede't-tedkîk evkâf-ı mülhakadan Halil Hamdi Paşa Vakfından almak üzere yevmî yirmi akçe vazîfe ile cihet-i mezkûre fî 20 Şevvâl sene [1]313 târihinde Seyyid Bedreddin Efendi'ye tevcîh olduğu ve vâkıf-ı müşârun-ileyhin mukayyed vakfiyesi hükmünce meşîhat-i mezkûre Kadem-i Şerîf ma'iyetiyle Şâm-ı Şerîf'ten gelen evlâd-ı Sa'diyye'den Şeyh Mehmed Efendi'ye ve ba'dehû evlâdına meşrûta bulunduğu bi'l-havâle Kuyûd-ı Kadîme Kaleminden yazılan derkenârda gösterilmiş ve mezkûr meşîhat cihetinin bervech-i muharrer yevmî yirmi akçeden ibâret bir vazîfesi görölüp bu gibi vazîfesi kalîl olan ve yâhûd hiç muhassasâtı bulunmayan meşîhatlerin intihâb-ı ahâlî ile sulehâdan birine tevcîhi Tevcîh-i Cihât Nizâm-nâme-i Cedîdi'nin kırk altıncı maddesi ahkâmından olup müsted'î Salahaddin Efendi ise erbâb-ı liyâkat ve iktidârdan olmakla beraber hüsn-i sîret ashâbından bulunduğu da bazı meşâyih ve ahâlî-i mu'tebere taraflarından memhûren gelen ilmühaberde beyân ve tasdik edilmiş olduğundan şu hâlde cihet-i mezkûrenin müteveffâ Şeyh Bedreddin Efendi mahlûlünden biraderi mûmâ-ileyh Salahaddin Efendi uhdesine bi't-tevcîh yedine berât-ı âlî i'tâsı zımında işbu mazbata-i dâ'iyânemize işâret-i aliyye-i Cenâb-ı Meşîhat-penâhî ile bi't-tevcîh Evkâf-ı Hümayûn Nezâret-i celîlesine irsâl buyurulması menû-tı re'y-i âlî-i hazret-i Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0067

Bilgi talep edilen arzuhale ait bir kayda ulaşılamadığından, müzekkirenin Dersaadet Bidayet Müddeiumumiliğine iadesi.

- / - / - / 235 / - / - / - / 66 / Fî 24 Şevvâl sene [1]332 [15 Eylül 1914] / Fî 2 Eylül sene [1]330
Dersaadet Bidâyet Müdde-i Umûmîliğinin işbu müzekkiresinde mezkûr istid'ânın mütâlâ'asına lüzûm görüldüğünden celbini muktezî olup kuyûda lede'l-mürâca'a zamanımıza âid bu bâbda

bir arzuhâle destres olunamadığı gibi müsveddât-ı atıkaya da bi'l-mürâca'a bir gûne kayd ve işârete de zafer-yâb olunamadığının beyânına mucâseretle işbu müzekkire i'âdeten takdîm kılındı.

Yazıla

IST_MFT_MSH_DFT02_01737_0001_0068

Gavsî Dergâhı şeyhi Ali Rıza Efendi'nin, hilâf-ı şer'-i şerif davranışları sebebiyle azledilmesi.

- / - / - / İstid'â 2133 / 62 / 1 / - / 65 / Fî 21 Şevvâl sene [1]332 [12 Eylül 1914] / Fî 30 Ağustos sene [1]330

Gavsî Dergâhı şeyhi Ali Rıza Efendi'nin hilâf-ı şer'-i şerif ahvâle cür'eti istihbâr kılınmasına ve bu bâbda cereyân eden tahkîkât dahi istihbârât-ı vâkı'ayı te'yîd etmesine binâen mûmâ-ileyhin uhdesindeki meşîhatin ref'i muktezî bulunduğuna dâir Meclisce tanzîm kılınan müzekkire makâm-ı âlî-i Cenâb-ı Fetvâ-penâhîlerine arz ve takdîm edilmiş ve işbu mazbata hakkında Meclisce icrâ edilecek bir mu'âmele kalmamış olduğundan mürâca'at vukû'unda cevâb i'tâ olunmak üzere işbu arzuhâl ve merbûtunun Evrâk İdaresinde hıfzı tensîb edilmiş olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0069

Çelebi Efendi'ye ihsan edilen ve Evkaf Nezâretinden gönderilen ferman suretinin ilgili deftere kaydedilmesi.

- / - / Hüsam / Kırmızı 97 / 61 / - / - / 64 / Fî 21 Şevvâl sene [1]332 [12 Eylül 1914] / Fî 30 Ağustos sene [1]330

Reşâdetlü Çelebi Efendi hazretlerine ihsân buyurulan fermân-ı âlî sûretinin irsâlini mübellağ Evkâf-ı Hümâyûn Nezâret-i celîlesinin işbu tezkiresiyle merbûtu lede'l-mütâla'a mezkûr sûret aynen defter-i mahsûsuna kaydedilmiş olduğundan Evrâk İdaresi'nde hıfzı tezekkür kılındı ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0070

Arzuhalde bahsi geçen dergâhın deruhte ve meşîhatine ait vakfiye kayıtlarının Evkaf Nezâretinden istenmesi.

- / - / - / 2155 / 64 / - / - / 63 / Fî 17 Şevvâl sene [1]332 [8 Eylül 1914] / Fî 26 Ağustos sene [1]330

Dergâh-ı şerîf-i mezkûrun der'uhdesiyle meşîhatine âid vakfiyesi fıkrasının bi'l-ihrac Meclis'e isbâli zımnında işbu arzuhâlin mazrûfen Evkâf-ı Hümâyûn Kuyûd-ı Kadîme-i Vakfiyye Müdiriyyeti'ne irsâl buyurulması menûr-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0071

Burdur'un Yarı köyünde Efendioğlu Hüseyin Dede Zaviyesi'nin zaviyedarlığına, Abdullah ve Hasib efendilerden hangisi layık ise onun tayin edilmesinin mahalline bildirilmesi.

- / - / - / - / - / - / - / 76 / Fî 17 Şevvâl sene [1]332 [8 Eylül 1914] / Fî 26 Ağustos sene [1]330
Burdur sancağı mülhakâtından Yarı karyesinde vâki' Efendioğlu Hüseyin Dede Zâviyesinin münhal olan zâviyedârlık cihetinin Tevcîh-i Cihât Nizâmname-i Cedîdi'nin on sekizinci [ve] on dokuzuncu maddeleri mücebince müstereken tevcîhi gayr-i câiz idiğinden evrâk-ı matviyyede isimleri mezkûr Abdullah ve Hasib efendilerden hangisi erşed ve eslah ve vazîfe-i meşîhati îfâyâ ehil ve muktedir ise ona tevcîh edilmek üzere keyfiyyetin bi't-tahkîk inbâsı zımında mahalline tahrîrât-ı aliyye-i Cenâb-ı Fetvâ-penâhîlerinin şeref-tastîr buyurulması menût-ı re'y-i âlileridir ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0072

Çelebi Efendi'nin tüm Mevlevî tekkeleri meşihatlerine tevcih yetkisinin bulunduğunu gösterir berat suretinin, diğer evraklarla birlikte Meclis-i Tedkikât-ı Şer'iyyeye gönderilmesi.

- / - / - / - / - / - / - / 62 / Fî 14 Şevvâl sene [1]332 [5 Eylül 1914] / Fî 23 Ağustos sene [1]330
Çelebi hazretlerinin bi'l-cümle Mevlevî tekâyâsı meşihatlerinin tevcîhi hakkındaki salâhiyeti bu bâbda bi'l-muhâbere Evkâf-ı Hümayûn Nezâret-i celîlesinden bâ-tezkire-i cevâbiye gönderilen ve bir sûreti bi'l-istinsâh rabt edilen berât-ı âlîde mahkî kayda müstenid bulunmuş olduğunun beyânıyla işbu tahrîrât ma'a'l-mütefirri'ât Meclis-i Tedkikât-ı Şer'iyye'ye tevdî' kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0073

Meclis-i Meşâyih Başkâtibi İbrâhim Efendizâde Ali Hüsâmeddin Efendi'nin askerliğinin tecili talebi.

- / - / - / - / - / - / - / 71 / Fî 14 Şevvâl sene [1]332 [5 Eylül 1914] / Fî 23 Ağustos sene [1]330
Meclis-i Meşâyih Başkitâbet hizmetinde müstahdem müteveffâ İbrâhim Efendizâde Ali Hüsâmedin Efendi iki yüz doksan beş târihinde mütevellid olmak cihetiyle dâhil-i esnân ise de meclis-i mezkûrun mümeyyizi olmayıp kendisi müstakillen başkâtibi olduğundan te'cîl-i mükellefîyeti zımında ale'l-usûl yedine vesîka itâ olunmak üzere işbu müzekkire Aksaray Ahz-ı Asker Şu'besi riyâset-i aliyyesine takdîm kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0074

Mevlevîhanekapısı'nda Gavsizâde diğer ismiyle Yayla Dergâhı'nın deruhte ve meşihatine ait vakfiye kaydının Evkaf Nezâretinden istenmesi.

- / - / - / - / - / - / - / 74 / Fî 10 Şevvâl sene [1]332 [1 Eylül 1914] / Fî 19 Ağustos sene [1]330

Mevlevîhânekapısı civârında kâin Gavsîzâde nâm-ı diğeri Yayla Dergâhının der'uhdesiyle meşihatine âid şart-ı vâkıf fıkrasının bi'l-ihrac Meclis'e isbâli zımında işbu müzekkire-i dâ'iyânemizin mazrûfen Evkâf-ı Hümâyûn Kuyûd-ı Kadîme-i Vakfiyye Müdîriyyeti'ne irsâl buyurulması menû-tı re'y-i sâmi-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0075

Eyüp'te Vezir İzzet Mehmed Paşa Dergâhı şeyhi Ali Efendi'nin istifası üzerine, meşihate Selânik'te Numan Paşa Dergâhı'nın eski şeyhi Abdullah Efendi'nin tayini.

- / - / - / İstid'â 2090 / 58 / - / - / 9 / Fî 10 Şevvâl sene [1]332 [1 Eylül 1914] / Fî 19 Ağustos sene [1]330

Civâr-ı Hazret-i Hâlid'de kâin tarikat-i aliyye-i Nakşibendiyye'den Vezîr İzzet Mehmed Paşa Dergâh-ı şerîfinin şeyhi Ali Efendi'nin vukû'-ı isti'fâsına mebnî münhal olan meşihat cihe-tinin meşâyih-i Nakşibendiyye'den ve erbâb-ı ilm ü salâhtan olup mesbûku'l-imtihân bulunan Selânik'te Nu'mân Paşa Dergâhı şeyh-i sâbıkı Abdullah Efendi uhdesine tevcihi makrûn-ı müsâ'ade-i aliyye-i Fetvâ-penâhîleri olduğu hâlde işbu mazbata-i dâ'iyânemizin bâlâsı işâret-i aliyye-i Cenâb-ı Meşihat-penâhîleriyle bi't-tevşih Evkâf-ı Hümâyûn Nezâret-i celîlesine irsâli bâbında.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0076

Üsküdar'da Selimiye Dergâhı şeyh vekili Mehmed Esad Efendi'nin istifası üzerine, yerine Vezir Dergâhı eski şeyhi Ali Efendi'nin tayini.

- / - / - / - / - / - / 8 / Fî 10 Şevvâl sene [1]332 [1 Eylül 1914] / Fî 19 Ağustos sene [1]330

Üsküdar'da kâin tarikat-i aliyye-i Nakşibendiyye'den Selimiye Dergâh-ı şerîfi şeyh vekili Mehmed Es'ad Efendi'nin vukû'-ı isti'fâsına mebnî vekâlet-i mezkûrenin meşâyih-i Nakşibendiyye'den ve erbâb-ı ilm ü salâhtan olup mesbûku'l-imtihân bulunan Vezîr Dergâhı şeyh-i sâbıkı Ali Efendi uhdesine tevcihi makrûn-ı müsâ'ade-i aliyye-i Fetvâ-penâhîleri olduğu hâlde işbu mazbata-i dâ'iyânemizin bâlâsı işâret-i aliyye-i Cenâb-ı Meşihat-penâhîleriyle bi't-tevşih Evkâf-ı Hümâyûn Nezâret-i celîlesine irsâl buyurulması bâbında.

Mehmed Abdülbaki, Mehmed Gülşen, Es'ad

Akdemceki i'tâsı

Şehrî 3 kıyye lahm

Şehrî 4 kıyye yağ

Şehrî 2 kıyye pirinç

Şehrî 120 guruş

Şimdiki i'tâsı şehrî 150 guruş

Sâbık Şeyh Aziz Efendi'nin hemşiresiyle üvey vâlidisine şeyh-i lâhık tarafından i'tâsı.

IST_MFT_MSH_DFT02_01737_0001_0077

Mevlevîhanekapısı'nda Gavsîzâde diğer ismiyle Yayla Dergâhı'nın şeyhi Rıza Efendi'nin muhâlif-i şer'-i şerif ahvalinden dolayı azledilmesi.

- / - / - / - / - / - / - / 75 / Fî 10 Şevvâl sene [1]332 [1 Eylül 1914] / Fî 19 Ağustos sene [1]330
Mevlevîhanekapısı civârında Gavsîzâde nâm-ı diğer Yayla Dergâhı şeyhi Rıza Efendi'nin muhâlif-i şer'-i şerif ahvâli istihbâr kılınmış ve ol bâbda cereyân eden tahkîkât ve merbûtan takdîm kılınan evrâk-ı resmiye dahi istihbârât-ı vâkı'ayı te'yîd etmesiyle mûmâ-ileyhin hizmet-i meşîhatte ibkâsı gayr-i câiz bulunmuş olduğundan âtiyen bir müstahıkkı intihâb ve arz edilmek üzere dergâh-ı mezkûr meşîhat cihetinin mûmâ-ileyhten ref'i menût-ı re'y-i sâmi-i Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0078

Mevlevîhanekapısı'nda Gavsîzâde diğer ismiyle Yayla Dergâhı'nın şeyhi Rıza Efendi'nin, sufilîğe aykırı ne gibi bir suç işlediğinin Yüksekaldırım Komiserliğinden sorulması.

- / - / - / - / - / - / - / 73 / Fî 7 Şevvâl sene [1]332 [29 Ağustos 1914] / Fî 16 Ağustos sene [1]330
Mevlevîhanekapısı civârında kâin Gavsîzâde nâm-ı diğer Yayla Dergâhı şeyhi Rıza Efendi'nin muhâlif-i şer'-i şerif ahvâle cür'eti mahallî polis merkez me'mûrluğunca vukû' bulan tahkîkât ile tebeyyün eylediği bu kere istihbâr kılındığından fi'l-hakîka mûmâ-ileyhin kisve-i sûfiyeye yakışmayacak bir sûrette ne gibi ahvâle tasaddî eylediğinin Ders Vekâleti Müfettişliği vâsıtasıyla Yüksekaldırım Komiserliğinden tahkîkât-ı lâzime icrâsıyla neticesinin Meclis'e inbâsı zımnında işbu müzekkire Ders Vekâlet-i aliyyesine tevdi' kılındı.

Mehmed Abdülbaki, Es'ad

IST_MFT_MSH_DFT02_01737_0001_0079

Osmancık kazasındaki Koyun Baba Zaviyesi hakkında yapılan tahkikatın, dikkate alınmaya değer bulunmaması.

- / - / - / - / Kırmızı 233 / 57 / 4 / - / 61 / Fî 7 Şevvâl sene [1]332 [29 Ağustos 1914] / Fî 16 Ağustos sene [1]330

Osmancık kazasında kâin Koyun Baba Zâviyesi hakkında kazâ-i mezkûr kâdılığıyla ol bâbda cereyân eden muhâbere neticesinde icrâ kılınan tahkîkât şâyân-ı nazar görülmediğinden işbu evrâkın takımıyla Evrâk İdâresi'nde hıfzı tezekkür kılındı ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0080

Balat'ta Kesmekaya Dergâhı'nın deruhte ve meşîhatine ait vakfiye kaydının, Evkaf Nezâretinden istenmesi.

- / - / - / - / - / - / - / 72 / Fî 26 Ramazan sene [1]332 [18 Ağustos 1914] / Fî 5 Ağustos sene [1]330

Balat'ta vâki' Kesmekaya Dergâhı vakfiyesinin meşihat cihetine âid fıkra ile meşihatın der'uhde kaydına Meclisce lüzûm görüldüğünden sûretinin bi'l-ihrac isbâli zımnında işbu müzekkire-i dâ'iyânemizin mazrûfen Evkâf-ı Hümâyûn Kuyûd-ı Kadîme-i Vakfiyye Müdîriyyeti'ne irsâl buyurulması menû-tı re'y-i sâmi-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0081

Nuruosmaniye'de Çâlâk (Çaylak) Dergâhı şeyhinin kardeşi Mehmed Efendi'ye, aylık seksen kuruş vereceğine dair taahhütnâme sureti.

- / - / - / - / - / - / - / 32 / Fi 19 Temmuz sene [1]330 [1 Ağustos 1914]

Nûruosmâniye'de kâin Çalak Dergâhı meşihat cihetinin uhde-i dâ'iyâneme tevcihi esnâsında Meclis-i Meşâyih kararıyla bulunan biraderim Mehmed Efendi'ye şehri yüz elli gurusu i'tâsını ta'ahhüd etmiş idim meblağ-ı mezbûr hâl-i hâzır-ı âcizânemle şâyân-ı istiksâr bulunduğundan ba'demâ mâh be-mâh seksener gurusu i'tâsını ta'ahhüd eylediğimi mübeyyin işbu ta'ahhüdnâme i'tâ kılındı.

Yazıla

IST_MFT_MSH_DFT02_01737_0001_0082

Eski Alipaşa'da Muabbir Hasan Efendi Dergâhı'nın meşihatine ait vakfiye kaydının Evkaf Nezâretinden istenmesi.

- / - / - / - / - / - / - / 70 / Fi 9 Ramazan sene [1]332 [1 Ağustos 1914] / Fi 19 Temmuz sene [1]330

Eski Alipaşa'da kâin Mu'abbir Hasan Efendi Dergâhı meşihat cihetine âid vakfiyesinin mütâ'asına lüzûm görülmüş olduğundan bir kıta sûretinin bi'l-ihrac serî'an Meclis'e isbâli zımnında işbu müzekkire-i dâ'iyânemizin mazrûfen Evkâf-ı Hümâyûn Kuyûd-ı Kadîme-i Vakfiyye Müdîriyyeti'ne isbâl buyurulması menû-tı re'y-i âli-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0083

Davutpaşa İskelesi'nde Bekâr Bey Dergâhı muhassasatının, şeyh vekili Cânib Efendi'nin mührüyle verilmesi.

- / - / - / - / - / - / - / 30 / Fi 15 Temmuz sene [1]330 [28 Temmuz 1914]

Davutpaşa İskelesi civârında kâ'in Bekâr [Bîkâr] Bey Dergâhı el-yevm ma'mûr ve küşâde ve derûnunda Şeyh Vekili Cânib Efendi tarafından âyin-i tarikat-i aliyye icrâ ve it'âm-ı fukarâ edilmekte olduğundan muhassasatının vekil-i mûmâ-ileyhin mührüyle verilmesi zımnında işbu ilmühaber i'tâ kılındı.

Yazıla

IST_MFT_MSH_DFT02_01737_0001_0084

Nuruosmaniye’de Çâlâk (Çaylak) Dergâhı şeyhi Nûri Efendi’nin, meşihat beratıyla birlikte Meclis-i Meşâyihe çağırılması.

- / - / - / - / - / - / - / 31 / - / Fî 15 Temmuz sene [1]330 [28 Temmuz 1914]

Nûruosmâniye’de Çaylak Dergâhı Şeyhi Nûri Efendi’ye

Bazı husûsun müzâkeresi zımnında mâh-ı hâl-i Rûmî’nin on dokuzuncu Cumartesi günü dergâhın meşihat beratını da alarak birlikte Meclis’e gelmekliğiniz mütemennâdır.

Yazıla

IST_MFT_MSH_DFT02_01737_0001_0085

Fatih Ahz-ı Asker şubesinde görevli Koruk Dergâhı şeyhi Zekâi Efendi’ye vazifesini aksatmadan devam etmesi için yapılan tebligat.

Eski Alipaşa’da Muabbir Dergâhı şeyhi Kâzım Efendi’nin Meclis-i Meşâyih’e çağırılması.

- / - / - / - / - / - / - / 32 / Fî 15 Temmuz sene [1]330 [28 Temmuz 1914]

Koruk Şeyhi Zekâi Efendi’ye

Bâ-emr-i Meşihat-penâhî ta’yîn buyurulduğunuz Fâtih Ahz-ı Asker Şu‘besi’ne devam olunmadığını müş’ir şu‘be-i mezkûreden vârid olup tenbîhât-ı lâzime icrâsını mutazammın havâle buyurulan tezkirede beyân buyurulması üzerine zât-ı reşâdetlerinin ma‘zeret-i meşrû‘aları olmadığı takdîrde munzatamente devâma himmet buyurmaları niyâz olunur efendim.

Yazıla

33

Eski Ali Paşa’da Mu‘abbir Hasan Efendi şeyhi Kâzım Efendi’ye

Bazı husûsun müzâkeresi zımnında mâh-ı hâl-i Rumî’nin on dokuzuncu Cumartesi günü behemehâl Meclis-i Meşâyih’e gelmekliğiniz mütemennâdır.

IST_MFT_MSH_DFT02_01737_0001_0086

Eski Alipaşa’da Muabbir Hasan Efendi Dergâhı şeyhi Kâzım Efendi tarafından dergâhın bazı eşyalarının satıldığıнын haber verilmesi ve durumun Evkaf Nezâretine bildirilmesi.

- / - / - / - / - / - / - / 69 / Fî 5 Ramazan sene [1]332 [28 Temmuz 1914] / Fî 15 Temmuz sene [1]330

Bihî

Eski Alipaşa civârında kâin Mu‘abbir Hasan Efendi Dergâh-ı şerîfine âid zî-kıymet mefrûşâtтан bir kısm-ı mühimmi Şeyh Kâzım Efendi tarafından fûrûht edildiği ve şeyh-i mûmâ-ileyhin bazı yolsuz ahvâli bulunduğu istihbâr edilerek mûmâ-ileyhin yolsuz hâl ve harekâtı hakkında Meclis-i dâ‘iyânemizce îcâb-ı hâle tevessül edilmiş olduğundan mezkûr dergâh-ı şerîfe âid olup satıldığı haber verilen eşyâ hakkında lâzımü’l-icrâ mu‘âmelenin ifâsı zımnında Evkâf-ı Hümayûn Nezâret-i celîlesine tezkire-i aliyye-i Meşihat-penâhîlerinin şeref-tastîr buyurulması bâbında.

Mehmed Gülşen, Es‘ad

IST_MFT_MSH_DFT02_01737_0001_0087

Sultanahmet'te Özbekler Dergâhı şeyhi tarafından verilen arzuhal hakkında, dergâhın işgal altında olması sebebiyle herhangi bir muamele yapılamayacağını bildirilmesi.

Şeyh Nûri Efendi'nin biraderine aylık seksen kuruş ödeyeceğine dair taahhütname sureti.

- / - / - / İstid'â 1761 / 46 - 55 / Fî 28 Haziran sene [1]330 / - / 60 / Fî 2 Ramazan sene [1]332 [25 Temmuz 1914] / Fî 12 Temmuz sene [1]330

Sultânahmed'de kâin Özbekler Dergâhı şeyhi tarafından bazı ifâdâtı hâvî takdîm olunan işbu arzuhâl müfettişliğe lede'l-havâle icrâ olunan tahkîkât neticesinde dergâh-ı mezkûr el-yevm hâl-i işgâlde bulunduğundan mu'âmeleden müstağnî olan arzuhâlin Evrâk İdâresi'nde hıfzı tezekkür kılındı ol bâbda.

Mehmed Abdülbaki, Es'ad

İstid'â 1900 / Numara 61

Şehrî seksen gurus i'tâ edeceğini müsted'inin biraderi Şeyh Nûri Efendi ta'ahhüd ettiği bu bâbda bir de sened i'tâ etmekle işbu arzuhâl battâlde li-ecli'l-hıfz Evrâk Kalemine tevdi' kılındı.

Fî 9 Ramazan sene [1]332, fî 19 Temmuz sene [1]330

IST_MFT_MSH_DFT02_01737_0001_0088

Konya'da Hazret-i Mevlânâ Dergâhı postnişini Çelebi Efendi'ye verilen fermanın bir suretinin Divân-ı Hümâyûn Kalemi Müdürlüğünden istenmesi.

- / - / - / - / - / - / - / 68 / Fî 2 Ramazan sene [1]332 [25 Temmuz 1914] / Fî 12 Temmuz sene [1]330

Konya'da medfûn Hazret-i Mevlânâ postnişini Çelebi Efendi hazretlerine i'tâ buyurulan fermân-ı âlî'nin mütâla'asına lüzûm görüldüğünden bir kıta sûretinin aslından bi'l-ihrac Meclis'e isbâli zımınında işbu müzekkire-i dâ'iyânemizin mazrûfen Divân-ı Hümâyûn Kalemi Müdiriyyeti'ne irsâl buyurulması menû-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0089

Ahz-ı Asker Kânûn-ı Cedidi'nde, şubelerde meşâyihiin bulundurulması hakkında bir sarahat olmadığı gerekçesiyle, Yeniköy Belediyesi askerlik şubesinde görevlendirilen Rumelihisarı'nda Durmuş Dede Dergâhı şeyhi Eşref Efendi'ye şubede görev yaptırılmadığından, neticenin ilgili birime bildirilmesi.

- / - / - / - / - / - / - / 67 / Fî 27 Şa'bân sene [1]332 [21 Temmuz 1914] / Fî 8 Temmuz sene [1]330

Ahz-ı asker şu'belerinde bulunmak üzere sevâbıkı vech ile meşâyihten birer zâtın bi't-ta'yîn isimlerinin iş'arı hakkında İstanbul Vilâyeti Vekâletinden vürûd edip Meclis-i dâ'iyânemize havâle buyurulan tezkire üzerine şu'abât-ı mezkûreye meşâyihten lâzım gelen zât intihâb edildiği sırada Yeniköy Belediyesine de Rumelihisarı'nda Durmuş Dede Dergâhı şeyhi Eşref Efendi intihâb ve ta'yîn olunarak keyfiyyet kendisine de tebliğ kılınmış ve mezkûr şu'belere ta'yîn kılınan meşâyihiin esâmîsini mübeyyin merbût pusula dâire-i müte'allıkasına li-ecli'l-irsâl huzûr-ı sâmi-i Cenâb-ı Meşihat-penâhîlerine arz ve takdîm olunmuş idi bu kere mûmâ-ileyh Eşref Efendi'den

gelen ve merbûtan takdîm kılınan tezkirede Ahz-ı Asker Kânûn-ı Cedîdî'nde meşâyihin bulundurulması hakkında sarâhat olmadığı beyânıyla kendisi şu'be-i mezkûrede bulundurulmamakta idiği beyân olunmuş olmağla bu bâbda dâire-i müte'allıkasına iş'âr-ı keyfiyyet olunması menû-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0090

Eyüp'te Vezir İzzet Paşa Dergâhı postnişinliği için yapılan imtihanda Şeyh Ali Efendi'nin başarılı olduğunun tasdiki.

- / - / - / - / - / - / 57 / Fî 27 Şa'bân sene [1]332 [21 Temmuz 1914] / Fî 8 Temmuz sene [1]330 Civâr-ı Hazret-i Hâlid'de kâin Vezîr İzzet Paşa Dergâhı postnişinliği için Tevcih-i Cihât Nizâmname-i Cedîdî'nin otuz ve otuz birinci maddeleri ahkâmına tevfiқан icrâ olunan müsâbaka imtihânında hulefâ-yı Nakşibendiyye'den Şeyh Ali Efendi diğer tâliblere ihrâz-ı sebkât ile isbât-ı ehliyet etmiş olduğundan mûmâ-ileyhin iktidâr ve liyâkatini mübeyyin işbu imtihân cedveli tasdik kılındı.

Ali Nazmî, İrfan, Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0091

Abdurrahman Sâmî'nin Kasımpaşa'da Hüsameddin Uşşâkî Dergâhı meşihatının tevcihinde yolsuzluk yapıldığı yönünde Meclis-i Meb'ûsana gönderdiği şikâyet dilekçesi üzerine yapılan incelemede, bu iddiaların doğru olmadığı ve meşihatın nizama uygun olarak İzzet Efendi'ye tevcih edildiği hususunun Meclis-i Meb'ûsan riyâsetine bildirilmesi.

Fî 26 Şa'bân sene [1]332 / Fî 7 Temmuz sene [1]330 / Hüsâm / İstid'â 1768 / 45 / Fî 24 Haziran sene [1]330 / - / 58 / Fî 27 Şa'bân sene [1]332 [21 Temmuz 1914] / Fî 8 Temmuz sene [1]330 Abdurrahman Sâmî mührüyle Kasımpaşa'da kâin Hüsameddin-i Uşşâkî Dergâhı meşihat cihetinin esnâ-i tevcihinde vukû'a gelen yolsuzluktan istikâyı hâvî Meclis-i Meb'ûsan Riyâsetine takdîm ve taraf-ı âlî-i Meşihat-penâhîlerine irsâl olunup Meclis-i dâ'iyânemize havâle buyurulan işbu istid'â mütâlâ'a kılındı. Dergâh-ı mezkûrun mukayyed vakfiyesi olmamasına nazaran ol bâbda Fetvâhâne-i âlî ile cereyân eden muhâbere üzerine alınan cevâb-ı şer'î ve te'âmül-i kadîmine istinâden evlâd-ı vâkıftan olup tarîk-i mezkûrdan mücâz ve müstahlef bulunan ve vazîfe-i meşihati bi'l-imtihân ifâya ehliyeti tebeyyün eden İzzet Efendi uhdesine tevcih edildiği anlaşılmış olduğundan işbu arzuhalin leffiyle Meclis-i Meb'ûsan Riyâset-i Celîlesine [i'âdesi için] tezkire-i aliyye-i Cenâb-ı Fetvâ-penâhîlerinin şeref-tasdîri menû-ı re'y-i âlî-i veliyyü'n-ni'amîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0092

Dilekçedeki konunun Meclis-i Meşâyihle alakası bulunmadığından, Ziraat Nezâretine başvurusu gerektiğinin arzuhal sahibine bildirilmesi.

- / - / - / İstid'â 1819 / 53 / - / - / 59 / Fî 27 Şa'bân sene [1]332 [21 Temmuz 1914] / Fî 8 Temmuz sene [1]330

Umûr-i fenniyyeden olan bu husûsun Meclis-i Meşâyiḥ'e adem-i ta'alluku cihetiyle işbu arzuhâlin mazrûfen dâire-i müte'allıkasına irsâli ve yâhud Zirâ'at Nezâreti'ne lüzûm-ı mürâca'atının müsted'îye tefhîmiyle arzuhalin Evrâk Kaleminde hıfzı menû-ı emr ü irâde-i aliyye-i Cenâb-ı Meşihat-penâhîleridir ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0093

Bahsedilen dergâha ait vakfiye kaydının Dîvân-ı Hümâyûn ve Defter-i Hâkânî kalemlerinden sorulması.

Fî 27 Şa'bân sene [1]332 / Fî 8 Temmuz sene [1]330 / Hüsâm / İstid'â 1772 - 1826 / 49 - 52 / - / - / 55 / Fî 27 Şa'bân sene [1]332 [21 Temmuz 1914] / Fî 8 Temmuz sene [1]330

Kuyûd-ı Kadîme Müdiriyyeti'nin işbu müzekkiresinde muharrer dergâh-ı mezkûrun vakfiyesi olmadığı ifâde kılınmasına binâen bir kere de Defter-i Hâkânî ve Dîvân-ı Hümâyûn kalemlerince mukayyed vakfiyesi var ise sûretinin bi'l-ihrâc Meclis'e isbâli zımnında işbu evrâkın mazrûfen Defter-i Hâkânî Emânet-i aliyyesine irsâl buyurulması menû-ı re'y-i âlî-i Cenâb-ı Fetvâ-penâhîleri olmağın ol bâbda.

Mehmed Abdülbaki, Es'ad

IST_MFT_MSH_DFT02_01737_0001_0094

Eyüp'te Vezir İzzet Paşa Dergâhı şeyhi Abdülkâdir Efendi'nin vefatı üzerine, yerine Ali Efendi'nin tayini.

- / - / - / - / - / - / - / 7 / Fî 24 Şa'bân sene [1]332 [18 Temmuz 1914] / Fî 5 Temmuz sene [1]330

Civâr-ı Hazret-i Hâlid'de kâin tarikat-i aliyye-i Nakşibendiyye'den Vezîr İzzet Paşa Dergâh-ı şerîfinin münhal olan meşihat cihetinin uhdesine tevcihi hulefâ-yı Nakşibendiyye'den Ali Efendi ile sâir bazı zevât taraflarından takdîm olunup havâle buyurulan arzuhâlde istid'â olunmuş ve bu bâbda cereyân eden mu'âmeleyi hâvî evrâk üzerine Evkâf-ı Hümâyûn Kuyûd-ı Kadîme-i Vakfiyye Kaleminden muharrer derkenârda meşihat-i mezkûre ber-vech-i meşrûtiyet ba'de salâti'l-hamse İhlâs ve Fâtiha-hân ciheti Abdülkâdir Efendi'nin uhdesinde idiği ve dergâh-ı mezkûr vakfının bin iki yüz on iki târihli vakfiyesi hükmünce dergâh-ı mezkûra mürşid ve kâmil ve âlim ve âmil ve zâhir ve bâtını ma'mûr meşâyiḥ-i Nakşibendiyye'den bir zâtın şeyh olması ve hala şeyh olan Hacı Ömer Rızâi Efendi'nin intikâlinde irşâda kâdir evlâd terk ederse meşihat-i mezkûre evlâdının erşed ve ekberine ve evlâdı bulunmaz ise tarikat-i Nakşibendi'den vâsf-ı mezkûr ile muttasıf bir kimseye verilip taraf-ı sâireden kimseye verilmemesi meşrût bulunduğu anlaşılmış ve mûmâ-ileyh Abdülkâdir Efendi'nin bilâ-veled vefâtı cihetiyle meşihat-i münhalle-i mezkûre için Tevcih-i Cihât Nizâmnâmesi'nin mevâdd-ı mahsûsası ahkâmına tevfiқан bu bâbdaki tâlibler beyninde alâ-tarîkı'l-müsâbaka icrâ kılınan imtihân neticesinde mûmâ-ileyh Ali Efendi diğer tâliblere ihrâz-ı müsabakat ve Meclis-i dâ'iyânemizce aded-i tâmmı yüz aded i'tibâr edilen...[Belgenin devamı yoktur].

IST_MFT_MSH_DFT02_01737_0001_0095

Kumkapı'da Muhsine Hatun Zaviyesi zaviyedarı Mehmed Şevket Efendi'nin vefatı üzerine, cihetin Ahmed Mükerrerrem Efendi'ye tevcihi.

- / - / - / - / - / - / 6 / Fî 24 Şa'bân sene [1]332 [18 Temmuz 1914] / Fî 5 Temmuz sene [1]330

Kumkapı'da kâin Muhsine Hatun Zâviyesinin bâ-berât-ı âlî zâviyedârlık cihetine mutasarrıf olan pederi Mehmed Şevket Efendi'nin fî 9 Nisan sene [1]329 târihinde vukû'-ı vefâtına mebnî kendisine teveccüh eden cihet-i mezkûreyi bi'r-rızâ müteveffâ-yı mûmâ-ileyhin biraderi ve kendisinin amcası Ahmed Mükerrerrem Efendi'ye kasr-ı yed edeceğinden bahisle mu'âmele-i lâzimesinin îfâsı istirhâmı Hüdâî mührüyle takdîm olunup havâle buyurulan arzuhâllerde istid'â olunmuş ve Evkâf-ı Hümâyûn Kuyûd-ı Kadîme-i Vakfiyye Müdiriyyeti'nin merbût müzekkiresine nazaran evkâf-ı mülhakadan merhûme Muhsine Hatun nâm-ı diğer İbrâhîm Paşa'nın İstanbul'da Kumkapı nezdinde kâin zâviyesinin yevmî sekiz akçe vazîfe ile meşihat ciheti fî 25 Şa'bân sene [1]318 târihinde Mehmed Şevket Efendi uhdesine müveccih olduğu anlaşılmış ve müteveffâ-yı mûmâ-ileyhin târih-i vefâtı Tevcih-i Cihât Nizâmnâme-i Cedîdi'nin neşri târihinden mukaddem olup nizâmnâme-i mezkûrun târih-i mer'iyeti târihinden evvel vefât ederek mu'âmelâtı icrâ ve ikmâl edilemeyen cihâtın atık nizâmnâme ahkâmı mücebince icrâ-yı tevcihâtı Şûrâ-yı Devlet'in ol bâbdaki kararı iktizâsından olarak şu hâlde nizâm-ı sâbık mücebince kasr-ı yed mu'âmelesine lüzûm kalmayıp cihet-i mezkûre müteveffâ-yı mûmâ-ileyhin pederinden müntakıl olmak cihetiyle biraderine teveccüh eylemiş olduğundan ve mûmâ-ileyh Ahmed Mükerrerrem Efendi'nin uhdesinde imâmet ve hitâbet cihetleri bulunup mesbûku'l-imtihan olmakla beraber zâviye-i mezkûre hizmetini îfâya iktidâr ve liyâkati bulunduğu mahallenin ahâlî-i mu'tebresi taraflarından memhûr ve musaddak ilmühaber ile te'yîd eylediğinden ve zâviye-i mezkûrun vazîfesi kalîl bulunduğundan mesdûdiyetine mahal kalmamak üzere mezkûr zâviyedârlık cihetinin müteveffâ-yı mûmâ-ileyh Mehmed Şevket Efendi mahlûlünden biraderi mûmâ-ileyh Ahmed Mükerrerrem Efendi uhdesine bi't-tevcih yedine berât-ı âlî i'tâsı zımında işbu mazbata-i dâ'iyânemize işâret-i aliyye-i Cenâb-ı Fetvâ-penâhî keşîdesiyle Evkâf-ı Hümâyûn Nezâret-i celîlesine irsâl buyurulması menût-ı re'y-i sâmi-i hazret-i Meşihat-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0096

Sultanahmet'te Seyyahlar Dergâhı şeyhi Sâdık Efendi'nin, belirtilen vakitte Meclis-i Meşâyihe çağırılması.

- / - / - / - / - / - / 29 / - / Fî 5 Temmuz sene [1]330 [18 Temmuz 1914]

Sultanahmet'te Seyyahlar Dergâhı Şeyhi Sâdık Efendi'ye

Bazı husûsun müzâkeresi zımında mâh-ı hâl-i Rûmî'nin sekizinci Salı günü behemehâl Meclis'e gelmeniz mütemennâdır.

Yazıla

IST_MFT_MSH_DFT02_01737_0001_0097

Sultanahmet'te Şehit Mehmed Paşa Dergâhı şeyhi Nidâî Efendi ile Merdivenköy Dergâhı şeyhi Ahmed Baba'nın, belirtilen vakitte Meclis-i Meşâyihe çağırılması.

- / - / - / - / - / - / - / 27 / - / Fî 5 Temmuz sene [1]330 [18 Temmuz 1914]

Nerdüban Karyesi Şeyhi Ahmed Baba'ya

Bazı husûs hakkında müzâkere icâb ettiğinden behemehâl mâh-ı hâl-i Rûmî'nin sekizinci Salı günü Meclis'e gelmeniz mütemennâdır.

28

Sultanahmed'de Şehid Mehmed Paşa Şeyhi Nidaî Efendi'ye

Bazı husûsun müzâkeresi zımnında mâh-ı hâl-i Rûmî'nin sekizinci Salı günü behemehâl Meclis-i Meşâyihi'ye gelmeniz mütemennâdır.

Yazıla

IST_MFT_MSH_DFT02_01737_0001_0098

Balat'ta Ferruh Kethüdâ Dergâhı şeyhi Kemâl Efendi'nin vefatı üzerine, yerine oğlu Necmeddin Efendi tayin edildiğinden dergâh tahsisatının kendisine verilmesi.

- / - / - / - / - / - / - / 27 / Fî 24 Şa'bân sene [1]332 [18 Temmuz 1914] / Fî 5 Temmuz sene [1]330

Balat'ta kâin Ferruh Kethüdâ Dergâhı şeyhi Kemâl Efendi'nin vukû'-ı vefâtına mebnî münhal olan meşihat ciheti fî 8 Receb sene [1]332, fî 20 Mayıs sene [1]330 târih ve 3 numaralı Meclis'in mazbatası mücebince mahdûmu Necmeddin Efendi uhdesine tevcih edildiğinden dergâh-ı mezkûr muhassasâtının mûmâ-ileyhin mührü tatbik edilerek tevcih-i mezkûreden i'tibâren verilmesi zımnında işbu ilmühaber i'tâ kılındı.

Yazıla

IST_MFT_MSH_DFT02_01737_0001_0099

Arzuhalde bahsedilen dergâhın meşihat ciheti Ali Efendi'ye tevcih edildiğinden dilekçelerin Evrak Kalemine gönderilmesi.

Fî 24 Şa'bân sene [1]332 / Fî 5 Temmuz sene [1]330 / - / İstid'â 3061-3538-4765-1635-1648-1651-1661-1598-1672-1767 / 162-176-224-36-37-38-39-40-41-47 / - / - / 55 / Fî 24 Şa'bân sene [1]332 [18 Temmuz 1914] / Fî 5 Temmuz sene [1]330

İşbu ve merbût arzuhâllerde mahkî dergâh-ı şerîf meşihatının usûl ve nizâmı dâiresinde alâtarıkı'l-müsâbaka icrâ kılınan imtihân neticesinde ihrâz-ı sebkâ ile isbât-ı ehliyet eden hulefâ-yı Nakşibendiyye'den Ali Efendi uhdesine tevcihi için lâzım gelen mazbatası tanzîm ve takdîm kılınmış olduğundan bu bâbda mürâca'at vukû'unda tefhîm-i keyfiyyetle ale'l-usûl hıfzedilmek üzere evrâk-ı merbûta takımıyla Evrâk Kalemine tevdi' kılındı.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0100

Arzuhalde bahsedilen dergâhın deruhte kaydıyla vakfiyesindeki meşihate ait fıkranın Evkaf Nezâretinden istenmesi.

- / - / - / İstid'â 1772 / 44 / - / - / 54 / Fî 20 Şa'bân sene [1]332 [14 Temmuz 1914] / Fî 1 Temmuz sene [1]330

İşbu arzuhâlde mezkûr dergâh-ı şerîfin der'uhdesi kaydıyla meşihate dâir fıkranın ihrâcıyla beraber bu bâbda Hazîne-i Evkaf-ı Hümâyûnca lâzımü'l-ifâ mu'âmelenin bi'l-icrâ keyfiyyetin Meclis-i dâ'iyânemize inbâsı zımında mazrûfen Evkâf-ı Hümâyûn Nezâret-i celîlesine irsâli tezekkür kılındı ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0101

Eyüp'te Mihrişah Vâlide Sultan Türbesi'nin hatm-i hâcegân ciheti mutasarrıfı Hasan Efendi'nin vefatı üzerine, yerine Şah Sultan Zaviyesi mensuplarından Abdi Efendi'nin tayini.

Fî 9 Şa'bân sene [1]332 / Fî 20 Haziran sene [1]330 / Hüsâm / Kırmızı 56 / 29 / 2 / 68474 / 42 / Fî 25 Cemâziyelâhir sene [1]332 / Fî 8 Mayıs sene [1]330 / 5 / Fî 20 Şa'bân sene [1]332 [14 Temmuz 1914] / Fî 1 Temmuz sene [1]330

Mihrişah Vâlide Sultân'ın Hazret-i Hâlid'de kâin türbe-i şerîfesinde hatm-i hâcegân cihetine mutasarrıf olan Hasan Efendi'nin fî 15 Teşrîn-i evvel sene [1]329 târihinde vukû'-ı vefâtına mebnî münhal olan cihet-i mezkûreye ber-mûceb-i şart-ı vâkıf ehlinin ta'yîn ve inbâsı hakkında Şûrâ-yı Evkâfdan muhavvel evrâk miyânında bulunan vâkıfe-i müşârun-ileyhânın vakfiyesinde Eyüb'de İdris Köşkü nâm mahalde kâin Özbekî Abdullah Efendi ve Şeyh Murad Efendi ve Şâh Sultân ve Mustafa Paşa zâviyesi demekle ma'rûf olan dört aded zâviyenin şeyhi olan efendilerden led'e'l-imtihân hangisinin ilim ve fazileti zâhir olur ise ol şeyh efendi, kezâlik dört aded zâviyenin dervîşânından istihkâkı nümâyân olan on iki nefer dervîşân ile beher hafta Pazar ve Perşembe günleri ba'de salâti'l-asr türbe-i şerîfe-i mezkûrede halka-bend cem'iyet olup hatm-i hâcegân ba'dehû kelime-i tevhîd-i şerîf tilâvet ve kırâet ve cehren zikrullâh ve du'â etmesi ve gerek şeyh-i merkûm ve gerek on iki nefer dervîşândan birinin vefâtında mutasarrıf olduğu cihet âhar zâviyeden ve ecânibden olan ve nâ-ehle verilmeyip ancak dört aded zâviyeden olmak üzere hatm-i hâcegân ve kelime-i tevhîd zikrine muktedir olduğu tebeyyün eden zâta tevcîh olunması mastûr bulunmuş ve müteveffâ-yı mûmâ-ileyh Hasan Efendi'den inhilâl eden cihet-i mezkûreye Şâh Sultân Zâviyesi müntesibîninden bulunan Dervîş Abdi Efendi'nin on beş seneyi mütecâviz bir müddetten beri mülâzemeten hatm-i hâceye ve kelime-i tevhîde devam etmekte olduğu ve sulehâdan bulunduğu Şâh Sultân ve Taşlıburun dergâhları şeyhleri tarafından i'tâ kılınan ilmü-haberde gösterilmiş olduğundan mûmâ-ileyh Abdi Efendi'nin cihet-i mezkûre hizmetini ifâyâ ehliyet ve liyâkati Meclisce tebeyyün eylediğinden Cihât Nizâm-nâmesi'nin kırk altıncı maddesi ahkâmına tevfi'kan müteveffâ-yı mûmâ-ileyh Hasan Efendi'den inhilâl eden cihet-i mezkûrenin mûmâ-ileyh Abdi Efendi uhdesine bi't-tevcîh yedine berât-ı âlî i'tâsı zımında işbu mazbata-i dâ'iyânemize işâret-i aliyye-i Cenâb-ı Fetvâ-penâhî keşîdesiyle Evkâf-ı Hümâyûn Nezâret-i celîlesine irsâl buyurulması menûti rey'-i sâmi-i hazret-i Meşihat-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0102

Tekkelerin tanzim ve ıslahı için alınacak tedbirlerle ilgili hazırlanan nizamnameye zeyl yapılması.

- / - / - / - / - / - / 65 / Fî 20 Şa‘bân sene [1]332 [14 Temmuz 1914] / Fî 1 Temmuz sene [1]330 Bihî

Tekâyânın tanzîm ve ıslâh-ı ahvâli maksadıyla bazı tedâbîri hâvî mukaddemâ Meclis-i dâ‘iyânemizden tanzîm ve huzûr-ı âlî-i Cenâb-ı Meşîhat-penâhîlerine takdîm kılınmış olan nizamnâme lâyhâsına li-ecli‘t-tezyîl bu kere tertîb edilen bazı mevâdd-ı nizâmiye müsveddesi dahi matviyyen pîşgâh-ı sâmi-i hazret-i Fetvâ-penâhîlerine ref‘ ve i‘tâ kılınmağın ol bâbda emr ü fermân.

Mehmed Abdülbaki, Mehmed Gülşen, Es‘ad

IST_MFT_MSH_DFT02_01737_0001_0103

Askerlik şubelerinde görev yapacak şeyhlere gönderilecek olan tebligatname örneği.

- / - / - / - / - / - / 55-56-57-58-59-60-61-62-63-64 / - / Fî 28 Haziran sene [1]330 [11 Temmuz 1914]

Ahz-ı Asker Kânûnu mücebince kur‘a keşidesi mu‘âmelâtına Temmuzun birinci Salı gününden i‘tibâren bed’ ve mübâşeret olunacağından bahisle kur‘a meclislerince meşâyihden de birer zâtın bulundurulması hakkında İstanbul Vilâyeti Vekâletinden bâ-tezkire vâki‘ olan iş‘âr üzerine (filan mahal) zât-ı âlîleri intihâb ve ta‘yîn olunduklarından şu‘be-i mezkûrede hâzır bulunmaları niyâz olunur efendim.

Mehmed Abdülbaki, Mehmed Gülşen, Es‘ad

IST_MFT_MSH_DFT02_01737_0001_0104

Askerlik şubelerinde görev yapacak şeyhlere gereken tebligatın yapılması.

- / - / - / - / - / - / 53 / Fî 17 Şa‘bân sene [1]332 [11 Temmuz 1914] / Fî 28 Haziran sene [1]330

İstanbul Vilâyeti Vekâletinden mersûl tezkirede lüzûm-ı intihâbları iş‘âr buyurulan şeyh efendilerin isimlerini nâtık cedvel leffen arz ve takdîm ve kendilerine tebliğ-i keyfiyyet kılınmış olmağla ol bâbda.

Mehmed Abdülbaki, Es‘ad

IST_MFT_MSH_DFT02_01737_0001_0105

Balat’ta Kesmekaya Dergâhı şeyhi Ali Safvet Efendi ile Üsküdar Büyükçamlıca’da Tâhir Baba Dergâhı şeyhi Ali Nutkî Baba Efendi’nin, Tahsin Baba’yla birlikte Meclis-i Meşâyih çağrılması.

- / - / - / - / - / - / 25 / - / Fî 28 Haziran sene [1]330 [11 Temmuz 1914]

Üskadar’da Büyükçamlıca’da Tâhir Baba Dergâhı Şeyhi Ali Nutkî Baba Efendi’ye

Bazı husûsun müzâkeresi zımnında mâh-ı hâl-i Rûmî'nin birinci Salı günü Büyükçamlıca'daki Tahsin Baba ile birlikte Meclis'e gelmekliğiniz mütemennâdır.²⁶

Balat'ta Kesmekaya Dergâhı Şeyhi Ali Safvet Efendi'ye

Bazı husûs hakkında mâh-ı hâl-i Rûmî'nin birinci Salı günü behemehâl Meclis'e gelmekliğiniz zımnında işbu tezkire tarafınıza irsâl kılındı.

Yazıla

IST_MFT_MSH_DFT02_01737_0001_0106

Mahmutpaşa-yı Velî Mahallesi'nde Baba Ali Şâh-ı Zengî Zaviyesi zaviyedarı Şeyh Şerafeddin Efendi'nin vefatı üzerine, yerine Hz. Ejder Dergâhı postnişini Şeyh Hakkı Efendi'nin niyâbetinde müteveffanın oğlu Mehmed Niyazî Efendi'nin tayini.

Fî 9 Şa'bân sene [1]332 / Fî 20 Haziran sene [1]330 / Hüsâm / Kırmızı 31 / 8 / 7 / - / 4 / Fî 10 Şa'bân sene [1]332 [4 Temmuz 1914] / Fî 21 Haziran sene [1]330

Mahmutpaşa-yı Velî Mahallesi'nde vâki' Baba Ali Şah Zengî Zâviyesinin bâ-berât-ı âlî zâviyedârlık cihetine mutasarrıf olan Şeyh Şerafeddin Efendi'nin fî 23 Teşrîn-i sânî sene [1]329 târihinde vukû'-ı vefâtına ve büyük biraderi Harbiye Nezâreti ketebesinden olup sût-i isti'mâl me'selesinden dolayı mahkûm ve el-yevm mevkûf bulunmasına mebnî münhal olan cihet-i mezkûrenin uhdesine tevcihi hakkında şeyh-i müteveffânın küçük mahdûmu Mehmed Niyazî Efendi tarafından vâki' olan istid'â üzerine bu bâbda Şûrâ-yı Evkâf'tan muhavvel evrâk mündericâtına nazaran zikr olunan meşihat ciheti yevmî dört akçe vazîfe ile müteveffâ-yı mûmâ-ileyhin uhdesinde olup zâviye-i mezkûrenin başkaca muhassasâtı olmadığı anlaşılmış ve müsted'î Mehmed Niyazî Efendi el-yevm hadîsü'l-müsin bulunmasına binâen hizmet-i meşihati bizzât ifâya kesb-i iktidâr edinceye kadar hizmet-i mezkûrenin bi'n-niyâbe tevcihi muktezî bulunmuş ve bu misillî muhassasâtı olmayan ve yâhûd olup da kalîl bulunan tekâyâ meşihatlerinin sulehâdan bir zâta ihâlesi Tevcih-i Cihât Nizâmname-i Cedîdi'nin kırk altıncı maddesi icâbından olup Karagümrük civârında kâin Hazret-i Ejder Dergâh-ı şerîfi postnişini Şeyh Hakkı Efendi hüsn-i sîret ashâbından ve esâsen mesbûku'l-imtihân meşâyihden bulunmuş olduğundan ahâliden bazı zevâtın intihâbıyla bizzât ifâ-yı hizmete iktidâr kesb edinceye kadar mûmâ-ileyh Şeyh Hakkı Efendi tarafından ber-vech-i hasbî bi'l-vekâle ifâ-yı hizmet olunmak üzere meşihat-i mezkûrenin müteveffâ-yı mûmâ-ileyh mahlûlünden mahdûmu mûmâ-ileyh Mehmed Niyazî Efendi uhdesine tevcihi zımnında işbu mazbata-i dâ'iyânemizin işâret-i aliyye-i Cenâb-ı Fetvâ-penâhileriyle bi't-tevşîh Evkâf-ı Hümâyûn Nezâret-i celîlesine irsâli menût-ı rey-yi âlî-i hazret-i Meşihat-penâhileri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0107

Talep edilen aylık muhassasatı, dergâh şeyhinin hanımına verildiğinden, arzuhalin Evrak İdaresinde hıfzedilmesi.

- / - / Hüsâm / İstid'â 1541 / 33 / 1 / Fî 26 Receb sene [1]332 / Fî 7 Haziran sene [1]330 / 50 / Fî 10 Şa'bân sene [1]332 [4 Temmuz 1914] / Fî 21 Haziran sene [1]330

İşbu arzuhâlde verildiği beyân olunan şehriye-i muhassasa şeyh-i lâhıkın haremi tarafından ahîran i'tâ edilmiş olmağla mu'âmeleden müstağni olan arzuhâl-i mezkûr battâlde hıfz olunmak üzere merbûtuyla birlikte Evrâk İdaresine tevdi' kılındı ol bâbda.

Mehmed Gülşen, Es'ad

IST_MFT_MSH_DFT02_01737_0001_0108

Kasımpaşa Kulaksız'da Doğramacı Dergâhı meşihat vekâletine tayin edilecek kişinin, ifâ-yı hizmete ehliyeti bulunup bulunmadığının Kâdirîhane Dergâhı postnişinliğinden sorulması.

- / - / - / - / - / - / - / - / 24 / - / Fî 24 Haziran sene [1]330 [7 Temmuz 1914]

Kâdirîhâne Dergâhı Postnişinliğine

Kasımpaşa'da Kulaksız'da kâin Doğramacı Dergâhı meşihat vekâletine ta'yîn olunacak zâtın zât-ı âlîlerinizce de mücerrebü'l-ahvâl ve ifâ-yı meşihate iktidârı var ise i'tâ-yı icâze buyurmaları niyâz olunur.

Yazıla

IST_MFT_MSH_DFT02_01737_0001_0109

Vakfiyenin on altıncı satırının mukabelesi için aslıyla Evkaf Nezâretine gönderilmesi.

- / - / - / 561 / 42 / - / - / 52 / Fî 13 Şa'bân sene [1]332 [7 Temmuz 1914] / Fî 24 Haziran sene [1]330

Merbût sûret-i vakfiye on altıncı satırında sürh ile işâret olunan mahallin bir kere daha kaydıyla bi't-tatbîk i'âdesi zımnında işbu evrâkın mazrûfen Evkâf-ı Hümâyûn Nezâret-i celîlesine irsâli menû-ı emr ü irâde-i aliyye-i Cenâb-ı Meşihat-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_0110

Merdivenköy'deki Şahkulu Sultan Dergâhı meşihatının deruhte kaydıyla meşihatine ait fıkranın Evkaf Nezâretinden istenmesi.

- / - / Hüsâm / İstid'â 1586 / 34 / - / - / 51 / Fî 13 Şa'bân sene [1]332 [7 Temmuz 1914] / Fî 24 Haziran sene [1]330

Nerdüban karyesinde kâin Şah Kulu Sultân Dergâhı meşihatının der'uhdesi kaydının ve vakfiyesi var ise meşihat hakkındaki fıkrasının bi'l-ihrac Meclis'e isbâli zımnında işbu evrâkın mazrûfen Evkâf-ı Hümâyûn Kuyûd-ı Kadîme-i Vakfiye Müdiriyyeti'ne irsâli menû-ı re'y-i âlî-i Cenâb-ı Meşihat-penâhîleri olmağın ol bâbda.

Mehmed Abdülbaki, Mehmed Gülşen, Es'ad

IST_MFT_MSH_DFT02_01737_0001_011118

Tekkelerin tanzim ve ıslahına dair düzenlenen nizamname.

- / - / - / - / - / - / - / 54 / Fî 6 Şa'bân sene [1]332 [30 Haziran 1914] / Fî 17 Haziran sene [1]330 [s.111] Tekâyâ ve zevâyânın ıslâh ve tanzîm-i ahvâlî taht-ı vücûb ve elzemiyette olarak bu bâbda bazı tedâbir-i ıslâhiyeyi hâvî yirmi üç madde üzere kaleme alınan nizâmnâme manzûr-ı dekâyık-nüşûr-ı âlî-i hazret-i Meşihat-penâhî buyurulmak üzere matviyyen arz ve takdîm kılınmış olmağla mevâdd-ı mundericesi muvâfık-ı re'y-i sâmi-i Cenâb-ı Fetvâ-penâhîleri olduğu hâlde icrâ-yı iktizâsına müsâ'ade-i celîle-i veliyyü'n-ni'amîleri şâyân buyurulmak bâbında.

Mehmed Gülşen, Es'ad

[s.118] Pîşvâ-yı sâlikân-ı tarîkat ve muktedâ-yı tâlibân-ı hakikat olan ekâbir-i ricâl-i ümmet-ten Kutb-ı Rabbânî Gavs-i Geylânî es-Seyyid Ahmed er-Rifâ'î, es-Seyyid Ahmed el-Bedevî ve emsâlihîm -kaddesena'llâhu te'âlâ bi-enfâsihim- hazerâtının bidâyet-i sülûklarından nihâyet-i urûclarına vâsıl oluncaya değin câdde-i şerî'at-i nebeviyye ve sünen-i seniyye-i Mustafaviyye'de kat'-ı merâhil buyurdıkları tevâtür ve kütüb-i tevârîh ile müsellemler bir kazıyyedir. Şâh-ı velâyet Efendimiz hazretlerinin şerî'at-i mutahharaya olan itâ'ati ise kâtili olan Abdurrahman ibn-i Mülcem'e bilâ-ruhsat-ı şer'iyye ta'arruz buyurmadığı ve nefis-i nefislerini şerî'at-i mutahharaya fedâ buyurmuş olduğu ile sâbit ve müberhendir. Bunlar hak ve hakikat olduğu hâlde muhâliflerinin butlân ve dalâletlerine hükm eylemek tabî'îdir.

Turuk-ı aliyyenin füyûzâtından kâm alan ve o zülâl-i ma'rifetten sâirlerini dahi sır-âb eylemek niyyet-i hâlisasında bulunan havâss-ı ümmetin bazıları mensûb olduğu tarîkat-i aliyyenin revâc ve rağbetine hâlisâne bir hizmet fikriyle sevgili emvâlinden birer dergâh-ı şerîf inşâ buyurmuş oldukları cümlelerin ma'lûmudur bundan maksadları müşârun-ileyhim hazerâtının isirlerine iktifâ ve ahkâm-ı şer'iyye ve sünen-i seniyyeyi ifâ etmek sâyesinde o tarîkat-i aliyyenin füyûzât-ı maddiyye ve ma'neviyyesiyle ihyâ olmak ümniye-i mukaddesidir. Binâen-aleyh herhangi bir tarîkate mensûb olur ise olsun dervîşân ve mürîdânın beyân eyleyeceğimiz ahkâm-ı şer'iyye'ye mülâzemet ve o tarîkat-i aliyyenin âdâb ve erkânına i'tinâ ve dikkat eylemeleri şeyh efendiler tarafından ihtâr olunacağı ve bu bâbda tesâhül ve tesâmüh gösterenlerin mes'ûl bulunacağı tabî'îdir.

[s.117] Birinci madde: Akâid-i İslâmiyye'yi ashâb-ı kirâm ve aktâb-ı izâm hazerâtının i'tikâdâtı dâiresinde ta'allüm eylemek

İkinci madde: Hadesden habesden tahârete ve teyemmüme müte'allık olan mesâili kütüb-i fıkhiyyede olduğu gibi ehlinden öğrenmek

Üçüncü madde: Salât-ı mefrûza ve mesnûnenin mükemmel bir sûrette edâ olunmasına gayret eylemek

Dördüncü madde: Dergâh-ı şerîfin yevm-i mahsûsunda âyîn-i tarîkatin icrâsına görülen lüzûmundan fazla salât-ı mefrûzanın cemâ'atle edâ olunmasına lüzûm görmek

Beşinci madde: Selef-i sâlihîn ve meşâyih-i kâmilîn efendilerimizin menâkıb-ı şerîfelerini beyân maksadıyla te'lîf buyurmuş olan kütüb ve resâil-i münîfenin şeyh efendi tarafından kable'z-zikr veya ba'de'z-zikr kırâet olunur iken umûmen hâzır bi'l-meclis olup istimâ' eylemek

Altıncı madde: Turuk-ı aliyyeye mensûb olanların hâl ve şânına tevâfuk etmeyen mahallerden bi'l-ictinâb mugâyir-i şer'-i şerîf olan lu'biyât ile iştigâl etmemek

Yedinci madde: Her şeyin bir rûhu olduğu gibi ezkâr-ı şerîfenin dahi rûhu huzûrdur. Binâen-aleyh zikr eden zevât zikirlerin yalnız lisândan cereyân etmesiyle kanâ'at etmeyip kemâl-i huzûr ve huşû-unu muhâfaza etmekle beraber söylediği esmâ-i şerîfenin hurûfunu ihlâl etmemek ve herkesin anlayabileceği sûrette telaffuz eylemek dervîşânın ehem vezâifindendir

[s.116] Sekizinci madde: "Lâ ilâhe illallah" kelime-i şerîfesinin ma'nâ-yı münîfesi nefy ve isbât olduğundan yalnız bu ma'nâyı fikirde bulundurmamak kâfidir. Lâkin ism-i Celâl zikr olunurken zâkir olan zât zihinde birdir ma'nâsını muhâfaza etmelidir ki maksad-ı mukaddese tevhit-i husûl-pezîr olsun yoksa sâde Allah Allah demek ve tevhit ma'nâsını der-hâtır etmemek zikir makâmına kâim olamaz.

Dokuzucu madde: Ânifü'l-beyân mesâilin ber-vech-i meşrûh icrâ olunması husûsunda kanâ'at-ı kâmile hâsıl olmadığı takdîrde bizzât Meclis-i Meşâyih tarafından tahkik ve icâbı icrâ olunacaktır.

Onuncu madde: Bâlâdaki esbâb-ı mûcibede beyân olunduğu üzere tekâyâ ve zevâyâ-yı şerîfe birer menba'-ı feyz ve ırfân olmak üzere müesses olmasına nazaran bunlarda bulunan meşâyih ile zî-berât hademe-i sübûl-i celile-i şerî'at ve tarîkatten ser-i mû inhirâf etmeyerek şürût-ı vâkıfa ri'ayet ve ta'âmiyyesi olanların it'âm-ı fukarâyâ dikkat gibi mükellefiyyet-i dîniyye ve şer'îyyeyi bilâ-tesâmüh ve terâhî ifâya mecbûrdur.

On birinci madde: Bi'l-umûm tekâyâ âsitâne ve hankâh ve zâviye nâmlarıyla üç kısma münkasım ve aksâm-ı mezkûreden âsitâne ve hankâhlar her vakitte ve zevâyâlar ise icrâ-yı âyîne mahsûs olan eyyâm-ı mu'ayyenede mütereddidîn ve fukarâyâ küşâde bulunmak lâzım geleceği bedihî ve müsellemlerine göre âsitâne ve hankâhlar ile imâmet ve hitâbet ve müezzinlik gibi cihât ve hıdemâtı bulunan zevâyâ postnişînleriyle hademesi evkât-ı hamsede ve imâmet vesâire misilli berâtla tevcih olunur cihâtı olmayıp da hizmeti eyyâm-ı mu'ayyenede icrâ-yı âyînden ibâret olan zevâyâ-yı sâire [s.115] şeyhleri dahi âyîn günlerinde vezâif ve hıdemât-ı lâzimeyi kemâ-hiye hakkâh icrâ ve ifâya bezl-i sa'y ü makderet edeceklerdir.

On ikinci madde: Meşâyih ve me'zûn olan hulefânın mensûb ve sâlik oldukları turuk-ı aliyye âdâb ve usûl ve erkânını bi-hakkın ifâ ile beraber gerek mensûbîn ve havîşânının gerek zâirîn ve mütereddidînin tarîk-i rüşd ü salâha ırcâ'ı için nesâyih ve vesâyâ-yı lâzimedeki bulunmaları ve bir takım mâlâ-ya'ni sözlerle ızâ'a-i evkâta kat'ıyen meydan vermeyerek mesâil-i dîniyye ve seyr-u sülûk-ı sûfiyyeye müte'allık mebâhis-i müfide ile neşve-yâb-ı ma'neviyât olmaları muktezîdir.

On üçüncü madde: Her bir ferd için yekdiğerine karşı mu'âmele-i bi'l-mücâmele-i hürmet ve şefkat-kârîde bulunmak ve zemm ü kadh ve huşûnet gibi ahvâl-i merdûdeden tevakkî eylemek âdâb-ı İslâmiyyeden olmasına göre makâm-ı irşâdda bulunan havâssın şerî'at ve tarîkat dâiresinde mu'âmele-i mütekâbile-i ırfân-sâziye ve misâfirîn ve mütereddidîn haklarında şerâit-i mukteziye-i mihmân-nüvâziye dikkat ve tarikat-i aliyyede mevcûd olan meziyet ve ulviyyetin âsâr-ı fi'liyyesiyle ihvân-ı dîni o meslek-i celîle da'vet eylemeleri elzemdir.

On dördüncü madde: İsr ve sünen-i celîleye iktifâ ile şâhid-i cemâle vâsıl olanların ma'lûmudur ki esbâb-ı vusûlden biri de zî ve kıyâfet-i sûfiyyeyi muhâfazadır. Bu kazıyye-i mühimmede mübâlâtsizlik göstermek şerî'at ve tarîkati istisgâr ve istihfâf olacağı gibi enzâr-ı âmmeye tenzîl-i kadr u haysiyet-i sûfiyye gibi ahvâlî müstevceb [s.114] olduğundan işbu zî ve kıyâfet-i müberrekeyi hüsn-i muhâfaza ve isti'mâle ve takdîr-i kadr-ı meslek için i'mâl-i efkâr ve a'mâle sarf-ı gayret olunacaktır.

On beşinci madde: Usûl ve âyîn-i tarîkatin hakkıyla ifâsı her bir ehl-i tarîk ve sülûk için vâcibâtın ve erbâb-ı hayr u birrin ma'neviyâta hâdim müessesât vücûda getirmiş olmalarındaki maksad-ı aslî dahi bu vazîfe ve dakîkanın icrâ ve idâmesi kazıyyesine ma'tûfiyyeti de vâzihâtın olması mülâbesesiyle her dergâhta o dergâhın mensûb olduğu tarîka âid ve şer'-i şerîfe muvâfık usûl ve âdâb ve erkânın müdevvenât ve menkûlâtın iktibâsı ve telakkî ile ve icrâ olunacak ahkâm, şer'-i şerîfe ve tarîk-i reşâd ve salâha imtisâl ve imtisâk edilecektir.

On altıncı madde: Tekâyâ ve zevâyâda bulunan hademâtın hakkıyla ifâ-yı hizmet sâhiblerinin bi'n-nefs bilâ-kusûr ifâ-yı vazîfe etmelerine mütevakkıf olmasıyla bu misilli hangi bir hizmet olur ise olsun mutasarrıfının ma'zeret-i şer'îyyesi olmadığı hâlde bizzât hizmetini ifâ etmesi ve aksi takdîrde devâir-i müte'allıkasınca o hizmetin ehline tevdi' kılınması lâzımdır.

On yedinci madde: Şeyh efendiler mukâbele günleri dergâhta bulunan tâlibân hak ve hakîkati şifâ-i şerîf ve şemâil-i şerîf gibi kütüb-i dîniyyeden ve yâhûd tercümelerinden bir iki sahîfesinin kırâetiyle münevverü'l-efkâr eylemeleri ehem ve elzemdir.

On sekizinci madde: Bi'l-umûm tekâyâ-yı şerîfenin sıhhat-i umûmiyeye hâdim bir sûrette muhâfaza-i nezâfet ve tahâretine i'tinâ ve dikkat [s.113] şeyh efendilerin cümle-i vezâifindendir.

On dokuzuncu madde: Şeyh efendilerin salikândan birisine tevcih-i hilâfeti murâd edince Meclis-i Meşâyih'e i'tâ-i ma'lûmât ile inde'l-icâb halîfe edilecek zâtın kâbiliyetine husûl-i kanâ'at için tahkîkât olunmalıdır. Hilâfeti Meclis-i Meşâyihce musaddak olmayan bir zât re'y-i hoduyla hiçbir mahalde halka-i zikre riyâset edemeyecektir.

Yirminci madde: Dersâadet'teki tekâyâ ve zevâyâ usûl-i câriye vech ile ve mücâveret i'tibâriyle merkez add ve i'tibâr edilen birer dergâha merbût olduğundan bunlardan merkez ittihâzına lüzûm olanlar ibkâ edilmek ve âsitâne ve hankâh gibi tekâyâ nazar-ı i'tibâra alınmak üzere icâbında a'dâd-ı merâkiz Meclis-i Meşâyihce muktezî dereceye tezyîl veya teksîr edilecektir.

Yirmi birinci madde: Evlâd-ı zükûr olmayıp tâife-i nisâdan bir veya birkaçını terk ile vefât eden şeyh efendilerin halefi tarafından dergâh-ı şerîfin vüs'ati ve tezevvüc olunmadıkları hâlde nisvân-ı mezkûreyi dergâhın fukarâsından add ile fakr u zarûretleri nisbetinde mu'âvenetlerinde bulunmak şübhesiz ahlâk-ı cemîle-i merhamet-kârînin icâbâtındandır. Binâen-aleyh bu noktaya da şeyh efendiler tarafından ri'âyet olunmak muvâfık-ı ma'delettir.

[s.112] Yirmi ikinci madde: Bir meşîhatin inhilâlinde müteveffânın erbâb-ı ehliyetten evlâdı olduğu sûrette Tevcih-i Cihât Nizâm-nâmesi'nin mevâdd-ı mahsûsası mücebince tevcihi icrâ olunacağı gibi erbâb-ı ehliyetten kebîr veya sagîr evlâdı olmadığı sûrette meşîhat-i münhalde evveleminde müteveffâyâ karâbeti olanların bi'l-müsâbaka icrâ-yı imtihânıyla ehliyetleri kâfi görüldüğü sûrette bunların elyak ve eslahına tevcih edilecek ve tesâvî husûlünde kur'a medâr-ı tevcih olacaktır şâyed bunlarda dahi ehliyet görülmez ise hâricden bi'l-müsâbaka bir ehline tevdi' edilecektir.

Yirmi üçüncü madde: Mahzâ salâh ve intizâm maksadına mebnî olan bâlâdaki mevâdd-ı nizâmiye ahkâm-ı mündericesine alâkadârınca mutâva'atla tevfi-k-i hâl ve hareket olunacak ve etmeyenler düçâr-ı mes'ûliyet ve mücâzât olacaktır.

IST_MFT_MSH_DFT02_01737_0001_0119

Aşıkpâşa Mahallesi'nde Mimar Yusuf Sinaneddin Dergâhı meşîhatinin Mehmed Niyazi'ye tevcihinde; vekâletine tayin edilmiş olan Ali Behçet Efendi'nin istifası üzerine, yerine Şeyh Said Efendizâde Hafız Mehmed Receb Efendi'nin tayini.

- / - / - / - / - / - / - / 22 / Fî 6 Şa'bân sene [1]332 [30 Haziran 1914] / Fî 17 Haziran sene [1]330

Aşıkpâşa Mahallesi'nde kâin Mi'mâr Yusuf Sinaneddin Dergâhı meşîhatinin sagîr Mehmed Niyazî Efendi'ye hîn-i tevcihinde vekâletini der'uhde etmiş ve bir sene müddet devam eylemiş ise de kesret-i iştigâline mebnî fîmâ-ba'd devam edemeyeceğinden isti'fâsının kabûlü istirhâmını hâvî Ali Behçet Efendi tarafından Meclis-i Meşâyih riyâsetine hitâben bâ-tahrîrât vukû' bulunan mürâca'at üzerine keyfiyyet lede't-tezekkür vekâlet-i mezkûreye tâlib bulunan Şeyh Said Efendizâde Hâfız Mehmed Receb Efendi'nin hüsn-i hâl ashâbından bulunduğunu ve sagîr-i mûmâ-ileyhin sinn-i rüşde vusûlüne değin vekâlet-i mezkûreyi hüsn-i sûretle ifâ eyleyeceğini

mübeyyin bazı meşâyiḥ ile mahalle-i mezkûr ahâlî-i mu'teberesi taraflarından memhûren ibrâz ve i'tâ olunan şehâdetnâme üzerine Behçet Efendi'nin zamanı îfâ-yı vekâlete müsâ'id oluncaya değin mûmâ-ileyh Receb Efendi'nin eyyâm-ı mahsûsasında dergâh-ı mezkûrda îfâ-yı vekâlet eylemesi kararlaştırılarak işbu ruhsatnâme i'tâ kılındı.

Yazıla

IST_MFT_MSH_DFT02_01737_0001_0120

Cerrahpaşa'da Canbaziye Mahallesi İmamı Mükerrerrem Efendi'nin Meclis-i Meşâyihe çağırılması.

- / - / - / - / - / - / - / Fî 6 Şa'bân sene [1]332 [30 Haziran 1914] / Fî 17 Haziran sene [1]330

Cerrâhpaşa'da Canbaziye Mahallesi İmâmı Mükerrerrem Efendi'ye

Bazı husûsun müzâkeresi zımnında mâh-ı hâl-i Rûmî'nin yirmi dördüncü Salı günü Meclis-i Meşâyiḥ'e gelmekliğiniz mütemennâdır.

Yazıla

IST_MFT_MSH_DFT02_01737_0001_0121

Kocamustafapaşa'da Sünbül Sinan Hankahı tayinatının müteveffa Şeyh Kutbeddin Efendi'nin oğlu Mehmed Râzî Efendi'ye verilmesi.

- / - / - / - / - / - / - / 21 / Fî 3 Şa'bân sene [1]332 [27 Haziran 1914] / Fî 14 Haziran sene [1]330

Kocamustafapaşa'da Hazret-i Sünbül Sinan Hankâh-ı şerîfine Hazîne-i Hâssa-i şâhânenen muhassas olan mu'ayyenâtın hankâh-ı mezkûr şeyhi müteveffâ Kutbeddin Efendi'nin mahdûmu Mehmed Râzî Efendi mührünün tatbikiyle verilmesi zımnında işbu ilmühaber i'tâ kındı.

Yazıla

IST_MFT_MSH_DFT02_01737_0001_0122

Dersaadet ve bilâd-ı selâsedeki tekke ve zaviyelere verilmekte olan ramazaniyye ve diğer tahsisatların verilebilmesi için Meclis-i Meşâyiḥ tarafından verilecek ilmühaberlerin makbul tutulması hususunun Evkâf-ı Hümâyûn Nezâretine bildirilmesi.

- / - / - / - / - / - / - / 53 / Fî 3 Şa'bân sene [1]332 [27 Haziran 1914] / Fî 14 Haziran sene [1]330

Dersaadet ve Bilâd-ı selâsedeki tekâyâ ve zevâyânın küşâde ve icrâ-yı âyîn olunmakta olup olmadığının ve merbût bulundukları tekâyâ merâkizi vâsıtasıyla bi't-tahkîk bu bâbda verilecek ilmühaberlerin Meclis-i dâ'iyânemizce de kanâ'at-i husûlü takdîrinde resmen tasdîk-i mündericâtı ve zevâyâ-yı mezkûre muhassasâtının işbu musaddak ilmühaberler üzerine icrâ-yı te'diyyâtı usûl-i câriye icâbından olduğu hâlde istihbârât-ı vâkı'aya nazaran hayrât-ı şerîfeye verilecek Ramazan muhassasât-ı seneviyyesi için hayrât-ı mezkûrenin küşâde bulunup bulunmadığına dâir mevâkı'i polis merkezlerinden musaddak ilmühaber talep edilmekte ise de arz ve beyândan müstağnî olduğu üzere tekâyâyâ âid bu gibi husûsâtın mercî'iyet i'tibâriyle Meclis-i Meşâyiḥce tesviyesi muktezî ve ma'a-hâzâ tekâyânın küşâde ve derûnlarında âyîn icrâ olunmakta olup olunmadığına polis merâkizince hakkıyla ıtılâ' hâsıl olamayacağı da bedîhî idiğinden ber-vech-i ma'rûz bu misilli tekâyâ mu'amelâtı için Meclis-i Meşâyiḥ'ten verilecek musaddak

ilmühaberlerin kemâ-kân makbûl ve mu'teber tutularak usûl-i merci'iyetin muhâfazası zım-nında Evkâf-ı Hümâyûn Nezâret-i celîlesine tezkire-i aliyye şeref-tastîri menût-ı emr ü irâde-i aliyye-i Meşihat-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0123

Eyüp'te Şeyhülislam Sadeddin Efendi diğer ismiyle Şeyh Hasib Efendi Dergâhı vakfiyesinin bir suretiyle meşihatının deruhte kaydının Evkaf Nezâretinden istenmesi.

- / - / Hüsâm / - / - / - / 51 / Fî 29 Receb sene [1]332 [23 Haziran 1914] / Fî 10 Haziran sene [1]330

Hazret-i Hâlid civârında kâin Şeyhülislâm-ı esbak Hoca-i Sultânî merhûm Sadeddin Efendi nâm-ı diğer Şeyh Hasib Efendi Dergâh-ı şerîfi vakfiyesinin Meclisce mütâla'asına lüzûm görüldüğünden bir kıt'a sûretinin bi'l-ihrac isbâli ve meşihatın der'uhdesi kaydının beyânı zım-nında işbu müzekkire-i dâ'iyânemizin mazrûfen Evkâf-ı Hümâyûn Kuyûd-ı Kadîme-i Vakfiyye Müdîriyyeti'ne irsâli menût-ı re'y-i âlî-i Cenâb-ı Meşihat-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0124

Eyüp'te Vezir İzzet Paşa Dergâhı'nın meşihati için yapılacak imtihana katılacakların, belirtilen vakitte Meclis-i Meşâyihe müracaat etmelerinin gazetelerde ilanı.

- / - / Hüsâm / - / - / - / 51 / Fî 26 Receb sene [1]332 [20 Haziran 1914] / Fî 7 Haziran sene [1]330

Meşihati mahlûl olan civâr-ı Hazret-i Hâlid'de vâki' Vezîr İzzet Paşa Dergâh-ı şerîfine tâlib bulunan zevâtın bi'l-müsâbaka imtihânları icrâ kılınacağından tarikat-i aliyye-i Nakşibendiyye'den mücâz ve müstahlef olanların mâh-ı hâl-i Rûmî'nin yirmi birinci Cumartesi günü Meclis-i Meşâyihe mürâca'at eylemeleri husûsunun evrâk-ı havâdisle i'lânı zım-nında Matbû'ât-ı Dâhiliyye Müdîriyyeti'ne tezkire-i aliyye şeref-tastîri menût-ı re'y-i âlî-i hazret-i Meşihat-penâhîleri olmağın ol bâbda.

Mehmed Gülşen, Es'ad

IST_MFT_MSH_DFT02_01737_0001_0125

Okmeydanı Dergâhı meşihatının tevcih işlemi için ihtiyaç duyulan ferman suretlerinin Dîvân-ı Hümâyûn Kaleminden istenmesi.

- / - / - / - / - / - / 50 / Fî 26 Receb sene [1]332 [20 Haziran 1914] / Fî 7 Haziran sene [1]330
Bihî

Cennet-mekân Sultân Mahmud Hân-ı Sâni hazretleri vakfindan bulunan Okmeydanı Dergâhının müteveffâ Muti Efendi'den mahlûl meşihat ciheti hakkında cereyân eden mu'ameleyi hâvî evrâk-ı matviyyenin yine i'ade edilmek üzere leffîyle evrâk-ı mezkûre miyânındaki Kuyûd-ı Kadîme Kalemî'nin 21 Nisan sene [1]329 târîhli müzekkiresinde mahkî ferâmîn-i âliye sûretlerinin dahi Dîvân-ı Hümâyûn Kalemince bi'l-ihrac irsâli zım-nında Bâbîâli cenâb-ı sâmisine tezkire-i

aliyye-i Cenâb-ı Meşîhat-penâhîlerinin şeref-tastîri menû-ı emr ü irâde-i aliyye-i hazret-i Fetvâ-penâhîleri olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0126

Üsküdar'da Hazret-i Selâmî Dergâhı'nın vefat eden şeyhi Rıza Efendi'nin kızlarının, dergâhta iskân edilmeleriyle ihtiyaclarının karşılanması hususunun dergâh şeyhine tebliği.

- / - / - / - / - / - / - / 19 / Fî 29 Receb sene [1]332 [23 Haziran 1914] / Fî 10 Haziran sene [1]330

Üsküdar'da Hazret-i Selâmî Dergâhı şeyhi müteveffâ Rıza Efendi'nin kerîmeleri tarafından Meclis-i Meşâyih Riyâseti'ne takdîm olunan arzuhâl ve merbûtu mündericâtına nazaran kendileri zâtü'z-zevc olmayıp dergâhta iskân ve infâk ve i'âşelerini istihâmdan ibâret olup dergâh-ı mezkûr Hazret-i Pîr Hüdâî Efendi'nin dergâh-ı âlîsine merbût bulunduğundan el-yevm dergâh-ı mezkûr postnişini Nurullah Efendi'ye lâzım gelen tenbîhât ifâ kılınmak ve sızıldının önü alınmak üzere işbu arzuhâl hankâh-ı mezkûr postnişini reşâdetlü rfendi hazretlerine irsâl kılındı. Yazıla

IST_MFT_MSH_DFT02_01737_0001_0127

Şâh Sultan Dergâhı postnişini Sâim Efendi'nin belirtilen vakitte Meclis-i Meşâyihe çağırılması.

- / - / - / - / - / - / - / 20 / - / Fî 10 Haziran sene [1]330 [23 Haziran 1914]

Şâh Sultân Dergâhı Postnişini Saim Efendi'ye

Bazı husûsun müzâkeresi zımnında mâh-ı hâl-i Rûmî'nin on dördüncü Cumartesi günü Meclis-i Meşâyih'e teşrîf buyurmaları mütemennâdır.

Yazıla

IST_MFT_MSH_DFT02_01737_0001_0128

Kasımpaşa Küçükpiyâle'deki Kurd Bey diğer ismiyle Başmakçı Ali Efendi Dergâhı şeyhi Cemâl Efendi'nin, belirtilen vakitte Meclis-i Meşâyihe çağırılması.

- / - / - / - / - / - / - / 18 / - / Fî 7 Haziran sene [1]330 [20 Haziran 1914]

Kasımpaşa'da Küçükpiyâle'de Kurd Bey nâm-ı diğer Başmakçı Ali Efendi Dergâhı Şeyhi Cemâl Efendi'ye

Bazı husûsun müzâkeresi zımnında mâh-ı hâl-i Rûmî'nin onuncu Salı günü behemehâl Meclis-i Meşâyih'e gelmeleri mütemennâdır.

Yazıla

IST_MFT_MSH_DFT02_01737_0001_0129

Mahmutpaşa Mahallesi'nde Baba Ali Şâh-ı Zengî Tekkesi postnişini müteveffa Şerafeddin Efendi'nin oğlu Mehmed Niyazi Efendi'nin, belirtilen vakitte Meclis-i Meşâyihe çağırıldığı.

- / - / - / - / - / - / - / 17 / Fî 7 Haziran sene [1]330 [20 Haziran 1914]

Mahmudpaşa Mahallesi'nde Baba Ali Şâh-ı Zengî Tekkesi postnişîni merhûm Şerafeddin Efendi'nin mahdûmu Niyazî Efendi'ye

Dergâh-ı şerîfe âid bazı husûsun müzâkeresi zımnında mâh-ı hâl-i Rûmî'nin on dördüncü Cumartesi günü Meclis-i Meşâyih'e gelmeleri mütemennâdır.

Mehmed Gülşen, Es'ad

IST_MFT_MSH_DFT02_01737_0001_0130

Bahsedilen dergâhın vakfiyesi varsa vakfiyesinin, yoksa eskiden beri uygulanmakta olan muamelenin dikkate alınması hususunun başmüfettişliğe tebliği.

- / - / - / Kırmızı 512 / - / - / - / 49 / Fî 22 Receb sene [1]332 [16 Haziran 1914] / Fî 3 Haziran sene [1]330

İşbu müzekkireye rabt edilen evrâkın leffiyle ve bâlâdaki işâret-i aliyyeden ve îcâbı vech ile müzekkire mündericâtından bahs ile mahallî başmüfettişliğine emirnâme-i âlî-i Meşihat-penâhîlerinin şeref-tastîri ve dergâh-ı mezkûrun mahallince vakfiyesi var ise ahkâmının, yoksa mine'l-kadîm cârî te'âmülün nazar-ı i'tibâra alınması husûsunun ilâveten emr-i izbârı menût-ı irâde-i aliyye-i Meşihat-penâhîleri olmağın ol bâbda.

Mehmed Gülşen, Es'adYazılmıştır Hüsâm

IST_MFT_MSH_DFT02_01737_0001_0131

Karagümrük'teki Hz. Ejder Dergâhı şeyhi Hakkı Efendi'nin, belirtilen tarihte Meclis-i Meşâyih'e çağırılması.

- / - / - / - / - / - / - / 16 / - / Fî 3 Haziran sene [1]330 [16 Haziran 1914]

Karagümrük civârında Hazret-i [Ejder] Dergâhı postnişîni reşâdetlü Şeyh Hakkı Efendi'ye
Bazı husûsun müzâkeresi zımnında mâh-ı hâl-i Rûmî'nin yedinci Cumartesi günü Meclis-i Meşâyih'e teşrîfleri mütemennâdır efendim.

Yazıla

IST_MFT_MSH_DFT02_01737_0001_0132

Tekkelerden beklenen sonucun alınamadığı ve bunun sebebinin de bazı şeyhlerin seyrüsülûk görmeden veraset yoluyla bu makama geçmelerinden kaynaklandığından, şeyhlerinin ahvalini teftiş etmek üzere Arif Efendi'nin müfettiş olarak tayini.

- / - / - / - / - / - / - / 49 / Fî 22 Receb sene [1]332 [16 Haziran 1914] / Fî 3 Haziran sene [1]330

Ma'lûm-ı âlî-i Meşihat-penâhîleri olduğu üzere tekâyâ-yı şerîfenin birer masdar-ı erkân-ı şerî'at ve mazhar-ı envâr-ı tarikat olduğu hâlde bunların bir kısmından matlûb olan netâyic-i hasenin iktitâf olunmadığı tevâtür ile sâbit ve müberhendir. Bunun sebab-i müstakillî ise ta'yîn buyurulan bazı şeyh efendilerin seyr ü sülûk görmedikleri ve verâset hasebiyle o makâma geçip hevâ ve heveslerine mağlûb bulundukları cây-i iştibâh değildir. Hey'et-i fakîrânemiz bu hakîkate vâkıf olduğu hâlde bu kısım şeyh efendilerin mesâvî-i ahvâlini teftiş ve resmen tebeyyün ettirmeye muhtâc vesâit bulunduğundan eskiden olduğu gibi şimdi dahi bir müfettişe eşedd-i ihtiyâc vardır mütâla'a-i fakîrânemiz tasvîb buyurulduğu takdirde hizmet-i mezkûre için kâbiliyet ve

isti'dâdı müsellemler olan Arif Efendi dâ'îlerinin münâsib bir ma'âş ile ta'yîn buyurulması menûat-ı re'y-i sâmi-i Cenâb-ı Fetvâ-penâhîleri olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0133

Şeyh Abdülbâkî Efendi'nin Dersaadet'e gelmek üzere hareket ettiğine dair telgrafın Evrak Odasında hıfzı.

- / - / - / Kırmızı 119 / 31 / - / - / 48 / Fî 22 Receb sene [1]332 [16 Haziran 1914] / Fî 3 Haziran sene [1]330

Şeyh Abdülbaki Efendi'nin Dersaadet'e müteveccihen hareketini müş'ir keşide olunup havâle buyurulan işbu telgrafnâme mündericâtı Meclisce lede'l-mütâla'a Evrâk İdâresi'nde hıfzı tensîb edilmiştir ol bâbda.

Mehmed Gülşen, Es'ad

IST_MFT_MSH_DFT02_01737_0001_0134

Hazret-i Selâmî Dergâhı meşihatine Mehmed Nurullah Efendi'nin tayini.

Fî 5 Receb sene [1]332 / Fî 17 Mayıs sene [1]330 / Hüsâm / İstid'â 5187 / 235 / Fî 1 Şubat sene [1]329 / - / 38 / Fî Receb sene [1]332 [Haziran 1914] / Fî Mayıs sene [1]330

Hazret-i Selâmî Dergâh-ı şerîfi meşihatının uhdesine tevcihini istid'â ve mesbûku'l-imtihan bulunduğunu iddi'â eden Mehmed Nurullah Efendi'nin ahîran mürâca'at-ı vâkı'ası üzerine imtihanı bi'l-icrâ lâzım gelen mazbatasının tanzim edildiği bi't-tedkik anlaşılmış olmağla mu'ameleden müstağnî bulunan işbu arzuhâlin Evrâk İdâresi'nde hıfzı tezekkür kılındı ol bâbda.

Mehmed Gülşen, Es'ad

IST_MFT_MSH_DFT02_01737_0001_0135-0136

Selânik Yenice-i Vardar gibi istilaya uğrayan mahallerdeki tekke ve zaviye meşihatlerinin tevcihinde, nasıl bir yol takip edileceğinin Evkaf Nezâretine sorulması.

- / - / - / - / - / - / - / 48 / Fî 19 Receb sene [1]332 [13 Haziran 1914] / Fî 31 Mayıs sene [1]330 [s.135] Selânik'te Yenice-i Vardar'da kâin tarikat-ı aliyye-i Kâdiriyye'den Ataullah Efendi Dergâhı meşihat cihetinin büyük pederi müteveffâ Mustafa Efendi mahlûlünden kendisine tevcihi istid'âsına dâir Abdürrahim Efendizâde Mustafa imzâsıyla verilen arzuhâl üzerine cereyân eden mu'amele-i hâvî evrâk makâm-ı âlî-i Cenâb-ı Meşihat-penâhîlerinden mazrûfen Selânik Müftülüğü'ne irsâl buyurulmuş idi. Müftülükten bu kere vârid olan matvî tahrîratta dergâh-ı mezkûr şeyhi Mustafa Efendi'nin ve ahîren evlâd-ı kibârından Abdullah ve Abdurrahim efendilerin vefâtları vukû'una mebnî meşihat-i münhallenin şeyh-i sâbıkın diğer oğlu Abdülaziz Efendi'ye tevcihi için vaktiyle i'lâm ve mazbatası tanzim ve irsâl olunmuş iken berâtının vürûdundan evvel Yenice kasaba[sı]nın istilâya uğramakla beraber Abdülaziz Efendi dahî vefât eylediği ve müteveffâ Abdürrahim ve Abdülaziz efendilerin evlâd-ı kibârı da memâlik-i Osmaniyye'ye hicret eyledikleri cihetle mezkûr meşihat hizmeti Abdullah Efendizâde Hâfız

Mehmed Efendi tarafından muvakkaten ifâ edilmekte bulunduğu iş'âr edilmiş olup hâlbuki bu misilli istilâ gören mahallerdeki tekâyâ ve zevâyâ meşihatlerinin inhilâlinde ne vechile mu'amele cereyân eylediğine dâir bir emsâl-i mesbûk olmadığı ve nizamnâmede de sarâhat bulunmadığı cihetle bu bâbda ta'yîn ve takdîr-i mu'amelede Meclis-i da'iyânemizce tereddüt edilmekte bulunmuştur. Ma'lûm-ı sâmi-i Cenâb-ı Meşihat-penâhileri buyurulduğu üzere Rumeli-i şarkî'nin eyâlât-ı mümtâzeden olmak üzere zîr-i himâyeye-i saltanat-ı Osmâniyye'de bulunduğu sıralarda hayrât-ı şerîfe cihât-ı münhallesinin mahallî müftülüklerinden Dersââdet'teki Cemaat-i İslâmiyye riyâsetine vâki' olan iş'âr ve inhâ üzerine tevcîhatı icrâ ve berâtları tanzim ve itâ edilegelmiş olduğu beyândan müstağni olmasına nazaran el-yevm dahi mu'amelât-ı ma'ruza-i sâbika vechile mahallî müftülüklerinden makâm-ı sâmi-i hazret-i Meşihat-penâhilerine vâki' olacak ma'ruzât üzerine berât itâ ettirilmek ve yahut müftüklerce vesâik-i lâzime verdirilerek onunla iktifâ olunmak suretleriyle mi veya rehîn-i tensib-i âlî-i Fetvâ-penâhileri buyurulacak suver-i âharı [0136] ile mi mu'amele ifâsı şıklarının ta'yîni menût-ı re'y-i rezîn-i isâbet-karîn-i hazret-i Meşihat-penâhileri olmağın ol bâbda emr ü fermân.

Mehmed Gülşen, Es'ad

IST_MFT_MSH_DFT02_01737_0001_0137

Vakfiyesi olmadığı bildirilen zaviyenin muhassasatı ile vakfın geliri varsa miktarının İstanbul Evkaf Müdüriyetinden sorulması.

Fî 15 Receb sene [1]332 / Fî 27 Mayıs sene [1]330 / Hüsâm / İstid'â 3400 / 216 - 81 - 31 / 2 / Fî 4 Eylül sene [1]328 / 47 / Fî 15 Receb sene [1]332 [9 Haziran 1914] / Fî 27 Mayıs sene [1]330 Kuyûd-ı Kadîme Kalemî'nin işbu derkenârında vakf-ı mezbûrun müseccel vakfiyesi olmadığı beyân olunmasına nazaran zâviye-i mezkûrenin nakden ve aynen muhassasâtı ve vakfın vâridâtı var ise mikdârlarının İstanbul Evkâf Müdüriyyetince bi't-tedkîk beyânı zımında işbu evrâkın mazrûfen Evkâf-ı Hümâyûn Hazîne-i celîlesine irsâli menût-ı emr ü irâde-i aliyye-i Cenâb-ı Meşihat-penâhileri olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0138

İstanbul'daki tekke ve zaviyelerin hangi tarik üzeri kurulduğunun ve vakfiyelerinde dersiye ve vaaziye cihetlerinden hangisinin bulunduğu Evkaf Nezâretinden sorulması.

Fî 8 Receb sene [1]332 / Fî 20 Mayıs sene [1]330 / - / - / - / - / - / 6 / Fî 12 Receb sene [1]332 [6 Haziran 1914] / Fî 24 Mayıs sene [1]330

Dersââdet ve Bilâd-ı selâsede kâin tekâyâ ve zevâyâ meşihatlerinin ol bâbdaki şerâit-i vakfiyye ve te'âmülât-ı câriye vech ile mensûb oldukları turuk-ı aliyye hulefâsına tevcîh ve ihâlesi muktezî olduğu hâlde vaktiyle bazı tekâyânın mensûb olduğu tarik nazar-ı itibâra alınmayarak turuk-ı sâire ashâbına ihâle edilmiş olmasından nâşi tekâyâ-yı mezkûrede icrâsı lâbûd olan o tarîkin usûl ve âyîni metrûk ve mensî kalarak turuk-ı sâire âyîn ve usûlü icrâ ve bu sûretle şerâit-i vakfiyye ihlâl edilmekte olup bu ise vâkıf ve bânîlerin maksad-ı aslîlerine bi't-tabî' tevâfuk ve tetâbuk edemeyeceği derkâr idiğinden ba'demâ hal vukû'unda bu gibi hilâf-ı şart ve te'âmül

mu'âmelenin tekerrür-i vukû'una meydan kalmamak üzere melfûf defterde esâmîsi muharrer tekâyâ ve zevâyânın turuk-ı aliyyeden hangisine mensûb bulunduğunun ve bu bâbdaki şerâit-i vakfiyye fıkırâtının muvazzahan beyânı ve bir de bazı tekâyâda dersiyiye ve va'ziyye gibi bazı hıdemât olduğu hâlde hıdemât-ı mezkûrenin îfâ edilip edilmediği de Meclis-i âcizânemizde bir kayıd mevcûd olmamasından nâşî bi't-tabî bilinememekte olduğundan ba'dezin bu gibi hıdemâtın bizzât veya bi'l-vekâle îfâsına ikdâm ve ihtimâm ettirilmek üzere hangi tekkelerde dersiyiye ve va'ziyyeden ne gibi cihât varsa onların dahi izbâr ve ityânı lüzûmunun bâ-tezkire-i aliyye Evkâf-ı Hümâyûn Nezâret-i celîlesine emr ü iş'ârı menûr-ı emr ü irâde-i aliyye-i Cenâb-ı Meşîhat-penâhîleri olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0139

Tekke ve zaviye mensuplarından uygunsuz hareketleri olanlara gereken tenbihin yapılması ve aksine hareket edenlerin cezalandırılacaklarına dair tamimin gazetelerde ilanı.

Fî 8 Receb sene [1]332 / Fî 20 Mayıs sene [1]330 / - / 8-9-10-11-12-13-14-15-16-17-18-19-20-21-22-23-24-25-26-27-28-29-30-31-32-33-34-35-36-37-38-39-40-41-42-43-44-45-46-47 / - / - / - / 7 / Fî 12 Receb sene [1]332 [6 Haziran 1914] / Fî 24 Mayıs sene [1]330Bihî

*Tekâyâ merkezlerine tezkire

Evrâk-ı havâdisle i'lân edilmiş olmağla o vech ile merkeziniz dâhilindeki tekâyâyâ da teblîgât-ı lâzime îfâsı husûsuna himmet buyurulması siyâkında terkîm-i tezkireye müsâberet kılındı efendim hazretleri.

Matbû'ât-ı Dâhiliyye Müdiriyyeti Cânib-i alisine

Beyândan müstağnî olduğu üzere neşr ve ifâza-i kemâl ve irfân maksadıyla müesses olan tekâyâ ve zevâyâ-yı şerîfe mensûbının hilye-i zühd ü salâh ile muttasıf ve mütehallî ve her sûretle câlib-i ta'n ve ta'arruz-ı ahvâlden mütevakkî ve müteberrî olmaları lâbûd ve muktezî olduğu hâlde tarîka nisbet iddi'âsında bulunan bazı kesânın lâbis oldukları zî ve kıyâfet-i sûfiyye ve haysiyet-i zâtiyyeyi adem-i muhâfaza ile kahvehâne vesâire gibi mahallerde hilâf-ı şer' ve tarîk lu'biyât misilli ahvâl-i nâ-merziyye cür'et ve cesâretleri mesmû' olup bu ise hadd-i zâtında evsâf-ı ber-güzîde ile muttasıf ve mümtâz olmaları lâzım gelen bi'l-cümle mensûbın-i turuk-ı aliyye için pek çirkin ve husûsiyle ahkâm-ı şer'-i âlî vech ile mütecâsirlerinin tevbîh ve te'dîbini müstelzim ve mucib-i şeyn olarak gayr-i câiz bulunmuş olmağla ba'demâ kâffe-i turuk-ı aliyye mensûblarının bu misilli nâ-becâ ahvâlden hemîşe tevakkî ve mucânebet ve muhâfaza-i kıyâfet ve haysiyet-i sûfiyye be-gâyet i'tinâ ve dikkat eylemeleri lüzûmu ve aksi hâl ve hareket dâ'î-i tevbîh ve mucâzât olunacağı* ma'lûm olmak üzere i'lân-ı keyfiyyet olunur.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0140

Bursa'da Anarlı Dergâhı şeyhi Mehmed Efendi'ye, talep ettiği vakfiye suretinin verilmesi.

Fî 11 Receb sene [1]332 / Fî 23 Mayıs sene [1]330 / Hüsâm / İstid'â 1158 / 27 / Fî 21 Cemâziyelâhîr sene [1]332 / Fî 4 Mayıs sene [1]330 / - / 46 / Fî 12 Receb sene [1]332 [6 Haziran 1914] / Fî 24 Mayıs sene [1]330

Bursa'da kâin Anarlı Dergâhı Vakfı vakfiye sûretinin aslından bi'l-ihrac tarafına i'tâsı hakkında mahallinden vukû' bulan mürâca'atından bir semere hâsıl olmadığından ifâdât ve sâireden bahs ile matlûb sûretin tarafına i'tâsı dergâh-ı mezkûr şeyhi tarafından takdîm olunup havâle buyurulan Mehmed imzâ ve mühürlü işbu arzuhâlde istirhâm kılınmış ve vakfiye sûretlerinin alâkadârâna i'tâsı usûl ve emsâli iktizâsından bulunmuş olduğundan işbu istid'ânâme mûndericâtından bahs ile icrâ-yı îcâbı zımında mahalline tebligât-ı lâzime ifâsı menûl-ı emr ü irâde-i aliyye-i Cenâb-ı Meşîhat-penâhîleri olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0141

Edirne'de Kâdirîhâne Dergâhı vakfiye suretinin Mustafa Bedreddin Efendi'ye verilmesi.

Fî 11 Receb sene [1]332 / Fî 23 Mayıs sene [1]330 / Hüsâm / Kırmızı 306 / 233 / Fî 11 S. sene [1]332 / Fî 26 Kânûn-ı evvel sene [1]329 / 241 / 45 / Fî 12 Receb sene [1]332 [6 Haziran 1914] / Fî 24 Mayıs sene [1]330

Edirne'de Kâdirîhâne Dergâhı hakkında mukaddemâ Mustafa Bedreddin Efendi tarafından i'tâ olunan arzuhâl üzerine cereyân eden muhâbereyi hâvî vilâyet-i müşârun-ileyhâ kâdılığından vürûd edip havâle buyurulan işbu arıza mûndericâtı dergâh-ı mezkûr vakfı vakfiyesinin lüzûm-ı ibrâzı için müsted'î Mustafa Efendi'ye tebligât icrâ kılındığını mutazammın ve şimdilik mu'ameleden müstağnî bulunmağla bu husûs hakkında bi'l-âhare iş'âr vukû'unda îcâbına bakılmak üzere işbu arızanın Evrâk İdâresi'nde hıfzı tensîb olunmuştur ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0142

Kumkapı'daki Muhsine Hatun Zaviyesi meşîhat kaydının Evkaf Nezâretinden istenmesi.

Fî 11 Receb sene [1]332 / Fî 23 Mayıs sene [1]330 / Hüsâm / İstid'â 5196 - 2905 - 3867 / 234 - 160 - 192 / Fî 28 Kânûn-ı evvel sene [1]329 / 44 / Fî 12 Receb sene [1]332 [6 Haziran 1914] / Fî 24 Mayıs sene [1]330

İşbu ve merbût iki kıt'a arzuhâlde mahkî Kumkapı'da kâin Muhsine Hatun Zâviyesi meşîhati hakkında tedâvül kaydının bi'l-ihrac Meclis-i âcizânemize isbâli zımında arzuhâllerin mazrûfen Evkâf-ı Hümâyûn Nezâret-i celîlesine irsâli tensîb edilmiş olmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0143

Kırşehir’de Şeyh Süleyman Velî Dergâhı meşihatının kendisine tevcihi gerekirken, vakfiye şartlarına aykırı olarak Ebubekir Efendi’ye tevcih edildiği yönünde Seyyid Mehmed Efendi’nin şikâyetinin tahkiki.

Fî 5 Receb sene [1]332 / Fî 17 Mayıs sene [1]330 / Hüsâm / Taşra 301 / 83 / Fî 13 Nisan sene [1]329 / - / 40 / Fî 8 Receb sene [1]332 [2 Haziran 1914] / Fî 20 Mayıs sene [1]330

Kırşehri’nde medfûn Şeyh Süleyman-ı Velî Dergâhının meşihat ciheti ber-mûceb-i vakfiyye batn-ı evveldeki evlâd-ı vâkıfa meşrûta olup kendisi de batn-ı evvelde bulunan evlâd-ı vâkıfıdan olduğu hâlde meşihat-i mezkûrenin batn-ı sâniideki evlâddan Ebubekir Efendi’ye tevcihine i’lâm sâdır olduğundan ve ifâdât-ı sâireden bahs ile ber-mûceb-i şart-ı vâkıf hukûkunun muhâfazası istid’asına dâir Seyyid Mehmed mührüyle mahtûmen verilen arzuhâl ile bu husûs hakkındaki diğer evrâkın leffiyile bu bâbda mahallince cereyân eden mu’âmelenin iş’arıyla beraber şart-ı vâkıfın tegayyür-i ahkâmına meydan verilmemesi husûsunun mahalline emr ü izbârı menût-ı emr ü irâde-i aliyye-i Meşihat-penâhîleri olmağın ol bâbda.

Mehmed Gülşen, Es’ad
Yazılmıştır Hüsâm

IST_MFT_MSH_DFT02_01737_0001_0144

Kırşehir’de bir çeşmenin suyuyla ilgili Süleyman Velî Vakfı mütevellisi ile ahali arasındaki münazaaya ait dilekçenin, Meclis-i Meşâyihle ilgisi bulunmadığından ilgili daireye havalesi.

Fî 5 Receb sene [1]332 / Fî 17 Mayıs sene [1]330 / - / Taşra 2172 / 301 / - / - / 39 / Fî 8 Receb sene [1]332 [2 Haziran 1914] / Fî 20 Mayıs sene [1]330

Bâlâdaki derkenârda Meclis-i âcizânemize havâle edildiği beyân olunan evrâk Kırşehri’ndeki Süleyman-ı Velî Dergâhı meşihatine dâir ve işbu arzuhâl ise Kırşehri’nde Süleyman-ı Velî Vakfı mütevellisi ile ahâlî beyninde bir çeşmenin suyu hakkında mütehaddis münâza’aya mütedâir olup sâlifü’l-arz meşihat hakkındaki evrâk üzerine lâzımü’l-ifâ mu’âmelenin Meclisce icrâsı tabî’î ve arzuhâlin Meclis-i âcizânemize adem-i ta’alluku bedîhî idiğinden arzuhâl-i mezkûrun dâire-i müte’allıkasına havâlesi menût-ı emr ü irâde-i aliyye-i Cenâb-ı Meşihat-penâhîleri olmağın ol bâbda.

Mehmed Gülşen, Es’ad

IST_MFT_MSH_DFT02_01737_0001_0145

Münhal bir dergâh bulunmadığından, Berzencizâde Abdülkâdir Nûri Efendi’nin tayin talebine icabet edilememesi.

Fî 23 R. sene [1]332 / Fî 8 Mart sene [1]330 / Hüsâm / İstid’â 4072 / 198 / Fî 18 Teşrîn-i sâni sene [1]329 / - / 41 / Fî 8 Receb sene [1]332 [2 Haziran 1914] / Fî 20 Mayıs sene [1]330

Berzencizâde Abdülkâdir Nûri imzâsıyla takdîm olunup havâle buyurulan işbu arzuhâlde münhal bir dergâh meşihatının uhdesine tevcihi istid’â olunmuş ise de şimdilik münhal dergâh olmadığı cihetle tervîc-i istid’âya imkân müsâ’id olmadığından mürâca’atında müsted’â-i mûmâ-ileyhe tefhîmiyle işbu arzuhâlin Evrâk İdâresi’nde hıfzı tezekkür kılındı ol bâbda.

Mehmed Gülşen, Es’ad
Yazılmıştır Hüsâm

IST_MFT_MSH_DFT02_01737_0001_0146

Üsküdar Balaban İskelesi'nde İsfendiyar Bey Dergâhı şeyhi Nûri Efendi'nin izin dilekçesinin Evrak İdaresine gönderilmesi.

Fî 8 Receb sene [1]332 / Fî 20 Mayıs sene [1]330 / Hüsâm / İstid'â 4907 - Kırmızı 1582 / 227 - 5 / Fî 14 Kânûn-ı sâni sene [1]329 / Fî 15 Şubat sene [1]329 / 42 / Fî 8 Receb sene [1]332 [2 Haziran 1914] / Fî 20 Mayıs sene [1]330

Hareminin rahatsızlığından dolayı hulefâ-yı Sa'diyye'den Hacı Ahmed Efendi'yi yerine bi't-tevkîl üç dört mâh kadar berâ-yı tebdîl-i havâ Kastamonu'ya azîmet ve avdet etmek üzere me'zûniyet i'tâsı Üsküdar'da Balaban İskelesi'nde kâin İsfendiyar Bey Dergâhı şeyhi Nûri Efendi tarafından geçen sene Kânûn-ı sâni'de takdîm olunup havâle buyurulan arzuhâlde istid'â olunmuş ise de müsted'inin me'zûniyet talebinde bulunduğu târihten şimdiye kadar aradan bir hayli zaman mürûr etmiş ve bu müddet zarfında kendisi bir gûne mürâca'atta bulunmamış olduğundan işbu merbût evrâkın Meclis'te tevkîfine mahal olmadığı cihetle Evrâk İdaresi'nde battâlâda hıfzı tensîb edilmiştir ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0147

Şûrâ-yı Devlet Tanzimat Dairesinden gelen mazbatanın ilgili deftere kaydedilerek Evrak İdaresine gönderilmesi.

Fî 7 Receb sene [1]332 / Fî 19 Mayıs sene [1]330 / Hüsâm / Kırmızı 18 / 7 / Fî 25 Rebî'ülâhîr sene [1]332 / Fî 10 Mart sene [1]330 / 1 / 43 / Fî 8 Receb sene [1]332 [2 Haziran 1914] / Fî 20 Mayıs sene [1]330

İşbu tezkire ve merbûtu Şûrâ-yı Devlet Tanzîmât Dâiresi'nin mazbatası sûreti lede'l-mütâlâ'a defter-i mahsûsuna kaydedilmiş olduğundan Evrâk İdaresi'nde hıfzı tezekkür kılındı ol bâbda.

Mehmed Gülşen, Es'adYazılmıştır Hüsâm

IST_MFT_MSH_DFT02_01737_0001_0148

Balat'ta Ferruh Kethüdâ Camii'nde Feyzullah Efendi Dergâhı şeyhi Abdülvahid Kemâleddin Efendi'nin vefatı üzerine, yerine oğlu Hüseyin Necmeddin Efendi'nin tayini.

Fî 8 Receb sene [1]332 / Fî 20 Mayıs sene [1]330 / Hüsâm / Hülâsa 69 / 21 / 1 / - / 3 / Fî 8 Receb sene [1]332 [2 Haziran 1914] / Fî 20 Mayıs sene [1]330

Balat'ta Ferruh Kethüdâ Camii'-i şerîfi derûnunda kâin Feyzullah Efendi Dergâhının meşîhat cihetine bâ-berât-ı âli mutasarrıf olan Şeyh Abdülvahid Kemâleddin Efendi'nin fî 18 Mart sene [1]330 târihinde vukû'-ı vefâtına mebnî münhal olan cihet-i mezkûrenin uhdesine tevcihi hakkında müteveffâ-yı mûmâ-ileyhin mahdûmu ve halîfesi Hüseyin Necmeddin Efendi tarafından vâkî' olan istid'â üzerine bu bâbda Şûrâ-yı Evkâf'tan muhavvel evrâk mundericâtına nazaran müteveffâ-yı mûmâ-ileyhin müsted'iden mâ'adâ evlâd-ı zükûru olmadığı anlaşılmış ve Tevcih-i Cihât Nizâmnâme-i Cedîdî'nin sekizinci ve otuzuncu ve otuz birinci maddeleri ahkâmına tevfiikan efendi-i mûmâ-ileyhin imtihanı heyet-i sâbıkada bi'l-icrâ isbât-ı ehliyyet

ve liyâkat ederek bu bâbdaki varaka-i imtihâniyye ale'l-usûl Meclis'te hıfzedilmiş ve müsted'î-i mûmâ-ileyhin me'mûriyet-i hâzırası olan Rûsûmât İdâresince tekâ'üdü icrâ olunmak üzere bulunduğ u da evrâk-ı merbût miyânındaki arzuhâle Rûsûmât Müdüriyyet-i Umûmiyyesinden muharrer derkenârda gösterilmiş olmağ la ol vechile müteveffâ-yı mûmâ-ileyh Şeyh Abdülva- hid Kemâleddin Efendi'den inhilâl eden meşihat-i mezkûrenin mahdûmu mûmâ-ileyh Hüseyin Necmeddin Efendi uhdesine bi't-tevcih yedine berât-ı âlî i'tâsı zımında takdîm kılınan işbu mazbata-i âcizânemize işâret-i aliyye-i Cenâb-ı Fetvâ-penâhi keşidesiyle Evkâf-ı Hümâyûn Nezâret-i celîlesine irsâli menût-ı re'y-i âlî-i Cenâb-ı Meşihat-penâhileridir ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0149

Meclis-i Meşâyih heyetinin isim, maaş ve doğum tarihi gibi bilgilerini gösteren yoklama cetveli.

- / - / - / - / - / - / - / - / - / Fî 5 Receb sene [1]332 [30 Mayıs 1914] / Fî 17 Mayıs sene [1]330

Müstahdem bulunan me'mûrîn-i şer'îyyenin yoklamasına mahsûs cedveldir

İsim ve şöhret	Ma'âşı	Zam	Tenzîl	Me'mûriyet	Kable't-tensîk târih-i vilâdet	Tercüme-i hâl i'tâ edip etmediği	Mülâhazât
Erbilî Şeyh Mehmed Es'ad Efendi	1000	-	-	Meclis-i Meşâ yih Reisi	1264	Derdest i'tâ idiği	-
Şeyh Mehmed Gülşen Efendi	600	-	-	Meclis-i Meşâyih a'zâsı	1282	Mukaddemâ Evkâf Hazînesi'nde bulunmuş ve tercüme-i hâl varakasını ol vakit i'tâ etmiş idiği	
Şeyh Abdülbaki Efendi	600	-	-	" "			El-yevm Medîne-i Münnevver'e'de idiği
Ali Hüsameddin Efendi	600	-	-	Meclis-i Meşâyih kâtibi	1296	Evvelce i'tâ edilmiştir	

IST_MFT_MSH_DFT02_01737_0001_0150

Fındıklı'da Keşfi Cafer Efendi Dergâhı postnişini Ahmed Şevki Efendi'nin kendi rızasıyla cihetini eniştesi Hafız Kâmil'e kasr-ı yed etmesi; fakat daha sonra bundan vaçgeçtiğini beyan etse de -muamele yapılmış olduğu için- mahkemeye müracaatta serbest olduğunun kendisine tefhimi.

Fî 1 Receb sene [1]332 / Fî 13 Mayıs sene [1]330 / Hüsâm / İstid'â 1450 / 87 / Fî 20 Mayıs sene [1]329 / - / 35 / Fî 5 Receb sene [1]332 [30 Mayıs 1914] / Fî 17 Mayıs sene [1]330

Ahmed Şevkî mührüyle takdîm olunup havâle buyurulan işbu arzuhâl mütâla'a kılındı.

Mündericâtı: Meşîhati uhdesinde bulunan Fındıklı'da Keşfi Ca'fer Efendi Dergâhı evvelce bi'r-rızâ eniştesi Hâfız Kâmil Efendi'ye kasr-ı yed edip şimdi nükûl eylemediğini beyândan ibâret olup hâlbuki mezkûr kasr-ı yed mu'âmelesi mukaddemâ usûlü dâiresinde cereyân ettiğinin ve hukûkuna âid mevâd için de mehâkime mürâca'at etmesi re'yinde muhtâr bulunduğunun mürâca'atında mûmâ-ileyhe tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0151

Vakfiyesi bulunmadığı beyan edilen zaviyenin, zaviyedarlık ciheti it'âm-ı taamdan mı ibarettir yoksa meşîhat ciheti var mıdır vs. durumunun açıklığa kavuşturulmasının Kuyûd-ı Kadime Müdüriyetinden istenmesi.

Fî 1 Receb sene [1]332 / Fî 13 Mayıs sene [1]330 / - / Hülâsa 108 / 36 / 30/1722 / Fî 4 Mayıs sene [1]330 / 1 / 34 / Fî [5] Receb sene [1]332 [30 Mayıs 1914] / Fî 17 Mayıs sene [1]330

Kuyûd-ı Kadime Kaleminin işbu müzekkiresinde vakf-ı mezbûrun müseccel vakfiyesi olmadığı beyân olunmasına nazaran mezbûr zâviyedârlık cihetinin meşîhati mutazammın olup olmadığı anlaşılamadığından zikrolunan zâviyedârlık ancak it'âm-ı ta'âmdan mı ibâret yoksa meşîhat makâmında olan zâviyedârlıktan mıdır buralarının kuyûd-ı kadime ve muhâsebe kalemlerince bi't-tedkik beyânı zımnında işbu müzekkirenin merbûtuyla birlikte mazrûfen Kuyûd-ı Kadime-i Vakfiye Müdüriyeti'ne havâle buyurulması bâbında.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0152

İzinden dönen Üsküdar'da Feyzullah Efendi Dergâhı şeyhi Selâhaddin Efendi'nin görevine başlaması.

Fî 4 Receb sene [1]332 / Fî 16 Mayıs sene [1]330 / Hüsâm / İstid'â 2018 / 12 / Fî 29 Haziran sene [1]329 / - / 36 / Fî 5 Receb sene [1]332 [30 Mayıs 1914] / Fî 17 Mayıs sene [1]330

Bazı umûr-ı zâtiyesinin tesviyesi zımnında bir ay müddet Karahisâr-ı Şarkî'ye azîmet edeceğinden bahisle müsâ'ade istirhâmını hâvî Üsküdar'da Feyzullah Efendi Dergâhı şeyhi Salahaddin Efendi tarafından bâ-istid'â vukû' bulan mürâca'at üzerine mûmâ-ileyh mahall-i mezkûra

azîmetle umûr-ı husûsiyesini bi't-tesviyye vazîfesi başına avdet eylediğinden işbu arzuhâlin Evrâk İdâresi'nde hıfzı tezekkür kılındı ol bâbda.

Es'ad

IST_MFT_MSH_DFT02_01737_0001_0153

Meclis-i Tedkikât-ı Şer'iyye'nin derkenarı gereğince Dahiliye Nezâretine tezkire yazılması.

Fî 1 Receb sene [1]332 / Fî 13 Mayıs sene [1]330 / Hüsâm / Kırmızı 36 / 24 - 77046 / 18 / Fî 10 Cemaziyelâhir sene [1]331 / Fî 4 Nisan sene [1]329 / 32 / Fî 1 Receb sene [1]332 [26 Mayıs 1914] / Fî 13 Mayıs sene [1]330

Meclis-i Tedkikât-ı Şer'iyye'nin bâlâdaki derkenarı mücebince Dâhiliye Nezâret-i celîlesine tezkire-i aliyye-i Cenâb-ı Fetvâ-penâhîlerinin şeref-tastîri menûr-ı re'y-i âlî olmağla ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0154

İçeriği dikkat çeken dilekçe hakkında mahallinden bilgi istenmesi.

Fî 1 Receb sene [1]332 / Fî 13 Mayıs sene [1]330 / - / İstid'â 109 / 15 / Fî 16 Mart sene [1]330 / - / 33 / Fî 1 Receb sene [1]332 [26 Mayıs 1914] / Fî 13 Mayıs sene [1]330

Mündericâtı şâyân-ı nazar-ı dikkat olan işbu istid'ânâmenin leffiyile keyfiyyetin mahallinden isti'lâmı tezekkür kılınmağın ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0155

Karacasu kazasındaki Uşşâkî Dergâhı postnişini Mustafa Nûri Efendi'nin vefatı üzerine, yerine teklifi yapılan oğlu Ahmed Tevfik Efendi'nin mahallinden imtihanının yapılarak evrakının gönderilmesi.

Fî 1 Receb sene [1]332 / Fî 13 Mayıs sene [1]330 / Hüsâm / Kırmızı 469 / 14 / 1 / - / 37 / Fî Receb sene [1]332 [Mayıs 1914] / Fî Mayıs sene [1]330

Karacasu kazasında vâkî' Uşşâkî Dergâhı postnişini Mustafa Nûri Efendi'nin vukû'-ı vefâtına mebnî münhal olan postnişinlik ve tevliyet cihetlerinin hizmetini ifâya iktidârı gösterilen mahdûmu Ahmed Tevfik Efendi'ye tevcihi fî 20 Muharrem sene [1]328 târihli Karacasu Niyâbet-i şer'iyyesinin i'lâmında beyân olunmuş ise de mûmâ-ileyh Ahmed Tevfik Efendi'nin tarîk-i mezkûrdan mücâz ve müstahlef olup olmadığı beyân olunmamış ve el-yevm mer'ıyyü'l-icrâ Tevcih-i Cihât Nizâmnâmesi'nin mâdde-i mahsûsaları ahkâmına tevfiikan imtihanı icrâ edildiğine dâir de evrâk-ı mezkûrede bir sarâhat görülememiş idiğinden işbu evrâkın leffiyile mûmâ-ileyhin tarîk-i mezkûrdan mücâz ve müstahlef olup olmadığı iş'arı ve nizâmnâme mücebince imtihanının bi'l-icrâ varaka-i imtihanîyenin tesyârı zımında kazâ-i mezkûr kâdılığına tahrîrât-ı aliyye-i Cenâb-ı Meşîhat-penâhîlerinin şeref-tastîr buyurulması bâbında.

Mehmed Gülşen, Es'ad

IST_MFT_MSH_DFT02_01737_0001_0156

İdlib'de Keyyâliyye Dergâhı şeyhi Mahmud Paşa'nın azledilerek yerine tayin edilen Keyyâlîzâde Muhyiddin Efendi'nin ilam harcından muaf tutulması talebinin uygun görülmemesi.

Fî 27 C. sene [1]332 / Fî 10 Mayıs sene [1]330 / Hüsâm / İstid'â 1146 / 28 / Fî 5 Mayıs sene [1]330 / - / 30 / Fî 27 C. sene [1]332 [23 Mayıs 1914] / Fî 10 Mayıs sene [1]330

Keyyâlîzâde Muhyiddin mührüyle takdîm olunup havâle buyurulan işbu ve bu husûsa dâir evvelce takdîm olunan diğer evrâk birleştirilerek mütâla'a kılındı.

Mündericâtı: İdlib'de kâin Keyyâliyye Dergâhı şeyhi Mahmud Paşa'nın adem-i iktidârı ve dergâh-ı mezkûr ta'âmiyesini mâ-vudî'a-lehine sarf etmeyerek nefesine hasr eylediği mahallince tebeyyün eylediğinden azliyle yerine kendisi intihâb olunmuş ise de mahallince istenilen i'lâm harcını fakr u zarûretinden dolayı veremeyeceğinden bahs ile harc-ı mezkûrun afvını istirhâm etmekte ise de mezkûr harcın nizâmen te'diyesi iktizâ eylediğinden ve müterâkim ta'âmiyelerin tesviyesi ise mahallince verilecek i'lâm üzerine nizâmı dâiresinde mu'âmele-i tevcihiyyenin icrâ ve ikmâlîne mütevakkıf bulunduğundan keyfiyyetin müsted'îye tefhîmiyle işbu istid'ânın ve merbût mu'âmeleli evrâkın takımıyla Evrâk İdâresi'nde hıfzı tezekkür kılındı ol bâbda.

Mehmed Gülşen, Es'adYazılmıştır Hüsâm

IST_MFT_MSH_DFT02_01737_0001_0157

Ürgüp kazasındaki Şeyh Turasan-ı Velî Zaviyesi'nin mutasarrıflarından vefat eden Emrullah ve Şeyh Safi efendilerin hisselerinin, vâkıf evladından zikrullâh edecek ve sûre-i Mülk'ü okuyabilecek münasip birisine tevcihi.

Fî 15 Ca. sene [1]332 / Fî 29 Mart sene [1]330 / Hüsâm / Hülâsa 3376 / 184 / - / - / 31 / Fî 1 Receb sene [1]332 [26 Mayıs 1914] / Fî 13 Mayıs sene [1]330

Ürgüp kazasında Şeyh Turasan Zâviyesinde Sultân Alâeddin zevcesi müteveffât Hunad Hatun Vakfından almak üzere şehri bir buçuk ve senevî iki akçe vazîfe ile ber-vech-i meşrûtiyet rub' sülüsden sülüs hisse tevliyet ve def'a şehri bir buçuk ve senevî iki akçe ile rub' sülüs tevliyet-i zâviye cihetiyle müşârun-ileyhâ zâviyesinde vâkıfe-i merhûme-i mûmâ-ileyhâ vakfından olmak üzere şehri on akçe vazîfe ile ber-vech-i meşrûtiyet sülüs hisse şeyh-i zâviye cihetine bâ-berât-ı âlî mutasarrıf iken vefât eden Emrullah Efendi ile müştereke evlâd-ı vâkıftan bilâ-veled vefât eden Şeyh Safi efendilerden münhal hissenin li-ebeveyn er karındaşları Mehmed Arif'e tevcihi ve vâkıfe-i mûmâ-ileyhânın vakfiyesinde Turasan-ı Velî evlâd ve evlâd-ı evlâd-ı evlâdının batnen ba'de batnin ve neslen ba'de neslin eslahına meşrûta ve te'âmül-i kadîm dahi o sûretle câri olduğu beyânıyla müteveffâ-yı mûmâ-ileyh[imâ] Şeyh Safi ve Emrullah efendilerden münhal olan hisselerin biraderi mûmâ-ileyh Mehmed Arif Efendi'ye tevcihi İncesu Kazası Niyâbet-i şer'iyyesinin fî 25 Cumâdelûlâ sene [1]329 târîhli Kayseriye Mutasarrıflığı'nın mazbatasında beyân edilmiş ise de ahîren cereyân eden muhâbere üzerine mûmâ-ileyh zikrullâh ve sûre-i mülk kırâetine muktedir olmadığı rehş-ı ifâdeden anlaşılmışla ve husûsuyla şart-ı vâkıf dahi mezkûr cihetlerin evlâddan eslahına i'tâsı merkezinde dâir bulunmuşla şu hâlde işbu hisse-i mahlûlenin hissedârlardan zikrullâh edecek ve sûre-i mülk okuyacak eslah birisinin hissesine zammı ile

keyfiyyetin bâ-i'lâm iş'arı zımında işbu evrâkın takımıyla mazrûfen kazâ-i mezkûr kâdılığına irsâl buyurulması tezekkür kılındı ol bâbda.

Mehmed Gülşen, Es'ad

Yazılmıştır Hüsâm

IST_MFT_MSH_DFT02_01737_0001_0158

Arzuhal ve ilmühaberde bahsedilen hususların doğruluğu, yapılan tahkikattan anlaşıldığı için durumun Evkaf Nezâretine bildirilmesi.

Fî 22 C. sene [1]332 / Fî 5 Mayıs sene [1]330 / Hüsâm / İstid'â 1005 / 20 / Fî 17 Nisan sene [1]330 / - / 29 / Fî 23 C. sene [1]332 [19 Mayıs 1914] / Fî 6 Mayıs sene [1]330

Merkezden edilen tahkîkât neticesinde arzuhâl ve merbûtu ilmühaber mündericâtı mukârin-i hakikat olduğu anlaşıldığından mazrûfen Evkâf-ı Hümâyûn Nezâret-i celîlesine irsâl buyurulması tezekkür kılındı ol bâbda.

Es-Seyyid Mehmed es-Sükûtî, Elif

IST_MFT_MSH_DFT02_01737_0001_0159

Balat'ta Ferruh Kethüdâ Dergâhı şeyhi Kemâl Efendi'nin vefatı üzerine; yerine oğlu Necmeddin Efendi'nin tayini sebebiyle, dergâhın tayinat ve muhassasatının kendisine verilmesi.

- / - / - / - / - / - / 15 / Fî 17 Receb sene [1]332 [11 Haziran 1914] / Fî 5 Mayıs sene [1]330

Balat'ta Ferruh Kethüdâ Dergâh-ı şerîfî postnişini pederi Şeyh Kemâl Efendi'nin vukû'-ı vefâtına mebnî münhal olan meşihat cihetinin mahdûmu Necmeddin Efendi'ye mu'âmele-i tevcihiyesi derdest olup dergâh-ı mezkûr el-yevm küşâde ve derûnunda mûmâ-ileyh Necmeddin Efendi tarafından ifâ-yı vazife ve it'âm-ı fukarâ edilmekte olduğundan mu'ayyenât ve muhassasatının verilmesi zımında işbu ilmühaber i'tâ kılındı.

Es'ad

IST_MFT_MSH_DFT02_01737_0001_0160

Kudret Bey'in tayinini talep ettiği Küçük Ayasofya Camii'ndeki Celvetî Dergâhı meşihatının, Rodos eski ceza reisi Abdurrahman Cemil Efendi'nin uhdesinde olması sebebiyle verilememesi.

Fî 15 C. sene [1]332 / Fî 28 Nisan sene [1]330 / Hüsâm / Kırmızı 18 / 19 / Fî 27 Ca. sene [1]332 / Fî 10 Nisan sene [1]330 / - / 28 / Fî 16 Cemâziyelâhir sene [1]332 [12 Mayıs 1914] / Fî 29 Nisan sene [1]330

Küçük Ayasofya Câmî'i derûnunda kâin Celvetî Dergâhı meşihat cihetinin uhdesine tevcihi hakkındaki mu'âmelenin ikmâli kuvve-i karîbeye gelmiş olduğundan ve sâireden bahisle Kudret Bey tarafından bâ-arzuhâl vukû' bulan mürâca'at üzerine o husûsta cereyân eden mu'âmelenin ber-tafsîl iş'arına dâir şûrâ-yı Devlet Tanzîmât dâiresi kararıyla fî 27 Cumâdelûlâ sene [1]332 fî 10 Nisan sene [1]330 târih ve dört numaralı şûrâ-yı müşârun-ileyhâ riyâset-i aliyyesinin işbu tezkiresi mütâlâ'a kılındı.

Keyfiyyet lede'l-müzâkere dergâh-ı mezkûr el-yevm bâ-berât-ı âli Rodos Cezâ reîs-i esbakı Abdurrahman Cemil Efendi uhdesinde bulunup fakat mûmâ-ileyh târih-i tevcîhten şimdîye kadar taşra me'mûriyetlerinde imrâr-ı evkât ederek dergâhı vekâlet sûretiyle idâre eylemiş ve ahîren vekîl Mehmed Halid Efendi de vekâleti terk ederek hizmeti mu'attal kaldığından muhassasâtı Evkâf-ı Hümâyûn Nezâretince kat' edilmiş ve mûmâ-ileyh Kudret Bey fî 27 Mart sene [1]330 târihli istid'âsı ise dergâh-ı mezkûr meşîhatinin uhdesine tevcîhini talebden ibâret bulunarak Şeyh Cemil Efendi uhdesinden ref'ine dâir henüz bir mu'âmele cereyân etmediği için cihet-i mezkûreye münhal nazarıyla bakılmadığından cihet-i mezkûrenin âhara tevcîhine dâir bir karar ittihâz edilmemiş ve mîr-i mûmâ-ileyhin istid'âsı mevki'-i mu'âmeleye konulmadığı gibi kendisine tevcîh edilmesi husûsu da müzâkere olunmamış olması nizâmname-i cedîdin me'mûrine tekke tevcîhine mâni' bulunmasından ve müsted'inin Şûrâ-yı Devlet'in fî 24 Rebî'ülâhîr sene [1]332 fî 9 Mart sene [1]330 târihli karar-ı ahîri mücebine hakkında mu'âmele edilmesi talebi karar-ı mezkûrla alâkadâr olmayıp bir hakk-ı mükteseb görülememiş olmağla berâ-yı ıttılâ' işbu evrâkın takımıyla mazrûfen şûrâ-yı müşârun-ileyhâya irsâl buyurulması menût-ı re'y-i âlîdir ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0161

İbrâhim Fahreddin Efendi tarafından verilen arzuhal ve ilmühaberde bahsedilen hususun doğru olup olmadığının Hazret-i Nasûhî Dergâhı postnişinliğince tahkiki.

Fî 11 Cemâziyelâhîr sene [1]332 / Fî 24 Nisan sene [1]330 / Hüsâm / İstid'â 1005 / 25 / Fî 17 Nisan sene [1]330 / - / 29 / Fî 13 Cemâziyelâhîr sene [1]332 [9 Mayıs 1914] / Fî 26 Nisan sene [1]330

Üsküdar'da Hazret-i Nasûhî Dergâhı Postnişinliğine

İbrâhîm Fahreddin mührüyle takdîm olunup havâle buyurulan işbu arzuhâl ve merbûtu ilmühaber mütâlâ'a kılındı.

Mündericâtı: İstid'â ve ilmühaberde mezkûr fıkârât mukârin-i sıhhat olup olmadığının bi't-tahkîk netîce-i tahkîkâtın arzuhâl-i mezkûre derkenâr buyurularak bi't-temhîr Meclis-i dâ'iyânemize i'âde buyurulması niyâz olunur efendim hazretleri.

Sâdık, es-Seyyid Mehmed es-Sükûtî, Elif

IST_MFT_MSH_DFT02_01737_0001_0162

Mehmed Sâlih Efendi'den boşalan Eyüp'te Mihrişâh Sultan Türbesi hatm-i hâcegân ciheti deruhte kayıtlarının Evkaf Nezâretinden istenmesi.

Fî 22 Rebilâhîr sene [1]333 / Fî 24 Şubat sene [1]330 / - / 141 / 120 / - / - / - / Fî 22 Rebilâhîr sene [1]333 [9 Mart 1915] / Fî 24 Şubat sene [1]330

Evkâf-ı Hümâyûn Nezâret-i celîlesinin merbût 19 Şubat sene [1]330 târih ve 79009/127 numaralı tezkire-i aliyyesinde Mehmed Sâlih Efendi'den mahlûliyeti beyân olunan merhûme Mihrişâh Sultân hazretlerinin Eyüb'deki türbe-i şerîflerinde hatm-i hâcegân ciheti hakkında

ba'dehû mu'âmele-i lâzime îfâ olunmak üzere evvelemirde cihet-i mezkûre der'uhde kaydının inbâsı lüzûmunun cevâben nezâret-i müşârun-ileyhâya iş'ârı menût-ı emr ü irâde-i aliyye-i hazret-i Meşîhat-penâhîleri olmağın ol bâbda emr ü fermân hazret-i veliyyü'l-emrindir.

Fî 24 Şubat sene [1]330

Mehmed Gülşen, Es'ad

IST_MFT_MSH_DFT02_01737_0001_0163

Üsküdar Acıbadem Dergâhı şeyhi Mâcid Efendi'nin askerden dönünceye kadar meşihate Hazret-i Fenâî Dergâhı şeyhi İhsan Efendi'nin vekâlet etmesi sebebiyle, dergâh muayyenatının onun mührüyle verilmesi.

Fî 22 Rebilâhir sene [1]333 / Fî 24 Şubat sene [1]330 / - / - / - / - / Fî 22 Rebiülâhir sene [1]333 [9 Mart 1915] / Fî 24 Şubat sene [1]330

Üsküdar'da kâin Acıbadem Dergâh-ı şerîfî şeyhi Macid Efendi seferberlik mülâbesesiyle taht-ı silâha alınmasına binâen avdetine kadar icrâ-yı vekâlet etmek üzere Hazret-i Fenâî Dergâh-ı şerîfî şeyhi İhsan Efendi ta'yîn edilmiş olmağla mûmâ-ileyh Macid Efendi'nin avdetine değin dergâh-ı mezkûr muhassasât ve mu'ayyenatının mûmâ-ileyh Şeyh İhsan Efendi'nin bâlâya mahtûm mührüyle itâsı zımında işbu müzekkire Evkâf-ı Hümayûn Tahsîsât-ı Hayriyye Kalemine tevdi' kılındı.

Fî 22 Rebî'ülâhir sene [1]333 ve fî 24 Şubat sene [1]330

Mehmed Gülşen, Es'ad

IST_MFT_MSH_DFT02_01737_0001_0164

Yapılan tahkikatta Silivrikapı'da Bâlî Dergâhı şeyhi müteveffa Şumnulu Hacı Ali Efendi b. Abdullah Efendi'nin, Muhyiddin adında bir oğlunun bulunmadığının anlaşılması.

Fî 8 C. sene [1]332 / Fî 21 Nisan sene [1]330 / - / Kırmızı 2 / 3 / Fî 17 R. sene [1]332 / Fî 2 Mart sene [1]330 / - / 27 / Fî 9 Cemâziyelhâhir sene [1]332 [5 Mayıs 1914] / Fî 22 Nisan sene [1]330

Evkâf-ı Hümayûn Mahkemesi Kâdılığı'ndan bi'l-vürûd havâle buyurulan 3 numaralı ve fî 17 Rebî'ülâhir sene [1]332 târihli işbu tezkirenin meâli Silivrikapısı'nda vâki' Bâlî Dergâhının şeyh-i sâbıkı Hacı Ali Efendi'nin vefâtında kaç oğlu bulunduğuna ve Muhyiddin Efendi nâmında oğlu olup olmadığına dâir Meclis-i Meşâyihce olan ma'lûmât ve ol bâbdaki istitlâ'âtın beyânıyla dergâh-ı mezkûr meşihatının Mehmed Sadeddin Efendi'ye tevcihi hakkındaki 1298 târihli mazbatanın müstenidün-ileyhi ne idiginin iş'ârını talebdan ibâret olup keyfiyyet lede't-tezekkür mazbata-i mezkûrenin müstenidün-ileyhi târih-i mezkûrda bulunan hey'et-i kirâma kanâ'at-i vicdâniyye bahş eden tahkîkât-ı resmîye olduğu tabî'î bulunmakla beraber ma'lûmât ve istitlâ'âtımız da o merkezde olup ve bu kere berâ-yı tahkîkât dergâh-ı mezkûra i'zâm kılınan Meclis-i dâ'iyanemiz a'zâsından faziletlü Seyyid Mehmed Sükûtî Efendi'nin merbût takdîm kılınan varaka-i tahkîkiyyesi mücebince Şeyh Ali Efendi'ye mu'âsır bazı ehl-i hibreden edilen tahkîkâtta da kassâm defteriyle evrâk-ı sâire mûndericâtı vechile Bâlî Dergâhı şeyhi müteveffâ Şumnulu Hacı Ali Efendi bin Abdullah Efendi'nin Mehmed Sadeddin ve Ahmed Nureddin ve

Mustafa Şemseddin ve Ömer Fahreddin ve müteveffâ İbrâhîm Celaleddin efendilerden mâ'adâ Muhyiddin Efendi nâmında diğer bir oğlu olduğu tebeyyün etmemiş olmağın ol bâbda emr ü fermân hazret-i men lehü'l-emr efendimiz hazretlerininindir.

Sâdık, es-Seyyid Mehmed es-Sükûtî, Elif

IST_MFT_MSH_DFT02_01737_0001_0165

Çarşamba'da Cebeci Mahallesi'nde Hâlidî Dergâhı şeyhi İsmet Efendi'nin vefatıyla, yerine oğlu Mehmed Sıddık'ın tayin edildiğini gösterir mazbatanın Sıddık Efendi'ye verilmesi.

Fî 9 C. sene [1]332 / Fî 22 Nisan sene [1]330 / Hüsâm / İstid'â 780 / 23 / Fî 10 Nisan sene [1]330 / - / 26 / Fî 9 C. sene [1]332 [5 Mayıs 1914] / Fî 22 Nisan sene [1]330

Pederi İsmet Efendi'den inhilâl eden Çarşamba'da Cebeci Mahallesi'nde kâin Hâlidî Dergâhı meşîhatinin uhdesine tevcihi hakkında mukaddemâ Meclis-i Meşâyih'ten tanzîm olunan mazbata sûretinin tarafına i'tâsı istirhâmını hâvî Mehmed Sıddık mührüyle takdîm olunup havâle buyurulan işbu arzuhâl üzerine bu kere matlûb sûret ihrâc kılınmış olduğundan müsted'î-i mûmâ-ileyhe i'tâ buyurulması bâbında emr ü fermân hazret-i veliyyü'l-emrindir.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0166

Bursa'da Ramazan Baba Zaviyesi'nin zaviyedar ve mütevellisi Şeyh Mehmed Sâbit Efendi'nin vefatıyla, yerine Mustafa Ferid Efendi'nin tayini.

Fî 16 Muharrem sene [1]332 / Fî 2 Kânûn-ı evvel sene [1]329 / Hüsâm / Hülâsa 617 / 202 / Kırmızı 719 / 1 / 2 / Fî 6 Cemâziyelâhir sene [1]332 [2 Mayıs 1914] / Fî 19 Nisan sene [1]330

Bursa'da vâki' Ramazan Baba Zâviyesi Vakfının bâ-berât-ı âlî tevliyet ve zâviyedârlık cihetine mutasarrıf olan Şeyh Sabit Efendi üç nefer evlâdını terkle vukû'-ı vefâtına ve mûmâ-ileyhimden Sâlih'in hizmet-i askeriyyede bulunmasına ve Abdurrahman ve Mehmed'in adem-i ehliyyetlerine ve ciheteyn-i mezkûreteynin evlâdiyye olmadığı icrâ kılınan mürâfâ'a-i şer'iyye ile tebeyyün eylemesine mebnî mûmâ-ileyh Sabit Efendi'den inhilâl eden tevliyet ve meşîhat cihetlerinin hizmet-i lâzimesini ifâya muktedir tarikat-i aliyye-i Nakşibendiyye'den mücâz ve mesbûku'l-imtihân ve hüsn-i hâl ve sûret ashâbından Mustafa Ferid Efendi'ye tevcihi Hüdâvendigâr Vilâyeti Merkez Niyâbet-i şer'iyyesinin fî 23 Rebî'ülâhir sene [1]331 târihli i'lâmıyla vilâyet-i müşârun-ileyhâ Meclis-i idâresinin fî 1 Nisan sene [1]329 târih, 1368/40 husûsî numaralı mazbatasında beyân ve ifâde olunmuş ve Evkâf-ı Hümâyûn Kuyûd-ı Kadîme-i Vakfiyye Müdiriyyeti'nin evrâk miyânına merbût müzekkiresinde zâviye-i mezkûrenin meşîhat ve tevliyeti fî 2 Muharrem sene [1]314 târihinde Şeyh Mehmed Sabit Efendi'ye tevcih olunduğunu mübeyyin berât-ı âlî ısdâr kılındığı ve mukayyed vakfiyesinde dahi vâkıf Ramazan Baba hayatta oldukça mütevellî ve şeyh olup ba'de vefâtihî mûmâ-ileyhin dervişlerinden mücâz halîfe her kim ise mütevellî ola ve âyende ve revendeye alâ kadri'l-imbân ri'âyet edip mümkün olduğu mikdar sofrâ çekip it'âm edeler ve hulefânın inkırâzında Hazret-i Emir Dergâhında her kim şeyh olur ise hasbî mütevellî ve halîfe olup şûrût-ı mezkûre üzere mutasarrıf olması mastûr ise de hulefâ münkarız olmağın ber-müceb-i vakfiyye cereyân eden muhâbere neticesinde Hazret-i Emir Dergâhı şeyhi Râgıb

Efendi Meclis-i şer' de Ramazan Baba Dergâhı meşihatine postnişini bulunduğu dergâhta şeyh olanlara meşrûta ise de kabûlden istinkâf eylediği vilâyet-i müşârun-ileyhâ merkez kâdılığının i'âm-ı şer'îsi zahrına tahşiye edilmiş ve tekrar müteveffâ-yı mûmâ-ileyhin askerde bulunan oğlu Sâlih'in hizmet-i mezkûreleri ifâya kifâyeti olup olmadığı hakkında cereyân-ı muhâbere neticesinde mûmâ-ileyhin dahi diğer biraderleri gibi adem-i iktidârı ol bâbda vürûd eden evrâk-ı resmiye ile tebeyyün eylemesine ve mu'âmele-i câriye ise Tevcîh-i Cihât Nizâmnâmesi'nin mer'iyetinden mukaddem olup karâr-ı ahîr mücebince muvâfık-ı usûl ve nizâm bulunmasına mebnî iş'âr-ı mahallî vechile ciheteyn-i mezkûreteynin müteveffâ-yı mûmâ-ileyh Şeyh Mehmed Sabit Efendi mahlûlünden mûmâ-ileyh Mustafa Ferid Efendi uhdesine tevcih edilip yedine berât-ı âlî i'tâsı zımnında takdîm kılınan işbu mazbata-i dâ'iyânemize işâret-i aliyye-i Meşihat-penâhî keşîdesiyle Evkâf-ı Hümâyûn Nezâret-i celîlesinin irsâl buyurulması menût-ı re'y-i âlî-i Cenâb-ı Fetvâ-penâhîleridir ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0167

Merzifon'da Pîrî Baba Dergâhı'nın vakfiye ve diğer kayıtlarının Evkaf Nezâretinden istenmesi.

Fî 6 C. sene [1]332 / Fî 19 Nisan sene [1]330 / Hüsâm / Taşra 237 / 17 / Fî 2 Nisan sene [1]330 / - / 26 / Fî 23 Cemâziyelâhir sene [1]332 [19 Mayıs 1914] / Fî 26 Nisan sene [1]330

Merzifon'da kâin Pîrî Baba Dergâhı şeyhi müteveffâ Hacı Hamza Efendi'nin mahdûmu tarafından dergâh-ı mezkûr hakkında bazı ifâdâtı ve hukûkunun muhafâzası istihâmını havî Mehmed Sâdık mührüyle bi't-takdîm havâle buyurulan işbu arzuhâl mütâla'a kılındı.

Ba'dehû icâbı teemmül olunmak üzere evveleminde dergâh-ı mezkûrun vakfiyesiyle kuyûd-ı sâiresinin bi'l-ihrac Meclis'e isbâli zımnında işbu arzuhâlin mazrûfen Evkâf-ı Hümâyûn Nezâret-i celîlesi Kuyûd-ı Kadîme-i Vakfiyye Müdiriyyeti'ne irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0168

Okmeydanı Sinanpaşa Mahallesi'nde Hamdi Efendi Zaviyesi'nin tedavül kayıtlarının Evkaf Nezâretinden istenmesi.

Fî 2 C. sene [1]332 / Fî 15 Nisan sene [1]330 / Hüsâm / Müzekkire 1432 / 11 / 1 / - / 24 / Fî 2 Cemâziyelâhir sene [1]332 [28 Nisan 1914] / Fî 15 Nisan sene [1]330

Okmeydanı'nda Sinanpaşa Mahallesi'nde kâin Hamdi Efendi Zâviyesi hakkında cereyân eden muhâbere üzerine Dîvân-ı Hümâyûndan muhrec kayıd müfâdınca dergâh-ı mezkûr tedavül kaydının bi'l-ihrac Meclis'e isbâli zımnında işbu evrâkın mazrûfen Evkâf-ı Hümâyûn Kuyûd-ı Kadîme-i Vakfiyye Müdiriyyeti'ne irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0169

Şifâhen maruzatta bulunmak üzere Kırşehir’de Hacı Bektâş-ı Velî Dergâhı şeyh vekili Şâkir Efendi’nin Dersaadet’e gelmek için izin talebi.

Fî 2 C. sene [1]332 / Fî 15 Nisan sene [1]330 / Hüsâm / Telgraf 222 / 20 / - / - / 25 / Fî 2 Cemâziyelâhir sene [1]332 [28 Nisan 1914] / Fî 15 Nisan sene [1]330

Meclis-i dâ’iyânemizde dergâh hakkında şifâhen ma’rûzâtta bulunacağından bahisle Kırşehirî Mutasarrıflığı’ndan telgrafla Dersaadet’e celbi istirhâmını havî Hacı Bektâş-ı Velî Dergâhı şeyh vekili Şâkir imzâsıyla Ürgüb merkezinden keşide olunup havâle buyurulan işbu telgrafnâme lede’l-mütâla’a mûmâ-ileyh ifâdesini tahrîran beyân edebileceği gibi gelmesinde de bir mâni’ olmadığı cihetle Meclis-i dâ’iyânemizce resmen celbine mahal görülmemiştir ma’a-hâzâ keyfiyet menût-ı re’y-i âlî-i Cenâb-ı Fetvâ-penâhileri bulunmuş olmağın ol bâbda.

Sâdık, es-Seyyid Mehmed es-Sükûtî

Yazılmıştır Hüsâm

IST_MFT_MSH_DFT02_01737_0001_0170

Şehremini’nde Nazmî Efendi Dergâhı şeyh vekili İsmâil Nâil Efendi’nin, dergâhın muayyenatının kendi mührüyle verilmesi talebine dair arzuhalinin Evrak İdaresinde hıfzı.

Fî 29 Ca. sene [1]332 / Fî 12 Nisan sene [1]330 / Hüsâm / İstid’â 3941 / 194 / Fî 9 Teşrîn-i sâni sene [1]329 / - / 22 / Fî 29 Ca. sene [1]332 [25 Nisan 1914] / Fî 12 Nisan sene [1]330

İsmâil Nail mührüyle takdîm olunup havâle buyurulan işbu arzuhâl mütâla’a kılındı.

Mündericâtı: Şehremini’nde vâki’ Nazmî Efendi Dergâhı şeyh vekili olup dergâh-ı mezkûr mu’ayyenatının kendi mührüyle alınmasını istirhâmdan ibâret olup müsted’î ta’kib etmediğinden işbu arzuhâlin Evrâk İdaresi’nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0171

Burdur’un Yarı köyündeki Efendioğlu Hüseyin Dede Zaviyesi’nin zaviyedarı Yusuf Rüşdü Efendi’nin vefatı üzerine, cihetin müstakillen oğlu Hasib Efendi’ye tevcihi talep edilmişse de diğer hisse sahibi Abdullah’ın hayatta olup olmadığının mufassalan bildirilmesinin mahalline iş’arı.

Fî 18 Ca. sene [1]332 / Fî 1 Nisan sene [1]330 / Hüsâm / Hülâsa 1161 / 172 / 1 / - / 20 / Fî 29 Ca. sene [1]332 [25 Nisan 1914] / Fî 12 Nisan sene [1]330

Konya vilâyetinde Burdur Mutasarrıflığı mülhakâtından Yarı karyesinde vâki’ Efendioğlu Hüseyin Dede Zâviyesinin zâviyedârlık cihetine bâ-berât-ı âlî mutasarrıf olan Yusuf Rüşdü Efendi kebîr oğulları Hasib ve askerî mülâzımlarından Mehmed efendileri terkle vukû’-ı vefâtına ve mûmâ-ileyh Mehmed Efendi’nin cihet-i mezkûreye tâlib bulunmadığına dâir imzâsıyla sened vermesine mebnî cihet-i mezkûrenin vazîfesini ifâya muktedir bulunan Hasib Efendi uhdesine müstakillen tevcihi Burdur Niyâbet-i şer’iyyesinin fî 28 Cumâdelûlâ sene [1]328 târihli i’lâmıyla

livâ-i mezkûr Meclis-i idâresinin mazbatasında beyân ve ifâde olunmuş ve Kuyûd-ı Kadîme-i Vakfiyye Müdiriyyeti'nin derkenârında da zâviye-i mezkûrenin bilâ-vazîfe zâviyedârlık ciheti Seyyid Mehmed Efendi niyâbetiyle fî 26 Muharrem sene [1]270 târihinde mürâhik Seyyid Yusuf Rüşdü ve sagîr Abdullah efendilere işâret-i aliyye-i Fetvâ-penâhî ile tevcih olunduğunu mübeyyin fî 17 Zilhicce sene [1]277 târihinde berât-ı âlî i'tâ kılındığı gösterilmiş ise de sagîr-i mûmâ-ileyh Abdullah'ın hayat ve memâtından ve hissesinden bahs edilmemiş olduğundan mu-fassalan beyânı zımnında işbu evrâkın mazrûfen mahall-i mezkûr kâdılığına irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0172

Eyüp Bostan İskelesi'nde Hüsrev Paşa Dergâhı şeyhi Osman Fevzî Efendi'nin izinden dönerek görevine başlaması.

Fî 29 Ca. sene [1]332 / Fî 12 Nisan sene [1]330 / Hüsâm / Taşra 2330 / 1 / Fî 5 Kânûn-ı sâni sene [1]329 / - / 19 / Fî 29 Ca. sene [1]332 [25 Nisan 1914] / Fî 12 Nisan sene [1]330

Osman Fevzî mührüyle takdîm olunup havâle buyurulan işbu arzuhâl mütâlâ'a kılındı.

Mündericâtı: civâr-ı Hazret-i Hâlid'de Bostan İskelesi'nde Hüsrev Paşa Dergâhı şeyhi olup usûlen yerine vekîl ta'yîn ile me'zûnen memleketi cânibine gitmiş ve bu kere avdet ederek ifâ-yı vazîfe etmekte bulunduğunu beyândan ibâret olduğundan işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

IST_MFT_MSH_DFT02_01737_0001_0173

Selânik'in Yenice-i Vardar kazasındaki Ataullah Efendi Dergâhı meşihatıyla ilgili arzuhal ve diğer evrakların Selânik Müftülüğüne gönderilmesi.

Fî 29 Ca. sene [1]332 / Fî 12 Nisan sene [1]330 / Hüsâm / İstid'â 4797 / 16 / 1 / - / 23 / Fî 29 Ca. sene [1]332 [25 Nisan 1914] / Fî 12 Nisan sene [1]330

Selânik'te Yenice-i Vardar'da kâin tarikat-i aliyye-i Kâdiriyye'den Ataullah Efendi Dergâhı meşihat cihetindeki hukûkunun vikâyesi istirhâmını hâvî Mustafa imzâlı verilen arzuhâl üzerine cereyân eden muhâbere neticesinde istilâ gören mahallerdeki evkâf ve cihât hakkında mahallî müftüleri vâsıtasıyla muhâbere olunması iktizâ eylediği makâm-ı âlî-i Cenâb-ı Meşihat-penâhî işâret-i aliyyesinden anlaşıldığına binâen işbu evrâkın Selânik Müftülüğü'ne irsâl buyurulması bâbında emr ü fermân hazret-i men lehü'l-emrindir.

Sâdık, es-Seyyid Mehmed es-Sükûtî, ElifYazılmıştır Hüsâm

IST_MFT_MSH_DFT02_01737_0001_0174

Altımermer Seyyitömer Mahallesi'nde Mustafa Paşa Vakfından almak üzere, arsa halinde olan zaviye meşihatine tayinini talep eden Ali Rıza Zühdü'nün arzuhalinin Evrak İdaresine gönderilmesi.

Fî 29 Ca. sene [1]332 / Fî 12 Nisan sene [1]330 / Hüsâm / İstid'â 3017 / 165 / Fî 19 Temmuz sene [1]328 / - / 21 / Fî 29 Ca. sene [1]332 [25 Nisan 1914] / Fî 12 Nisan sene [1]330

Ali Rıza Zühdü imzâsıyla takdîm olunup havâle buyurulan işbu arzuhâl mütâla'a kılındı.

Mündericâtı: Altımermer'de Seyyidömer Mahallesi'nde Mustafa Paşa Vakfından almak üzere münhal ve arsa hâlinde bulunan zâviyenin uhdesine tevcihini istihâmından ibâret olup mukaddemâ vukû' bulan mürâca'at üzerine dergâh-ı mezkûr arsası mahallinin henüz ta'ayyün etmediğinden mürâca'atına kadar işbu arzuhalin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0175

Üsküdar Kısıklı'da Hazret-i Selâmî Dergâhı postnişini Ali Rıza Efendi'nin vefatı üzerine, hissesinin diğer hisse sahibi biraderi Mehmed Nûri Efendi'ye tevcih edilerek meşihate müstakillen tayini.

Fî 25 Ca. sene [1]332 / Fî 8 Nisan sene [1]330 / Hüsâm / Kırmızı 206 / 12 / 2 / - / 1 / Fî 25 Cemâziyelevvel sene [1]332 [25 Nisan 1914] / Fî 8 Nisan sene [1]330

Üsküdar'da Kısıklı'da kâin Hazret-i Selâmî Dergâh-ı şerîfi postnişini olup bu kere vefât eden biraderi Ali Rıza Efendi'den münhal kalan nisf hisse meşihat cihetinin uhdesindeki nisf hissesine ilhâken tevcihi Mehmed Nûri Efendi tarafından bâ-istid'â taleb olunması üzerine kuyûd-ı kadîmeden ihrâc olunan der'uhde kaydında mezkûr nisf hisse müstakillen tevcih olunmayıp henüz müteveffâ biraderi Ali Rıza Efendi niyâbetiyle mûmâ-ileyh Mehmed Nûri Efendi uhdesinde olduğu tebeyyün etmiş ve binâen-aleyh cihet-i mezkûre tamâmen mahlûl addolunarak Tevcih-i Cihât Nizâmnâme-i Cedîdî'nin otuzuncu ve otuz birinci maddeleri ahkâmına tevfikân imtihânı bi'l-icrâ hizmet-i mezkûreyi ifâya ehliyet ve liyâkati Meclis'te hıfzedilen musaddak varaka-i imtihâniyyesinden müstebân olmağla ol vechile müteveffâ-yı mûmâ-ileyh Ali Rıza Efendi'den mahlûl nisf hissenin niyâbet sûretiyle uhdesindeki nisf hisseye bi'l-ilhâk tamâmen ve müstakillen mûmâ-ileyh Şeyh Mehmed Nûri Efendi uhdesine tevcih olunarak yedine berât-ı âlî i'tâsı zımında takdîm kılınan işbu mazbata-i dâ'iyânemize işâret-i aliyye-i Cenâb-ı Fetvâ-penâhî keşidesiyle Evkâf-ı Hümayûn Nezâret-i celîlesine irsâl buyurulması menût-ı re'y-i âlî-i hazret-i Meşihat-penâhileridir ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0176

Aksaray Horhor'daki Hindîler Dergâhı şeyhi Aziz Efendi'nin meşihatten azledilmesi ve ailesine dergâhın muhassasatından münasip bir miktar verilmesinin yeni şeyhe tenbih edilmesi.

Fî 5 Rebî'ülâhîr sene [1]333 / Fî 7 Şubat sene [1]330 / - / - / - / - / Fî 5 Rebî'ülâhîr sene [1]333 [20 Şubat 1915] / Fî 7 Şubat sene [1]330

Aksaray'da Horhor'da kâin Hindîler şeyhi Aziz Efendi tarafından i'tâ olunan varakada dört mahdûmu silah altında olduğu hâlde kendisi de bu kere sevk edilmekte bulunduğundan avdetine kadar dergâha diğerinin ta'yîn edilmesi istid'â olunduğu beyânıyla icrâ-yı îcâbı Harbiye Nezâret-i celîlesinden bi'l-vürûd Meclis-i dâ'iyânemize havâle buyurulan işbu fî 1 Şubat sene [1]330 târihli tezkirede iş'âr olunmuştur mûmâ-ileyh Aziz Efendi'nin Evkâf-ı Hümâyûnca cereyân eden tahkîkât neticesinde bazı ahvâl-i gayr-i meşrû'ası tahakkuk etmesine binâen Şûrâ-yı Evkâfca uhdesinden ref' edilen meşihat ciheti Meclis-i dâ'iyânemizce münâsib bir zâta tevcîh ve tevdî' edilmiş ve şu hâlde kendisinin dergâhça bir gûne alâkası kalmamış olup ancak efrâd-ı âilesinin dûcâr-ı zarûret olmamaları zımnında dergâhın muhassasât-ı hâzırasından münâsib mikdârının bi't-tefrîk âile-i mûmâ-ileyhâya i'tâsı şeyh-i lâhika teblîğ ve tenbih olunmuş olduğundan sûret-i hâlin cevâben nezâret-i müşârun-ileyhâya iş'arı menût-ı emr ü irâde-i aliyye-i hazret-i Fetvâ-penâhîleri olmağın ol bâbda.

Fî 7 Şubat sene [1]330

Mehmed Gülşen, Es'ad

IST_MFT_MSH_DFT02_01737_0001_0177

Meşihati münhal olan dergâha Şeyh Hacı Hafız Mustafa Efendi'nin tayin edilmesi.

Fî 5 Rebî'ülâhîr sene [1]333 / Fî 7 Şubat sene [1]330 / - / - / - / - / Fî 5 Rebî'ülâhîr sene [1]333 [20 Şubat 1915] / Fî 7 Şubat sene [1]330

Dergâh-ı mezkûr meşihati kable'l-inhilâl müsted'î tarafından bâ-arzuhâl taleb edilip hâlbuki inhilâlden evvel cihet tevcîhi gayr-i kâbil bulunmasına binâen ol vakit mûmâ-ileyhe cevâb i'tâ ve arzuhâli Evrâk Kalemine tevdî' kılınmış idi ahîran meşihat-i mezkûre inhilâl etmesine ve Meclisce icrâ kılınan imtihan esnâsında mûmâ-ileyh isbât-ı vücûd eylememesine binâen mezkûr meşihat ciheti bi'l-imtihan erbâb-ı fazl ü kemâlden Şeyh Hacı Hâfız Mustafa Efendi'ye bi't-tevcîh mazbatası tanzim kılınmış ve el-yevm Meclisce bu bâbda yapılacak bir mu'âmele kalmamış olmağla müsted'inin mürâca'atında kendisine tefhîm-i keyfiyyetle işbu arzuhâlin battâlâda hıfzı Evrâk Kalemine havâlesi menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Fî 7 Şubat sene [1]330

Mehmed Gülşen, Es'ad

IST_MFT_MSH_DFT02_01737_0001_0178

Davutpaşa'da Beşikçizâde Dergâhı postnişini Şeyh Hasan Efendi'nin vefatıyla, yerine niyâbeten tayin edilen küçük yaştaki oğlu Mehmed Ali Enver Efendi'nin meşihate asaleten tayini.

Fî 5 Rebî'ülâhîr sene [1]333 / Fî 7 Şubat sene [1]330 / - / - / - / - / Fî 5 Rebî'ülâhîr sene [1]333 [20 Şubat 1915] / Fî 7 Şubat sene [1]330

Mazbata

Davutpaşa'da kâin Beşikçizâde Dergâhının meşihati hâl-i sıgarında bi'n-niyâbe uhdesine tevcih olunmuş ise de el-yevm sinn-i rüşde vâsıl olarak bizzât îfâ-yı hizmete kesb-i iktidâr eylediğinden bahis ile niyâbetten sarf-ı nazarla meşihat-i mezkûrenin bi'l-asâle uhdesine tevcihi istid'âsına dâir Mehmed Ali Enver Efendi tarafından verilen arzuhâl üzerine bi'l-havâle Evkâf-ı Hümayûn Kuyûd-ı Kadîme Kaleminden gelen müzekkirede dergâh-ı mezkûrun meşihat ve meşihatine meşrûta tevliyet cihetleri kesb-i iktidâr edinceye değin Seyyid Mehmed Şerîf Sükûtî Efendi tarafından bi'n-niyâbe îfâ-yı hizmet olunmak üzere müteveffâ Şeyh Hasan Efendi'nin sagîr mahdûmlarından Mehmed Ali Enver Efendi'ye tevcih olduğu ve dergâh-ı mezkûr vakfının vakfiyesinde tevliyet ve meşihat cihetleri vâkıfın kendisinden sonra hulefâsından bir kimseye ve ba'de'l-inkırâzi'l-hulefâ Kaşgârî Dergâhı şeyhinin re'yiyle bir kimseye meşrûta bulunduğu gösterilmiş ve vaktiyle bi'n-niyâbe vukû' bulan tevcihte Kaşgârî Dergâhı şeyhinin re'yi istihşâl olduğu ve şeyh-i sâbıkın iki zevcesiyle kerîmesinin tezevvüclerine ve diğer sagîr mahdûmlarının te'mîn-i ma'îşet etmelerine kadar dergâhta iskân ve i'âşe edilmeleri meşrûta kılındığı anlaşılmış olduğundan ve mûmâ-ileyh Enver Efendi hakkında icrâ kılınan imtihânda sinn-i rüşde vâsıl ve hadd-i nisâba karîb numara kazanmış idiğinden şerâit-i sâbika vechile âile-i mûmâ-ileyhimi dergâhta iskân ve i'âşe etmek üzere niyâbetten sarf-ı nazarla meşihat-i mezkûrenin asâleten mûmâ-ileyhe bi't-tevcih yedine istihkâmen berât-ı âlî i'tâsı muvâfık-ı re'y-i âlî-i hazret-i Fetvâ-penâhîleri olduğu hâlde keyfiyyetin Evkâf-ı Hümayûn Nezâret-i celilesine havâle buyurulması bâbında.

Mehmed Gülşen, Es'ad

IST_MFT_MSH_DFT02_01737_0001_0179

Üsküdar Şeyh Camii'ndeki Devâtî Şeyh Mustafa Efendi Dergâhı tahsisatının, şeyhi Tâlib Efendi'ye mührüyle verilmesi.

- / - / Hüsâm / - / - / - / - / 14 / Fî 22 Ca. sene [1]332 [18 Nisan 1914] / Fî 5 Nisan sene [1]330 Üsküdar'da Şeyh Câmi'i'nde Devâtî Şeyh Mustafa Efendi Dergâh-ı şerîfi el-yevm ma'mûr ve küşâde ve derûnunda âyîn-i tarikat-i aliyye icrâ ve it'âm-ı fukarâ edilmekte ve şeyhi Talib Efendi el-yevm ber-hayât bulunduğu dergâh-ı mezkûr muhassasâtının efendi-i mûmâ-ileyhin mührünü tatbîk ederek verilmesi zımnında işbu ilmühaber i'tâ kılındı.

Sâdık, es-Seyid Mehmed es-Sükûtî

IST_MFT_MSH_DFT02_01737_0001_0180

Kısıklı'da Hazret-i Selâmî Dergâhı postnişinliğine tayinini talep eden Mehmed Nûri Efendi'nin imtihanında başarılı bulunması.

- / - / Hüsâm / - / - / - / 18 / Fî 22 Cemâziyelevvel sene [1]332 [18 Nisan 1914] / Fî 5 Nisan sene [1]330

Kısıklı'da kâin Hazret-i Selâmî Dergâhı postnişinliğine Tevcîh-i Cihât Nizâmname-i Cedîdî'nin otuz ve otuz birinci maddeleri ahkâmına tevfikân Mehmed Nûri Efendi'nin imtihanı bi'l-icrâ isbât-ı ehliyyet ve liyâkat etmiş olduğunu mübeyyin işbu imtihan cedveli tasdik kılındı.

Musa Kâzım, Ali Nazmî, Sâdık, es-Seyyid Mehmed es-Sükûtî

Yazılmıştır Hüsâm

IST_MFT_MSH_DFT02_01737_0001_0181

İstanbul'da Seyyid Baba Dergâhı şeyhi Zühdü Efendi'nin Halep'ten dönüşünde tren ve vapura ücretsiz bindirilmesi.

- / - / - / - / - / - / 13 / Fî 22 Cemâziyelevvel sene [1]332 [18 Nisan 1914] / Fî 5 Nisan sene [1]330

Haleb Vilâyet-i Belediye Riyâset-i aliyyesine

Tarîkat-i Nakşibendiyye'den İstanbul'da Seyyid Baba Dergâh-ı şerîfi şeyhi Şeyh Zühdü Efendi bu kere rahatsız olan mahdûmunu görmek üzere Haleb'e müteveccih bulunduğu ve fakirü'l-hâl ve şâyân-ı âtîfet olduğundan avdetinde Der'aliyye'ye kadar şimendüfer ve vapura meccânen irkâbı husûsunda lâzım gelen mu'ameleye himmet buyurulması zımında işbu ilmühaber tanzim kılındı.

IST_MFT_MSH_DFT02_01737_0001_0182

Selânik'in Yenice-i Vardar kazasındaki Ataullah Efendi Dergâhı meşihatı hakkındaki Mustafa Efendi'nin arzuhalinin Sadârete havalesi.

Fî 18 Ca. sene [1]332 / Fî 1 Nisan sene [1]330 / Hüsâm / İstid'â 4797 / 9 / - / - / 16 / Fî 18 Cemâziyelevvel sene [1]332 [18 Nisan 1914] / Fî 1 Nisan sene [1]330

Selânik'te Yenice-i Vardar'da kâin Kâdirî Dergâhı meşihat ciheti hakkında Mustafa Efendi tarafından i'tâ olunan arzuhâl üzerine istilâ gören mahallerdeki cihât hakkında ne mu'amele yapılması ve hangi vâsıta ile muhâbere olunması Evkâf Nezâret-i celîlesinden lade'l-isti'lâm nezâret-i müşârun-ileyhâca da şimdide kadar ol bâbda bir mu'amele sebkât etmemiş olduğu cevâben iş'âr kılındığına binâen istifsâr-ı keyfiyyet zımında işbu evrâkın mazrûfen makâm-ı âlî-i Sadâret-i uz mâ'ya irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, ElifYazılmıştır Hüsâm

IST_MFT_MSH_DFT02_01737_0001_0183

Şehremini'nde Tekke-i Cedîd Dergâhı şeyhi Ulvî Efendi tarafından arsasına müdahale edildiği yönünde telgraf tesviyecisi Hüseyin'in şikâyet dilekçesi üzerine, bu hususta mahkemeye müracaat etmesi gerektiğinin kendisine tefhimi.

Fî 15 Ca. sene [1]332 / Fî 29 Mart sene [1]330 / Hüsâm / İstid'â 2744 / 200 / Fî 27 Ağustos sene [1]329 / - / 17 / Fî 18 Ca. sene [1]332 [18 Nisan 1914] / Fî 1 Nisan sene [1]330

Şehremini'nde vâki' Tekke-i Cedîd Dergâhı şeyhi Ulvî Efendi tarafından arsasına tecâvüz edildiğinden bahisle men'î istirhâmını hâvî civâr-ı mezkûrda Ereğli Mahallesi'nde mukîm telgraf tesviyecisi Hüseyin imzâsıyla takdîm olunup havâle buyurulan işbu arzuhâl mütâlâ'a kılındı.

Keyfiyyet lede't-tezekkür tecâvüz mes'elesi hukûka âid mevâddan bulunduğundan nizâmen bir mahkemeye mürâca'at eylemesi lâzım geldiğinin vaktiyle müsted'îye tefhîm kılındığından işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0184

Ayazpaşa Dergâhı'ndan ihraç edilen Şeyh Muhyiddin Efendi'nin, dergâhlarda fuzulî ikamet caiz olmadığından, dergâhta kalamayacağını bildirilmesi.

- / - / - / - / - / - / - / - / Fî 23 Ş. sene [1]333 [6 Temmuz 1915] / Fî [23 Haziran sene [1]331]

Şeyh Muhyiddin imzâlı işbu arzuhâl mütâlâ'a ve tedkik olundu.

Mündericâtı: Ayazpaşa Dergâhında fuzulî ikâmet etmekte iken dergâh-ı mezkûr şeyhi Hüseyin Efendi tarafından dergâhtan ihrâc edilmek istenildiğinden bahs ile dergâhta ikâmeti için şeyh-i mûmâ-ileyhe teblîgât ifâsı istid'â olunmuş ise de dergâhlarda fuzulî ikâmet gayr-i câiz bulunmasına nazaran tervîc-i istid'â gayr-i kâbil idiğinden mürâca'atında cevâb i'tâsıyla işbu arzuhâlin battâlâda hıfzı zımında Evrâk Kalemine havâle buyurulması bâbında.

Ali, Mehmed Abdülbaki, Mehmed Gülşen

IST_MFT_MSH_DFT02_01737_0001_0185-186

Hiz. Sünbül Hankahı şeyhi Kudbeddin Efendi'nin vefatıyla, meşihatini Hacı Evhad Dergâhı şeyhi ve hankah-ı mezkûr şeyh-i kadimi Hacı Hasan Efendi'nin vekâletinde müteveffanın yaşı küçük olan oğlu Râzî Efendi'ye tevcihine dair Şûrâ-yı Evkâfın itirazına verilen cevap.

Fî 11 Ca. sene [1]332 / Fî 25 Mart sene [1]330 / Hüsâm / Kırmızı 26 / 13 / Evkâf'tan gelen tezkire işbu müzekkire ile birleştirilerek yine iâde kılınmıştır. / 5 / Fî 15 Cemâziyelülâ sene [1]332 [11 Nisan 1914] / Fî 29 Mart sene [1]330

Hazret-i Sünbül Hânkâh-ı şerîfi şeyhi Kudbeddin Efendi'nin vefâtına ve mahdûmu Râzî Efendi'nin yirmibeş yaşında ise de imtihan olamayacağına binâen müddet-i nizâmî dâhilinde tahsîl ve isbât-ı ehliyet edinceye kadar meşihat-i mezkûrenin Hacı Evhad Dergâhı şeyhi ve hankâh-ı mezkûr şeyh-i kadimî Hacı Hasan Efendi uhdesine bi'l-vekâle tevcihi hakkındaki takdîm kılınan mazbata-i da'iyânemiz Ders Vekâletinden üç âzânın inzimâmıyla müsabaka

imtihanı icrâ kılınmış olduğundan kâbiliyet-i tasdikiyeyi haiz olmadığını müş'ir Şûrâ-yı Evkâfın karâr-ı âlîsini hâvî fi 10 Cemâziyelûlâ sene [1]332 târih ve altmış altı bin iki yüz doksan yedi umûmî ve on iki husûsî numaralı Evkâf-ı Hümâyûn Nezâret-i celîlesinin havale buyurulan tezkire-i aliyyesi mütala'a kılındı.

Keyfiyet lede't-teemmül fi'l-hakika Tevcih-i Cihât Nizamnâmesi'nin on birinci ve otuz birinci maddelerinde niyâbetle ta'yîn kılınanlar müsabaka imtihanına tâbî' oldukları musarrah ise de hâricden niyâbete tâlib ta'addüdünde madde-i mezkûrenin ahkâmı icrâ edileceği tabî'i olub ancak bu, niyâbet olmayıp vekâlet olduğu gibi hâriçten intihâb edilmeyerek kırk senelik bir dergâh şeyhi bulunduğu ve dergâh şeyhlerinden intihâb edilmesinde de gerek şeyhzâde ve gerek dergâhın hüsn-i idâresi hususunda birçok fevâid ve hüküm mülâhaza edildiği ve geçenlerde Merkez Efendi Dergâh-ı şerîfi hakkında da öylece mu'amele cereyan ederek ol bâbdaki mazbata-i dâ'iyânemiz şûrâ-yı müşârun-ileyhâca kabul ve tasdik edilmiş bulunduğu cihetle mazbata-i mezkûrenin dahi Merkez Efendi Dergâhı hakkındaki mazbataya kıyâsen tasdîki ve olamadığı takdîrde aynı meseleyi mutazammın olan mezkûr mazbatanın [0186] tasdikini bâ'is mevâddın beyânı zımınında Evkâf-ı Hümâyûn Nezâret-i celîlesine işbu müzekkire-i dâ'iyânemizin leffiyile tezkire-i sâmiyye-i hazret-i Meşîhat-penâhîlerinin tasdîr buyurulması bâbında.

Sâdık, es-Seyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0187

Eyüp Bostan İskelesi'nde Hüsrev Paşa Dergâhı şeyhi Osman Efendi'nin yerine, Yanya muhacirlerinden Cevdet Efendi'nin tayini talep edilmişse de Osman Efendi'nin izinli olarak Erzincan'da bulunması ve ay sonunda döneceğinin Kassâm-ı Umûmiye bildirilmesi.

Fi 8 Ca. sene [1]332 / Fi 22 Mart sene [1]330 / Hüsâm / Kırmızı 1540 - 10 - 12 / 4 - 10 / - / - / 13 / Fi 11 Ca. sene [1]332 [7 Nisan 1914] / Fi 25 Mart sene [1]330

Bostan İskelesi'nde vâki' Hüsrev Paşa Dergâhı şeyhi Osman Efendi'nin gaybûbeti cihetiyle meşîhat-i mezkûrenin bi'l-asâle ve yâhûd bi'l-vekâle Yanya muhâcirlerinden ve ashâb-ı ilmden Cevdet Efendi'ye tevcihi hakkında Kassâm-ı Umûmî cânibinden bi't-takdîm havâle buyurulan işbu iki kıt'a müzekkire ile Erzincan Kâdılığı'ndan gelen tahrîrât birleştirilerek mütala'a kılındı.

Dergâh-ı mezkûr postnişini Osman Fevzî Efendi istihsâl-i me'zûniyetle memleketi cânibine azîmet eylediğinden ve Mart evâhirine doğru Dersââdet'e müntehî-i azîmet bulunduğu bu kere Erzincan Kâdılığı'nın sâlifü'l-arz arızasında beyân edildiğinden keyfiyet kassâm-ı müşârun-ileyhâca ba'de'l-mütala'a işbu evrâkın hıfzı tezekkür kılındı ol bâbda.

Sâdık, es-Seyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0188

Abdülaziz Efendi'nin Karagümrük'te Nüreddin Cerrâhî Dergâhı postnişini müteveffa babası Şeyh Mehmed Rıza Efendi'nin yerine tayinini talep etmişse de görevin biraderi Fahri Efendi'ye tevcih edilmesi.

Fî 8 Ca. sene [1]332 / Fî 22 Mart sene [1]330 / Hüsâm / İstid'â 1394 / 95 / Fî 19 Mayıs sene [1]329 / - / 14 / Fî 11 Ca. sene [1]332 [7 Nisan 1914] / Fî 25 Mart sene [1]330

Abdülaziz mührüyle takdîm olunup havâle buyurulan işbu arzuhâl mütâla'a kılındı.

Mündericâtı: Karagümrük civârında Hazret-i Nureddin el-Cerrâhî Dergâh-ı şerîfi postnişini pederi Şeyh Mehmed Rızaeddin Efendi'nin vukû'-ı vefâtına mebnî münhal olan meşihat cihe-tinin uhdesine tevcihini istirhâmdan ibâret olup dergâh-ı mezkûr meşihati müsted'î-i mûmâ-ileyhin biraderi Fahreddin Efendi'ye tevcih edildiğinden işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0189

Sultanahmet'te Mısırlı Fatma Hatun Dergâhı hakkında yapılan muamelenin Evkaf Nezâretinden sorulması.

Fî 8 Ca. sene [1]332 / Fî 22 Mart sene [1]330 / Hüsâm / İstid'â 6037 / 237 / Fî 15 Şubat sene [1]329 / - / 15 / Fî 11 Ca. sene [1]332 [7 Nisan 1914] / Fî 25 Mart sene [1]330

Sultânahmed'de Mısırlı merhûme Fatıma Hatun Dergâhı hakkında bazı ifâdâtı hâvî Hüseyin Kâzım mührüyle takdîm olunup havâle buyurulan işbu arzuhâl mütâla'a kılındı. Ve hâsıl olan neticenin ba'dehû icâbına bakılmak üzere evvelemirde dergâh-ı mezkûr hakkında cereyân eden mu'âmelenin beyânı zımnında işbu arzuhâlin mazrûfen Evkâf-ı Hümâyûn Kâdılığı'na irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0190

İstanbul Haseki'de Seyyid Baba Dergâhı şeyhi Zühdü Efendi Beyrut yoluyla Halep'e gideceğinden, İstanbul-Beyrut deniz yolundan yarı ücret alınması ve Beyrut-Halep tren yolculuğundan ücret alınmamasına dair ilmühaber.

- / - / - / - / - / - / - / - / 10 / Fî 8 Ca. sene [1]332 [4 Nisan 1914] / Fî 22 Mart sene [1]330

Tarîkat-i aliyye-i Nakşibendiyye'den Haseki civârında Seyyid Baba Dergâh-ı şerîfinin şeyhi Şeyh Zühdü Efendi bu kere li-eclî'l-maslaha Beyrut tarîkiyle Halep'e azîmet edeceğinden ve mûmâ-ileyh şâyân-ı âtîfet ve fukarâdan bulunduğu mahall-i mezkûra kadar vapura nısf navl ile irkâbı zımnında işbu ilmühaber i'tâ kılındı.

Yazıla

Beyrut Vilâyeti Belediye Riyâset-i aliyyesine

Tarîkat-i Nakşibendiyye'den İstanbul'da Seyyid Baba Dergâh-ı şerîfi şeyhi Şeyh Zühdü Efendi şâyân-ı âtîfet ve fakîrû'l-hâl ve a'yandan bulunduğu cihetle mûmâ-ileyhin Beyrut'tan Haleb'e kadar meccânen şimendüfere irkâbı husûsunda lâzım gelen mu'âvenetin dirîğ buyurulması zım-nında işbu ilmühaber i'tâ kılındı.

Yazıla

IST_MFT_MSH_DFT02_01737_0001_0191

İstanbul'daki postnişinlik tevcihlerinde yapılacak imtihanlar için Meclis-i Mesâlih-i Talebe azasında Bayındırlı Mehmed, Ali Nazmi ve Arapgirli Hüseyin Avni efendilerin görevlendirilmeleri.

- / - / - / - / - / - / - / 4 / Fî 8 Ca. sene [1]332 [4 Nisan 1914] / Fî 22 Mart sene [1]330

Kânûniyeti bâ-irâde-i seniyye tasdik buyurulup mevki'-i tatbîka vaz' olunan Cihât Nizâm-nâmesi'nin otuz birinci maddesinde İstanbul'daki postnişinlik cihetleri tâlibinin imtihanlarında Meclis-i Mesâlih-i Talebe a'zâsından üç zât hâzır olduğu hâlde Meclis-i dâ'iyânemizde icrâ edilmesi beyân olunması üzerine Meclis-i mezkûr a'zâsından Arabgirî Hüseyin Avnî ve Bayındırlı Mehmed, Ali Nazmî Efendiler münâsib görülmüş olduğundan inde'l-lüzûm da'vet olunmak için mûmâ-ileyhim efendilerin emr-i ta'yînleri menût-ı re'y-i Cenâb-ı Fetvâ-penâhîleridir ol bâbda.

Sâdık, es-Seyyid Mehmed es-Sükûtî, Elif

IST_MFT_MSH_DFT02_01737_0001_0192

Kocamustafapaşa Dergâhı şeyhi Kutbî Efendi'nin vefatı üzerine, meşihate Hacı Evhad Dergâhı şeyhi Hacı Hasan Efendi'nin vekâleten tayini.

Fî 8 Ca. sene [1]332 / Fî 22 Mart sene [1]330 / Hüsâm / İstid'â 127 / 6 / Fî 22 Şubat sene [1]329 / - / 12 / Fî 8 Ca. sene [1]332 [4 Nisan 1914] / Fî 22 Mart sene [1]330

Kocamustafapaşa Dergâh-ı şerîfi postnişini Kutbî Efendi'nin vukû'-ı vefâtına mebnî münhal olan meşihat cihetinin yirmi beş yaşındaki mahdûmu Râzî Efendi'ye te'âmül-i kadîm vechile tevcihini istirhâmla vazîfe-i meşihate müte'allık umûrun ifâ ve tahsîl-i ulûm ve fûnûn ve ta'lîm-i zikr ve teslîk-i dervîşân eyleyeceğini ta'âhhüd eylediklerini nâtik Hacı Tevfîk ve Ali Rıza vesâire imzâ ve mühürleriyle takdîm olup havâle buyurulan işbu arzuhâl mütâla'a kılındı. Mûmâ-ileyh Râzî Efendi sinn-i rüşde bâliğ ise de istid'âda nâtik olduğu üzere imtihan veremeyeceğinden müddet-i nizâmîsi dâhilinde tahsîl ve isbât-ı ehliyet edinceye kadar dergâh-ı mezkûr vekâletine pîş-kadem ve Hacı Evhad Dergâh-ı şerîfi şeyhi Hacı Hasan Efendi tensîb edilerek Tevcih-i Cihât Nizâm-nâmesi mücebince tanzîm edilen fî 25 Şubat sene [1]329 târih ve otuz sekiz numaralı evrâk-ı resmiyyesi makâm-ı âliye arz ve Evkâf Nezâreti'ne irsâl kılınmış olduğundan işbu istid'ânın üzerine yapılacak diğer bir mu'âmele olmadığından hıfzı tezekkür kılındı.

Sâdık, es-Seyyid Mehmed es-Sükûtî

IST_MFT_MSH_DFT02_01737_0001_0193

Bahriye Nezâretinden bazı tekke ve zaviyelere verilmekte olan tayinatların, Meclis-i Meşâyihçe düzenlenen ilmühaberlere göre verilmesi hususunun nezârete bildirilmesi.

- / - / Hüsâm / - / - / - / 3 / Fî 4 Cemâziyelevvel sene [1]332 [31 Mart 1914] / Fî 18 Mart sene [1]330

Bahriye Nezâret-i celîlesinden bazı tekâyâ ve zevâyâyâ muhassas mu'ayyenât hakkında i'tâsı lâzım gelen ilmühaberler mine'l-kadîm tekâyânın merbût bulundukları merkezlerden alınıp Meclis-i Meşâyihçe mündericâtı mukârin-i sıhhat görüldüğü sûrette zîri tasdik olunarak ol vechile ifâ-yı mu'amele edilmekte iken bu kere vâkı' olan mürâca'attan anlaşıldığı üzere dâire-i âidesi tarafından mezkûr ilmühaberlerin eimme-i mahallâttan ahzı îcâb edeceği ihtâr edilmekte ise de bunun teşvîş-i mu'ameleyi bâ'is ve Meclis'in usûl ve nizâmını tağyîre sebep olacağından buna meydan bırakılmamak üzere kemâ-fi's-sâbık ber-minvâl-i muharrer Meclis'in tasdikine iktirân eden merâkiz-i tekâyâ ilmühaberleri hakkında doğrudan doğruya mu'amele ifâsıyla ashâb-ı mürâca'ata icrâ-yı teshîlât buyurulması zımında işbu müzekkire-i dâ'iyânemizin mazrûfen nezâret-i müşârun-ileyhâya irsâl buyurulması bâbında.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0194

Hasan Efendi'nin bir dergâh meşihatine tayin talebiyle verdiği dilekçesinin, münhal tekke olmadığından Evrak İdaresinde hıfzı.

Fî 29 S. sene [1]332 / Fî 14 Kânûn-ı sâni sene [1]329 / Hüsâm / İstid'â 2516 / 138 / Fî 1 Temmuz sene [1]329 / - / 8 / Fî 1 Cemâziyelevvel sene [1]332 [28 Mart 1914] / Fî 15 Mart sene [1]330

Hasan mührüyle takdîm olunup havâle buyurulan işbu arzuhâl mütâla'a kılındı.

Mündericâtı: Münhal bir dergâhın uhdesine tevcihîni istirhâmdan ibâret olup münhal tekke olmadığıнын mürâca'atında müsted'î-i mûmâ-ileyhe tefhîmiyle işbu arzuhâlin Evrak İdaresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0195

Tekirdağ İbrâhimbey Mahallesi'nde Çelebi Mehmed Ağa Zaviyesi'nin zaviyedarı Mehmed Emin Efendi'nin görevini damadı Şeyh Marufi Efendi'ye kasr-ı yed talebinin, Cihât Nizamnamesi'ne uygun olmadığından kabul edilmemesi.

Fî 7 Zilkâ'de sene [1]331 / Fî 24 Eylül sene [1]329 / Hüsâmeddin / Taşra 939 / 148 / Fî 16 Temmuz sene [1]329 / - / 9 / Fî 1 Cemâziyelevvel sene [1]332 [28 Mart 1914] / Fî 15 Mart sene [1]330

Mehmed Emin mührüyle takdîm olunup havâle buyurulan işbu arzuhâl mütâla'a olundu.

Mündericâtı: Tekfurdağı'nın İbrâhîmbey Mahallesi'nde kâin Çelebi Mehmed Ağa Zâviyesinin uhdesinde bulunan zâviyedârlığını bi'r-rızâ damadı Şeyh Marufî Efendi'ye kasr-ı yed edeceğinden bahisle mu'âmele-i lâzimesinin icrâsını istirhâmdan ibâret olup keyfiyyet lede't-tezekkür kasr-ı yed mu'âmesi el-yevm mer'ıyyü'l-icrâ bulunan Cihât Nizâmnâmesi'ne gayr-ı muvâfık olduğunun mürâca'atında müsted'ıye tefhîmi ile işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0196

Akhisar'daki hanesinin tamiri talebi Meclis-i Meşâyihi ilgilendiren bir durum olmadığından, Mehmed Efendi'nin verdiği dilekçenin Evrak İdaresinde hıfzı.

Fî 22 R. sene [1]332 / Fî 7 Mart sene [1]330 / Hüsâm / İstid'â 4498 / 217 / Fî 1 Safer sene [1]332/ - / 10 / Fî 1 Ca. sene [1]332 [28 Mart 1914] / Fî 15 Mart sene [1]330

Mehmed imzâsıyla takdîm olunup havâle buyurulan işbu arzuhâl mütâla'a kılındı.

Mündericâtı: Akhisar'daki nâ-tamâm bir hâlde bulunan hânesinin ta'mîrini istirhâmdan ibâret olup keyfiyyet Meclis-i dâ'iyânemize müte'allık mevâddan bulunmadığının mürâca'atında mûmâ-ileyhe tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0197

Hasköy Sütlüce'de Hasîrîzâde Şeyh Hacı Mustafa Efendi Dergâhı'nda, mûtat olduğu üzere bu sene de mevlid-i şerif okunması.

- / - / - / - / - / - / - / 9 / Fî 1 Cemâziyelevvel sene [1]332 [28 Mart 1914] / Fî 15 Mart sene [1]330

Cennet-mekân Sultân Mahmud Hân-ı Sâni hazretleri vakfından Hasköy'de Südlüce'de vâki' Hasîrîzâde Şeyh el-Hâc Mustafa Efendi Dergâh-ı şerîfinde beher sene kırâeti mu'tâd olan mevlid-i şerîfin üç yüz otuz bir senesinde kırâet olunduğunu mübeyyin işbu ilmühaber itâ kılındı.

Yazıla

IST_MFT_MSH_DFT02_01737_0001_0198

Hasköy Sütlüce'de Hasîrîzâde Şeyh Hacı Mustafa Efendi Dergâhı şeyhi Mehmed Elif Efendi'nin hayatta olduğu ve görevine devam ettiğine dair ilmühaber.

- / - / - / - / - / - / - / 7 - 8 / Fî 1 Ca. sene [1]332 [28 Mart 1914] / Fî 15 Mart sene [1]330

Hasköy'de Südlüce'de vâki' Hasîrîzâde Şeyh el-Hâc Mustafa Efendi Dergâh-ı şerîfi el-yevm ma'mûr ve küşâde ve derûnunda âyîn-i tarikat-i aliyye icrâ ve it'âm-ı fukarâ edilmekte ve şeyhi Mehmed Elif Efendi ber-hayât olduğunu mübeyyin işbu ilmühaber itâ kılındı.

Yazıla

IST_MFT_MSH_DFT02_01737_0001_0199

Eğrikapı'da Ahmed Buhârî Dergâhı meşihatının yarım hissesine sahip Bahâeddin Efendi'nin vefatı üzerine; hissesinin, meşihatın diğer yarısının sahibi kardeşi Şeyh Mesud Efendi'ye tevcih edilmesi.

Fî 22 R. sene [1]332 / Fî 7 Mart sene [1]330 / Hüsâm / İstid'â 3410 / 165 / Fî 1 Teşrîn-i evvel sene [1]329 / - / 11 / Fî 1 Cemâziyelevvel sene [1]332 [28 Mart 1914] / Fî 15 Mart sene [1]330 Kemâleddin imzâsıyla takdîm olunup havâle buyurulan işbu arzuhâl mütâlâ'a kılındı.

Mündericâtı: Eğrikapı'da kâin Ahmed el-Buhârî Dergâhının meşihat cihetine müştereken mu-tasarraf bulunan pederi Bahâeddin Efendi'nin vukû'-ı vefâtına mebnî münhal olan hissesi-nin uhdesine tevcihini istihâmdan ibâret ise de el-yevm mer'ıyyü'l-icrâ Cihât Nizâm-nâmesi mücebince vaktiyle müştereken tevcih olunan ashâb-ı cihâttan biri vefât ettikte münhal olan hissesi diğer hissedârândan en ziyâde ehil olana tevcihi muktezî bulunduğundan hisse-i mahlûle ol vechile pederinin müştereki müdde'inin amcası Şeyh Mes'ûd Efendi'nin hissesine ilhâk edilmiş olduğunun mürâcâ'atında müsted'î-i mûmâ-ileyhe tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0200

Saraçhanebaşı'nda Dülgerzâde Dergâhı şeyhi Musullu Hafız Osman Efendi'nin Bağdat'ta vefat ettiği haberinin mahallinden tahkiki.

- / Fî 12 Mart sene [1]330 [25 Mart 1914] / - / - / - / - / - / - / - / - / 6

Saraçhanebaşı'nda kâin Dülgerzâde Dergâhı şeyhi olup Bağdad'da bulunan Musullu Hâfız Osman Efendi'nin vefâtı haber verilmekte olduğundan mûmâ-ileyhin hayat ve memâtının mahallinden isti'lâmı menû-ı emr ü irâde-i alıyye-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01737_0001_0201

Kocamustafapaşa Dergâhı muamelatının, Ağakapısı'nda Müştakzâde Dergâhı postnişini tarafından yürütülmesi için ilmühaber.

- / - / Hüsâm / - / - / - / - / 6 / Fî 26 R. sene [1]332 [24 Mart 1914] / Fî 11 Mart sene [1]330

Ağakapısı'nda Müştakzâde Dergâhı Postnişini Efendi'ye

İlmühaber Sûreti

Merkezimiz dâhilinde () Dergâh-ı şerîfi el-yevm ma'mûr ve küşâde ve eyyâm-ı mahsûsasında âyîn-i tarikat-i alıyye icrâ ve it'âm-ı fukarâ edilmekte olduğu gibi şeyhi () efendi ber-hayât olduğunu mübeyyin işbu ilmühaber itâ kılındı.

Kocamustafapaşa Dergâh-ı şerîfinin mu'âmele-i tevcihiyyesi henüz hitâm bulmadığından bu senelik merkez mu'amelâtının taraf-ı reşâdetlerinden ifâsı ve yazılacak ilmühaberlerin ber-vech-i bâlâ sûrete tatbîkan tahrîri niyâz olunur.

Yazıla

IST_MFT_MSH_DFT02_01737_0001_0202

Merzifon'da Pîrî Baba Dergâhı meşihatının, kendisine tevcihine dair Ali Rıza imzalı dilekçenin, konuyla ilgili mahallinden cevap gelene kadar Evrakta bekletilmesi.

Fî 22 R. sene [1]332 / Fî 7 Mart sene [1]330 / Hüsâm / İstid'â 1140 / 159 / Fî 27 Ağustos sene [1]329 / - / 4 / Fî 26 Rebî'ülâhir sene [1]332 [24 Mart 1914] / Fî 11 Mart sene [1]330

Merzifon kasabasında vâki' Pîrî Baba Dergâhı meşihat cihetinin uhdesine tevcihine dâir hakkında gelen evrâk tehhura uğratılmış olduğu ifâdâtını hâvî Ali Rıza imzâ ve mührüyle takdîm olunup havâle buyurulan işbu arzuhâl lede'l-mütâla'a ve't-tezekkür dergâh-ı mezkûr hakkında evvelce vürûd eden evrâk-ı resmiyye ikmâl-i mu'âmele zımında kazâ-i mezkûr kâdılığına irsâl kılındığından vürûdunda birleştirilip ba'dehû îcâbına bakılmak üzere işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0203

Rumelihisarı'nda Durmuş Dede Dergâhı şeyhi Mehmed Eşref Efendi'nin meşihati oğlu Said Efendi'ye kasr-ı yed talebinin, Cihât Nizamnamesi'nde kasr-ı yed uygulamasının yasaklanması sebebiyle kabul edilmemesi.

Fî 22 R. sene [1]332 / Fî 7 Mart sene [1]330 / Hüsâm / İstid'â 2839 / 156 / Fî 13 Ağustos sene [1]329 / - / 5 / Fî 26 R. sene [1]332 [24 Mart 1914] / Fî 11 Mart sene [1]330

Mehmed Eşref mührüyle takdîm olunup havâle buyurulan işbu arzuhâl mütâla'a kılındı.

Mündericâtı: Meşihati bâ-berât-ı âlî uhdesinde bulunan Rumelihisarı'nda kâin Durmuş Dede Dergâhını bi'r-rızâ mahdûmu Said Efendi'ye kasr-ı yed edeceğinden bahisle mu'âmele-i lâzimenin ifâsını istirhâmdan ibâret olup hâlbuki el-yevm mer'ıyyü'l-icrâ Cihât Nizamnamesi mücebince kasr-ı yed mu'âmelesi icrâ olunamayacağının mürâca'atında müsted'î-i mûmâ-ileyhe tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0204

Karacasu kazası Uşşâkî Dergâhı meşihatine ait ilam harcının ödendiği anlaşıldığından gerekli işlemin yapılması.

Fî 26 R. sene [1]332 / Fî 11 Mart sene [1]330 / Hüsâm / Kırmızı 469 / 2 / 4 / - / 7 / Fî 26 Rebî'ülâhir sene [1]332 [24 Mart 1914] / Fî 11 Mart sene [1]330

Karacasu kazâsı dâhilinde kâin Uşşâkî Dergâhı meşihat ciheti hakkında i'tâ olunan i'lâmın tasdik harcı tesviye edilmediğinden Fetvâhâne-i âlî'den bi'l-vürûd mahalline gönderilen işbu evrâk bu kere matlûb harcın tesviye edildiğine dâir ilmühaberle beraber vürûd ettiğinden lâzım gelen mu'âmelenin ifâsı zımında işbu evrâkın Fetvâhâne-i âlî'ye havâle buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0205

Bostan İskeleyi'nde Hüsrev Paşa Dergâhı şeyhi Osman Fevzî Efendi'nin, yerine Şeyh Sâbit Efendi'yi vekil bırakarak Erzincan'a gitmesine izin verilmesi.

Fî 23 R. sene [1]332 / Fî 8 Mart sene [1]330 / Hüsâm / 372 / 35 / Fî 21 Mart sene [1]329 / - / 6 / Fî 26 Rebî'ülâhîr sene [1]332 [24 Mart 1914] / Fî 11 Mart sene [1]330

Osman Fevzî mührüyle takdîm olup havâle buyurulan işbu arzuhâl mütâla'a kılındı.

Mündericâtı: Bostan İskeleyi'nde vâki' Hüsrev Paşa Dergâhı şeyhi olup âilesinin rahatsızlığına mebnî berâ-yı tebdîl-i havâ memleketi cânibine azîmet ve avdetine değîn Şeyh Sabit Efendi'yi tevkîl eylediğinden bi'l-bahs me'zûniyet i'tâsını istirhâmdan ibâret olup binâen-aleyh Erzincan mahall-i ba'ideden bulunduğu cihetle mûmâ-ileyhe altı ay müddet ruhsat verilmiş olduğundan işbu arzuhâlin Evrâk İdâresi'nde hıfzı tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0206

Edirnekapı'da Emîr Buhârî Dergâhı şeyhi Mehmed Efendi'nin, belirtilen günde Meclis-i Meşâyih'e çağırılması.

- / - / - / - / - / - / - / 4 / Fî 23 R. sene [1]332 [21 Mart 1914] / Fî 8 Mart sene [1]330

Edirnekapısı hâricinde Emir Buhârî Dergâhı Şeyhi Mehmed Efendi'ye

Bazı husûsun müzâkeresi zımnında Mart'ın on birinci Salı günü sâ'at sekiz raddelerinde behemehâl Meclis-i Meşâyih'e teşrîfe himmet buyurmaları niyâz olunur.

Yazıla

IST_MFT_MSH_DFT02_01737_0001_0207

Kerkük'te Rifâî Dergâhı postnişini Seyyid Necib Efendi ile oğlu Abdülhalık Efendi'ye iftira atan Mehmed Tâlib hakkında kanuni muamele yapılması.

Fî 19 R. sene [1]332 / Fî 4 Mart sene [1]330 / Hüsâm / Taşra 1619 - 1560 / 219 - 213 / 1 / Fî 28 Ağustos sene [1]329 / 3 / Fî 23 Rebî'ülâhîr sene [1]332 [21 Mart 1914] / Fî 8 Mart sene [1]330

Kerkük'te kâin Rifâî Dergâhı postnişini Seyyid Necib Efendi'nin telkîn-i tarîkatten âciz ve mahdûmunun hilâf-ı şerî'at bazı ahvâle tasaddî ettiğinden ve sâireden bahisle Mehmed Talib mührüyle takdîm olunan arzuhâl üzerine keyfiyyetin mukârin-i sıhhat olup olmadığının bi't-tahkîk neticesinin inbâsı zımnında Kerkük Niyâbeti'yle cereyân eden muhâbere neticesinde mûmâ-ileyh Seyyid Necib Efendi'nin ilm-i irfâna mâlik ve telkîn-i tarîkate muktedir bulunduğu ve mahdûmu mûmâ-ileyh Abdülhalık Efendi'nin de şimdiki kadar bir güne sû'-i ahvâli işitilmemiş olduğu tahkîkât-ı resmiyyeden tebeyyün ettiğinden bu gibi meşâyih hakkında muhîl-i şeref ve nâmûs isnâdatta bulunan müsted'î-i mûmâ-ileyhin müfterî cezâsıyla tecziye edilmek üzere hakkında ta'kîbât-ı kânûniye icrâsı zımnında işbu evrâkın mazrûfen Adliye Nezâret-i celîlesine irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif
Yazılmıştır Hüsâm

IST_MFT_MSH_DFT02_01737_0001_0208

Hasköy Sütlüce'de Hasırîzâde Şeyh Hacı Mustafa Efendi Dergâhı şeyhi Mehmed Elif Efendi'nin hayatta olduğu ve görevine devam ettiğine dair ilmühaber.

- / - / - / - / - / - / - / 5 / - / Fî 8 Mart sene [1]330 [21 Mart 1914]

Hasköy'de Sütlüce'de vâkı' Hasırîzâde el-Hâc Mustafa Efendi Dergâh-ı şerîfi ma'mûr ve küşâde ve şeyhi Mehmed Elif Efendi el-yevm ber-hayât ve derûnunda âyîn-i tarîkat-i aliyye icrâ ve it'âm-ı fukarâ edilmekte olduğunu mübeyyin işbu ilmühaber i'tâ kılındı.

Yazıla

IST_MFT_MSH_DFT02_01737_0001_0209

Davutpaşa'da Beşikçizâde Dergâhı tahsisat ve tayinatının, şeyh vekili Seyyid Mehmed Sükûtî Efendi'nin mührüyle verilmesi.

- / - / - / - / - / - / - / 3 / Fî 23 Rebî'ülâhir sene [1]332 [21 Mart 1914] / Fî 8 Mart sene [1]330

Bâlâda matbû' mühür Davudpaşa'da Beşikçizâde Dergâh-ı şerîfinin Şeyh Vekili Seyyid Mehmed Sükûtî Efendi'nin tatbîk mührü olduğundan tatbîk ittihâz edilmesiyle umûm mu'ayyenât ve muhassasâtının ol mühürle i'tâsı zımında işbu ilmühaber i'tâ kılındı.

Yazıla

IST_MFT_MSH_DFT02_01737_0001_0210

Bir yıl süreyle Meclis-i Meşâyihiin evrak istatistiği.

- / - / - / - / - / - / - / 2 / Fî 19 R. sene [1]332 [17 Mart 1914] / Fî 4 Mart sene [1]330

	Aded-i evrâk
Bâ-makbûz vürûd eden evrâk	242
Meclisten yazılan mazbata	38
Meclisten yazılan müzekkire	55
Meclisten yazılan derkenâr	156
	491
Riyâsetten yazılan tezkire	57
Tasdîk kılınan ilmühaberler	167
Üç yüz yirmi dokuz Mart'ından Şubat gâyetine kadar sene-i mezkûr zarfında çıkan mecmû' evrâk	715
Bâ makbûz vürûd edip ve mu'âmele görüp çıkan	242- 222
Derdest-i mu'âmele bulunan	20

IST_MFT_MSH_DFT02_01737_0001_0211

Üsküdar'da Afgan Kalenderhanesi postnişini Mehmed Efendi'nin, belirlenen vakitte Meclis-i Meşâyihe çağırılması.

- / - / - / - / - / - / - / 2 / Fî 16 Rebî'ülâhir sene [1]332 [14 Mart 1914] / Fî 1 Mart sene [1]330

Üsküdar'da Afgan Kalenderhânesi Postnişini Mehmed Efendi'ye

Bazı husûsun müzâkeresi zımnında Mart'ın dördüncü Salı günü sâ'at altı buçuk raddelerinde behemahâl Meclis-i Meşâyih'e teşrîfe himmet buyurmaları niyâz olunur. Yazıla

IST_MFT_MSH_DFT02_01737_0001_0212

Silivrikapı'da Körükçüzâde Dergâhı postnişini Şeyh Sıdkı Efendi'nin, tarik bedelinden muaf tutulması.

- / - / - / - / - / - / - / 1 / Fî 16 Rebî'ülâhir sene [1]332 [14 Mart 1914] / Fî 1 Mart sene [1]330 Silivrikapısı Caddesi'nde Körükçüzâde Dergâhı postnişini Şeyh Sıdkı Efendi bâ-berât-ı âlî dergâh-ı mezkûrun şeyhi olup bi'l-fi'îl icrâ-yı vazîfe etmekte olduğu ve meşâyihin tarik bedelâtından istisnâiyeti kânûnda musarrah ve bedel-i mezkûr şahsa âid bulunduğundan me'mûriyet ma'âşından kat'ı muvâfık olamayacağı cihetle kânûnen hâiz olduğu istisnâiyetin muhâfaza buyurulması zımnında işbu ilmühaber takdîm kılındı.

Es-Seyyid Mehmed es-Sükûtî, Elif

IST_MFT_MSH_DFT02_01737_0001_0213

Üsküdar Kısıklı'da Hazret-i Selâmî Dergâhı postnişini Ali Rıza Efendi'nin vefatıyla yarım hisse meşihat cihetinin, diğer hisse sahibi biraderi Mehmed Nûri Efendi'ye tevcihi.

Fî 15 R. sene [1]332 / Fî 28 Şubat sene [1]329 / Hüsâm / Kırmızı 206 / 225 / 1 / - / 2 / Fî 16 Rebî'ülâhir sene [1]332 [14 Mart 1914] / Fî 1 Mart sene [1]330

Üsküdar'da Kısıklı'da kâin Hazret-i Selâmî Dergâh-ı şerifinin nısf hisse meşihat cihetine mutasarrıf bulunan Ali Rıza Efendi'nin vukû'-ı vefâtına mebnî diğer nısfına mutasarrıf olan ve şu sebeble hisse-i mahlûliyyeye müstahık bulunan Mehmed Nûri Efendi'nin Tevcih-i Cihât Nizâm-nâmesi mücebince vazîfe-i meşihati ifâya ehil olup olmadığının ta'yîn ve beyânını mutazammın Şûrâ-yı Evkâf Kaleminin ifâdesiyle Evkâf-ı Hümâyûn Nezâret-i celîlesinden fî 6 Rebî'ülevvel sene [1]332, fî 20 Kânûn-ı sâni sene [1]329 târih ve altmış üç bin beş yüz otuz iki umûmî ve yüz doksan husûsî numaralı bi'l-vürûd havâle buyurulan tezkire ve Kuyûd-ı Kadîme Müdiriyyeti'nden muhrec der'uhde ve vakfiye kayıd cetveli lede'l-mütâla'a nısf cihet-i mezkûre ile cihât-ı sâire hâl-i sıgarında biraderi müteveffâ-yı mûmâ-ileyh Ali Rıza Efendi tarafından bi'n-niyâbe ifâ-yı hizmet edilmek üzere mûmâ-ileyh Nûri Efendi'ye fî 21 Cumâdelûlâ sene [1]272 târihinde tevcih olunduğu anlaşılmış ve mûmâ-ileyh imtihâna muktedir mücâz ashâb-ı ilm ve salâhdan ve sinîn-i vefreden beri tadrîs ve te'lîf ile meşgûliyyeti ve kırk elli seneden beri dergâh-ı mezkûrun hizmetini ifâ eylediği Meclis-i dâ'iyânemizce ma'lûm olduğu gibi mukaddemâ bi'l-imtihân tebeyyün eden ehliyyetine binâen Bulgurlu'da kâin Bayram Paşa Câmi'-i Şerifinin vâ'izlik ciheti bâ-berât-ı âlî uhdesinde olup bizzât hizmetini ifâ ve sinni şeyhûhete vâsıl idiğinden müteveffâ-yı mûmâ-ileyh Ali Rıza Efendi'den mahlûl nısf hissenin niyâbeten uhdesindeki diğer hisseye bi'l-ilâve meşihat-i mezkûrenin tamâmen mûmâ-ileyh Mehmed Nûri Efendi uhdesine tevcih olunup yedine berât-ı âlî i'tâ ve îcâb eden mu'âmelenin ifâsı zımnında işbu evrâkın takımıyla mazrûfen Evkâf-ı Hümâyûn Nezâret-i celîlesine irsâl buyurulması bâbında

Sâdık, es-Seyyid Mehmed es-Sükûtî, Elif

Yazılmıştır Hüsâm

IST_MFT_MSH_DFT02_01737_0001_0214

Selânik'in Yenice-i Vardar kazasında Şeyh Ataullah Efendi Dergâhı meşihatindeki hukukunun korunması talebinde bulunan Mustafa Efendi'nin dilekçesi üzerine; istilaya uğramış yerlerdeki tekkeler hakkında nasıl bir işlem yapılacağı bilinmediğinden durumun Evkaf Nezâretinden sorulması.

Fî 8 R. sene [1]332 / Fî 21 Şubat sene [1]329 / Hüsâm / İstid'â 4797 / 236 / Fî 15 Kânûn-ı evvel sene [1]329 / - / 1 / Fî 16 Rebî'ülâhir sene [1]332 [14 Mart 1914] / Fî 1 Mart sene [1]330 Selânik'te Yenice-i Vardar'da kâin tarîkat-i aliyye-i Kâdiriyye'den Şeyh Ataullah Efendi Dergâhı meşihat cihetindeki hukûkunun ziyâ'dan vikâyesi istirhâmını mutazammın Mustafa Efendi tarafından işbu istid'â ile vukû' bulan mürâca'at üzerine dergâh-ı mezkûrun der'uhdesi Kuyûd-ı Kadîmeden bi'l-ihrâc vakfiyesi mukayyed olmadığı bâ-derkenâr beyân buyurulmuş ise de istilâ gören mahallerdeki bu gibi cihât hakkında ne yolda mu'âmele ve kimle ve ne vâsıta ile muhâbere edileceğinin iş'ârı zımnında işbu arzuhalin mazrûfen be-tekrâr Evkâf-ı Hümayûn Nezâret-i celîlesine irsâl buyurulması tezekkür kılındı ol bâbda.

Sâdık, es-Seyyid Mehmed es-Sükûtî, Elif

